



P.O. germ. 2099 h  
Dr. H. Holland.

~~Hollandiana Z~~

~~165~~

Kobell

<36624575910018



<36624575910018

Bayer. Staatsbibliothek



gr. 19, VII. 1803  
+ II. XI. 1882.





# Gedichte

in

oberbayerischer Mundart

von

Franz von Kobell.


Sechste Auflage.

---

München.

Literarisch - artistische Anstalt  
der J. G. Cotta'schen Buchhandlung.  
1862.

*Div. n. 148*



Buchdruckerei der J. G. Cotta'schen Buchhandlung  
in Stuttgart und Augsburg.

Seiner Königlichen Hoheit

dem

Durchlauchtigsten

**Herzog Maximilian**

in Bayern

ehrfurchtvollst gewidmet

von

dem Verfasser.



# Inhaltsanzeige.

	Seite
Oft hängt grad' in an Auge'nlied ic . . . . .	1
Der Pinzger = Jaga . . . . .	5
Der bsunderni Geist . . . . .	8
Der Hörschter und der Jagabua . . . . .	11
T' Blicmin' . . . . .	14
Der bsunderni Baam . . . . .	16
's Vertheil . . . . .	18
Der Traam . . . . .	20
'S schlafadi Diendl . . . . .	23
Vietschaftsberdruf . . . . .	25
Erfahrung . . . . .	27
Der Berdruf . . . . .	29
'S Zitterspiel . . . . .	31
A Verträchtung . . . . .	32
Die drei Dufat'n . . . . .	34
A' Witt' an's Diendl . . . . .	36
Die Almres'n . . . . .	38
A rari Birsch . . . . .	41
Der Tagl und der Pudl . . . . .	43
Der Wald . . . . .	45
Die hartherzi' Bäurinn . . . . .	48
Der Posthalter von Anzing . . . . .	53
Alloa' und Groß . . . . .	57
Die Zeit . . . . .	59
Was gschicht, wann der Laufs kimmt und was's bideut' . . . . .	61
Schnaderhüpfeln . . . . .	63
Der Gebirgs = Jager a'm Anstand . . . . .	64
Die oa', die i' mea' . . . . .	67
Berg = Name' . . . . .	69
Der Edlweissbroder . . . . .	71
T' Fögl . . . . .	73
Der alti Jaaga . . . . .	75

	Seite
Beirisch . . . . .	78
Gerant'n . . . . .	80
Wie's halt geht . . . . .	81
Jagallied . . . . .	83
Ech's floalweis . . . . .	85
Ben Herzeg Max . . . . .	87
Um Reuni . . . . .	89
Die floanern' Jager . . . . .	90
Die Eenderinn . . . . .	93
Die verliedt'n Quab'n . . . . .	95
Vom altn Solacker . . . . .	98
Die Kuch' . . . . .	102
Allewei' Gort vor Augn . . . . .	104
Die gefahrtinga Wänsq' . . . . .	107
Mei' Himmi' . . . . .	111
Pechmaier's Bittlespiel . . . . .	113
Der Fuchs und der Has' . . . . .	117
Der Mensch . . . . .	119
Der Taler . . . . .	120
Von der Agnes-Bernauerinn . . . . .	123
'S Krampfringl . . . . .	126
D' Keflsreibn . . . . .	128
Die Ordnung . . . . .	132
Wie's oan' a'schegn to' . . . . .	134
Freisung und Landshut . . . . .	136
A Gschichtl . . . . .	138
Der Jaga . . . . .	140
Schupfengl . . . . .	143
Guat Nacht . . . . .	144
Der Fürst Löwnkei' . . . . .	147
Die Hochzeit von Apling . . . . .	149
Die Mühl' . . . . .	151
S' Liedl . . . . .	153
Wie schauet der Tod aus? . . . . .	156
'S Gebet . . . . .	159
Der Bua vo' Wimbach . . . . .	160
'S adeligi Diendl . . . . .	163
Der Baam in Paradies . . . . .	165
Der Kaufs (Leuz) . . . . .	167
An die Tschauerinnn . . . . .	169
Die Harb' . . . . .	171
Der rechte Mo' . . . . .	174
Rea' Treft . . . . .	176

	Seite
Der Gamsjager . . . . .	178
Die Prob' . . . . .	180
'S Bild . . . . .	182
Die Irrwurz . . . . .	184
Die Teufelsmühl am Kuntisee . . . . .	186
Der guati Kerl . . . . .	188
Scheibschüßnlied . . . . .	190
Die guatn Ding . . . . .	192
Der Bodtrinker . . . . .	194
Der Ruchhefer . . . . .	196
Der Weber vo' Wallgau . . . . .	198
Die Wänsch' . . . . .	206
Die Schwalbn . . . . .	207
So is's bei'n uns in Bearnland . . . . .	209

### Erinnerungen an Berchtesgaden.

Der Schuß . . . . .	215
Die Hölzer . . . . .	219
Der Deppiti . . . . .	223
Die übergoss'n Alm . . . . .	225
Der Auerke' . . . . .	229
E Ettaler Mannl . . . . .	232
Di' Laus . . . . .	234
Die Verdruß . . . . .	235
Bi' z'friedn daventlwegn . . . . .	238
Bogsruf' . . . . .	240
Der Wildi . . . . .	242
Die Witi' . . . . .	243
Die Teufin . . . . .	244
Notbi' is nit lusti' . . . . .	246
An' Aufklärung . . . . .	249
Die Lieb' . . . . .	250

### 'S schö' Lisei.

- I. Wie 's schö' Lisei ihr'n Buabn mit an' Gschpiel gern zun Mo' kriegt hätt' . . . . . 255
- II. Wie der Vater auf dees Gschpiel ei'geht, aber sei' Willn an' böjn Hadn hat . . . . . 259
- III. Wie die Buabn 'n Hirsch nit kriegn, und wie der Oßwald zu der seltsame' Big kemma is . . . . . 262
- IV. Wie's schö' Lisei in d' Ruchn ganga is und hat den groß'n Hirsch g'fegn . . . . . 269

	Seite
V. Wie's schö' Lisei 'n Stephi Al's sagt und wie der 'traamt hat .	274
VI. Wie die Birsch bei die zwoa Buabn ausganga, und was weiter g'schegu is . . . . .	279
Der Fuchs . . . . .	284
Der Sturm auf Belgrad. 1688 . . . . .	286
Aus 'n Bauernkrieg vo' 1525 . . . . .	290
Die Zither . . . . .	293
Der Teufel in' Glaasl . . . . .	294
Der Vogelfanger . . . . .	297
Der Gang in's Hochs . . . . .	299
Laf ma's, wie's is . . . . .	307
Der Esch . . . . .	309
'S Troad . . . . .	311
Volkswilln . . . . .	313
Warum d' Leut nit all' gleich reich sei' kinna . . . . .	315
Jagalieb . . . . .	317
Von Jaaga = Hannes . . . . .	319
W' Gldbnuß . . . . .	322
W' Busch'n Schnadahüpfen . . . . .	324

### Der Heuretsstoa'.

I. Wie die Diendln z' Unterlaana in Heuretsstoa gworfa hamm .	337
II. Wie des grofi Schiefet in Verlsagdn gwest is . . . . .	341
III. Wie der Mankeifranz g'eifert hat, und wie's Niede auf Rühroint müßn hat . . . . .	346
IV. Wie zwoa Wildschüßn auf Rühroint kemma san, und was 's Niede von die g'hört hat . . . . .	350
V. Wie die Jaga von Bartlmä auf d' Wildschüßn ganga san, und was der Mankeifranz a'gstift hat . . . . .	356
VI. Was d' Wildschüßn ausg'sagt hamm, und wie der Sepp 'n grofßn Jammer d'erlebt hat . . . . .	362
VII. Wie 'n Niede auf der Alm gwest is, und wier a' Bass von Forstner die Waldschüßn gstimmt hat . . . . .	368
VIII. Wie der Mankeifranz 'n Sepp g ausam um's Leben bringa will .	375
IX. Wie 's Niede auf Bartlmä hat geh' woll'n und wie f' ins Kirchei z' St. Johann und Paul kemma is . . . . .	380
X. Wie 's Niede in d' Eiskapelln kemma is, und was die Gschicht' für an' End g'numma hat . . . . .	385
Erläuterungen . . . . .	390



Oft hängt grad in an' Aug'nblick  
An' Mensch sei' Schicksal und sei' Glück.\*

Es is a Diendl auf der Alm'  
Gar lusti' gwest bei seini Kalbn,  
Sie juchezt frua, sie juchezt spat,  
Und gfreut hat's, wer sie g'segn hat.

A saubers Diendl, wie sie gwest,  
Mit schöni Aug'n, frisch und fest  
Und guat vo' Herz'n aa' dabei,  
Sie hätt' wohl gebn a rührigs Wei'.

Sei' Schatz, schon aar a' frische Bua,  
Der geht oft ihrer Alma zua,  
A' guata Schütz und fast verwegn  
Und hat an diem aa' wildern mögn.

\* Um das Lesen nicht zu sehr zu erschweren, konnte im Texte nicht Alles so geschrieben werden, wie es gesprochen wird. Wer den Dialekt kennt, wird die nothwendigen Correktionen leicht machen können. Siehe übrigens die Erläuterungen am Schlusse.

Und daß er jußt so voller Schneid,  
 Dees hat die Senndrinn woltern gfreut,  
 Denn der grad loami lebe'n will,  
 Gilt bei di Diendl'n ninderscht viel.

Und wo ma aussicht von da' Höh'  
 Auf Schliers und abi auf'n See,  
 Da habn's oft grad g'scherzt und g'lacht  
 Und Gsangln auf anande' g'macht.

O hätt' dees armi Diendl g'wißt,  
 Was sie no All's derlehn müeßt,  
 Und wie's an dieweil'n femma fo',  
 Sie hätt' ja nie an' Fuchzer tho'.

Amal, 's is gwest a Wetanacht  
 Und goßn hats und blizt und fracht,  
 Da klopf't's an ihra Hüttntthür,  
 „Thu' auf und laß mi ei' zu Dir!“

Wie froh springt sie von Kreister 'ra',  
 Dees is ihr Bua, ja er ist da,  
 „„Und bei den Beta kimmst zu mir,  
 „„Grüeß Gott, ah dees freut mi vu' Dir.““

Und lusti blast sie 's Feuerl o',  
 Er aber schaut sie gar nit o',  
 „„Was is's denn, ho' di' nie so gsegn?““ —  
 „Sey staad, es is a 'n Unglück g'schegn.“

„Du liebi Frau, was hast da g'sagt,  
 „Du hast ma jetz' an' Schricka g'macht,“  
 „Ja ja, an' Unglück, hör' mi o',  
 „Muasß no in dera Nacht davo':

„Bin ganga auf an' Zehnahirsch,  
 „Auf den i' woltern lang scho' birsch',  
 „Und wie i' schleich' auf d' Liecht'n für,  
 „Da steht der Förschta z'nachst bei mir,

„Und fahrt mi'n Stutz'n glei in' Wang,  
 „Natürli wart i aa' nit lang,  
 „Bei mir schnallt's eh', — du lieba Gott,  
 „Er rührt si' nimma, er is todt!“

Da' hebt da' Bua d'Händ für sei' Gesicht  
 Und 's Diendl woas nit, wie ihm g'schicht,  
 D'rauf sagt er no: „Jetz' bet' für mi,  
 „Zun lezt'nmal heunt sich i di.“

Und stürzt davo' in Sturm und Reg'n,  
 Sie hat 'n weita nie mehr g'seg'n,  
 Und seit der Stund, daß sie dees ghört,  
 Hat f' Sorg und Kumma schier verzehrt,

Und todt is 's worn auf der Alm',  
 Hoa Kranz ziert mehr a Ruh a Kalbn,  
 Da juchezt foa Diendl auf den Platz  
 Und macht foa Gsangl auf sein Schatz.

Und sie, gar krank, werd nimma g'jund  
Und bet' bis an ihr lezti Stund'  
Für den, der s' in dersell'n Nacht  
Hat vor'n Tod um's Leb'n bracht.

---

So hängt oft in an' Aug'nblick  
An' Mensch sei' Schicksal und sei' Glück!

---

### Der Pinzger Jaga.

Es hat a Jager in Pinzgerland  
 A Diendl g'liebt von guat'n Stand,  
 Sie hat ihm aa' wohl freundli' tho'  
 Und er halt' drum bei'n Vatern o'.

Da Vater aber, a harta Mo',  
 Der hört 'n gwalti finster o',  
 Und hebt an' stoanern Kruag in d'Hö'h'  
 Und sagt: „Gib Acht und wohl versteh',

„Bringst du mir an' Kruag, wie der von Gold,  
 „Mei' Diendl dei' Wei' wohl wer'n sollt',  
 „Boneh'n i aber den Kruag nit ho',  
 „So red'n ma weita nimma dabo'.“

Den arma Buabn werd's warm und kalt,  
 Er geht verzweifelt 'naus in Wald,  
 Da steht a Kreuz alt und vermoost,  
 Da kniet er nieder und bet' um Trost.

Und schaut voll Rümma himmelwärts  
 Und allwei schwara werd ihm 's Herz,  
 Bis spat für ihn aa' kimmt a Ruh  
 Und Schlaf schließt seiini Aug'n zua.

Und in der Nacht, da traamt ihm schee',  
 Er saach a schneeweiß' Gambsei steh',  
 Und an oan Lauf, a seltsam's Ding,  
 Da glanz und blinkt a goldner Ring.

Er schießt und wie er's troffa hat,  
 Da is ihm bsunders gwest und grad  
 Als waarn Hochzetleut' beisamm'  
 Und er sein Schatz sei' Bräutigam.

Und eh' no geht die Sunna auf,  
 Da is da' Jager aa' schon auf,  
 Und denkt, was wohl der Traam bideut'  
 Und birscht an' Berg 'nauf gegn d' Schneid'

Und drob'n auf der höchst'n Höh'  
 Sicht er a Gambsei, weiß wie Schnee,  
 Und an oan Lauf, a seltsam's Ding,  
 Da hat's den traamt'n goldern Ring.

Da birscht er si' wohl fleißi o',  
 's Gambs aba zieht gar g'schwind davo',  
 Und führt' 'n allweil tiefer 'nei'  
 In d' Berg bis z'nachst hin nach Gastein.

So birscht er wohl zwoa ganzi Tag,  
 Roa Steig'n acht' er und foa Blag,  
 Am dritt'n endli in da' Frua  
 Nimmt er auf hundert Schritt' dazua.

Und schießt, daß 's weit in Berg'n hallt  
 Und 's Gambsei stürzt und abi fällt,  
 Und mit oan Lauf nett hat's es g'fangt,  
 Sunst hätt's es g'worfa üb'r a Wand.

Und in an' enga Fels'nsfalt,  
 Da steckt der Lauf, der 's Gambsei halt',  
 Und schau, rundum glantz überall  
 Der Fels von lautern Goldmetall.

Dees Gold is gwest der 'traamte Ring  
 Und hat den Buabn wohl g'freut des Ding,  
 Er dankt sein Gott für so a Glüd  
 Und für sei' wunderbarlis G'schid.

Jetzt hat er bald wohl mehr als gnuag,  
 Da leidt's ihm aa den goldern Kruag,  
 Den bringt er hi' den hart'n Mo'  
 Und führt sein Schatz als Braut davo'.

In Rathhausberg bis auf die Stund'  
 Baut ma dees Gold von selln Fund,  
 Drum denf' an j'der Jaga dro',  
 Daß mar aa' was dabet'n fo'.

Y. Carl Juter y Autograph.

### Der bsunderni Geist.

'S san gwesht auf da' Spitzing\* drei Diendl'n beinand,  
 Die hab'n oft ghoangascht und plauscht mitanand,  
 Und amal hat die oa' von an' Geist verzählt,  
 Der no' sollt wandeln auf dera Welt  
 Und der d'Leut öfter vermögli' g'macht  
 Und hat ihna prächtigi Sachen bracht.  
 Aber oans, sagt's, dees is bsunders dabei,  
 Es soll'n g'rad die von ihm was g'winna,  
 Die, wie er will, mit ihm red'n kinna.  
 A Narr! sagt die Jüngst', dees war jetz a Kunst,  
 Da redet i do' nit leicht umasunst,  
 Denn red'n moant's, grad wie oana will,  
 Wann's deutsch waar, dees bedeutet nit viel,  
 Und denkt ihm, wie f' 'n wollt ebba fanga  
 Und was er wohl red'n thaat und verlanga.  
 Steht nit lang o', kimmt a Jager zu ihr,  
 A fremder is's gwesht, nit aus der Revier,  
 Der hat an der Seit'n a Pulverhorn trag'n,  
 So prähti und fei, ma fo's nit sag'n,

\* Alm bei Schliersee.



Ganz schwaar von Gold und b'fetzt mit Stoa'  
 Und g'schaugt hat 's Diendl grad groß und floa'.  
 Der Jager der kent' ihm a Pfeiferl o',  
 Und hat weita ganz vertrauli tho';  
 Und wie s' so a weil mitanander red'n,  
 So sagt er: Dees Horn, gelt, dees thast mögn?  
 Sagt 's Diendl: Wahrhafti, da waar i wohl reich  
 Und waar mir in Dorf koan' oanzigi gleich.  
 Woast was, sagt der Jaga, mir macha a Gschpiel,  
 Verlier'n ko'st nix, aba gwinna gar viel,  
 Mir red'n mitanand' und i wer' di' viel frag'n  
 Und du derfst nit Ja und nit Na dabei sag'n,  
 Und sagst du nit Na und sagst aa nit Ja,  
 So g'hört dir dees güldene Hörnl da.  
 Es gilt, sagt 's Diendl und lacht dazua  
 Und denkt ihm, dees is a lustiger Bua.  
 D'rauf er: „Hast nie no an Bär'n gsegn?“  
 „„Mei' Lebta nit, is mar aa nix dra' glegn.““  
 „Es is oana da, 'ho' d'Fihrt heunt g'fund'n.“  
 „„So so, habn's dir ebber oan aufi bund'n.““  
 Da lacht er und sagt: „Ja bild'jt da' du ein,  
 „Ha Narret, dees güldene Horn g'höret mei'?“  
 „„Was denn, sagt 's Diendl, des kunnt wohl seh'.““  
 „Ja sicht denn a Jager an' Fürst'n gleich?“  
 „„Es sehd's koa Jager, Es sehd's wohl reich.““  
 „Na Diendl, dees Horn des g'hört mein' Herrn,  
 „Daß i 's heunt trag', is a b'junderner Stern,  
 „Weil aber mei' Herr so gar viel frumm,  
 „So wett' i, er gebet dir's willi d'rum,

„Thaatst ihm grad a Kloanigkeit versprecha,  
„Natiirli durfst dei' Wort nit brecha,  
„I moa', wurst no grad a Klosterfrau —“  
„Na, na, sagt 's Diendl, dees waar ma z'ichlau.“  
Da hat's bei dem Na an' Bumpser tho'  
Und furt mit sein Horn is' der Jagersmo'!

Jez hat's dees Diendl wohl sakrisch gschmerzt,  
Daß's hat so dalket sei' Glück verscherzt, —  
Sie moant, an andersmal waar s' wohl g'scheit  
Und wur' selli Sachen so leicht nit nemma, —  
Der Jagersmo' aber is nimmer femma!

---

## Der Förschter und der Jagabua.

Was soll i thoa, hat g'lagt der Bua  
 Zun Förschter zu sein Herrn, —  
 Dessell' is gwest an' alter Mo',  
 Brummt: Werscht es inna wer'n;  
 „Jez gehst amal auf's Möjl 'naus,  
 „Da hat's a scheeni Lach',  
 „Es stenga dir viel Ant'n auf;  
 „Du feihst den ganz'n Pack,  
 „Denn i mag sag'n, was i will,  
 „Du laßt da' do' nit Zeit,  
 „D'rum blenk'lst aa in Nebi 'rum,  
 „So geht's di junga Leut.  
 „D'rauf lad'st und gehst 'n Hölzl zua,  
 „Da liegt a junger Has,  
 „Nett auf'n Spiz, hart an da Gruab,  
 „Da duckt er si' in's Gras,  
 „Auf siebn Schritt, da steht er auf,  
 „I woaf scho, was 's bideut',  
 „Du schieß't a Loch in Bod'n 'nei',  
 • „So geht's di junga Leut.  
 „Jez' draahst dei Stuz'nläufi auf

„Und gehst in groß'n Schlag,  
 „Da thuat si' gern a Nachbock um,  
 „Kimmt no' bei'n hell'n Tag,  
 „Du sehest di' hi' zu'n Gelberbaam,  
 „Er kimmt da' gar nit weit,  
 „Wann's g'schnellt hat, hast 'n wieder gfeiht,  
 „So geht's di junga Leut.  
 „Ade, um neuni bist dahoam. —“  
 Da geht da' Bua davo',  
 Ganz fuchti über selles G'reb  
 Und über den alt'n Mo'.  
 Und wie er so verdrießli geht,  
 Da steht am Weg a Haus,  
 Da schaukt a Diendl jung und frisch  
 Am Thor bei'n Tenna 'raus,  
 Die ruest ihm zu: „woaus so g'schwind,  
 „Wie?kehr' a bis'l ei';“  
 Der Bua laßt's ihm nit zwoamal sag'n  
 Und geht in d'Tenna 'nei'.  
 „Wie?“ sagt', „geh', hilf ma mit mein Flachs  
 „Und brich a bis'l mit.“  
 „„Ja wannst mar a Paar Bußein geist,““  
 Und sie verredt ihm's nit.  
 Da bricht er Flachs und scherzt mit ihr,  
 So is a junger Bua,  
 Und wie'r er von sein Herrn verzählt,  
 So lachen's ihna gnua.  
 Und über selles Zeug und Gschpiel,  
 Da geht die Zeit g'schwind um

Und wie's um's Dunkeitverd'n gwest,  
So kehrt er wieder um  
Und 'thuat ganz ärgerli dahoam.  
„Was is's jetz, gront der oa',  
„Wo is dei' Ant' und Has' und Bock,  
„Kimmst ebba gar alloa?“  
„„Meinoad, Ges müest's, hat g'sagt da Bua,  
„„A Hernmoaster seh',  
„„Daf's All's a so derrathn finnt's  
„„Und nett trifft's allzeit ei'.““  
Da lacht' der Alt, 'hat's nit oft 'tho',  
Dees aber hat'n g'freut, —  
An Buabn aa' scho', schau so geht's  
An diem die alt'n Leut'!

---

### D' Blicmin'.

'E Diendl is in' Gartn' ganga  
 Hat mit seini Blicmin g'redt  
 Und hat tho' als wann an' j'bs aa',  
 Zun Versteh' des Rehti hätt'.

„Du, sagt's zun an' braun'n Raagerl,  
 „Geh' ma' nit z'viel ausanand',  
 „Bist jetz' nett als wier i's gern ho'“. —  
 Und hats g'itreicht mit der Hand.

Zun an' weisz'n sagt's: „Ah Narret,  
 „Schaugst in d' Welt du aa' scho' 'naus,  
 „Hast no' gestert g'hütt' dei' Kammerl,  
 „Lustiger, gel', is's herauß'.“

Zun an' floan'n g'spredt bloach'n  
 Sagt's: „Du schaugst ja trauri' drei',  
 „Hat dir d' Farb' nit langa mög'n,  
 „Wel'? — thuat nix, bist do' die mei'!“

Und na' sichts a' jungi Rosn,  
„Grüß di' Gott, ah du bist schö',  
„Waar i' Braut, du gar mei' Liebi  
„Müßt' heunt mit zum Buabn geh'.“

Und sie sagt's und sagt na' nix mehr,  
Hat leicht an 'was Anders denkt,  
Leicht an Dan' vo' dem se's freuet,  
Hätt' er ihr a' Bliemi g'schenkt.

Hat da drüber Alls vergessn,  
Mit die Bliemi'n nix mehr g'macht,  
Grad die Rosn, die dra' schuld gwest,  
Hat s' gedankvoll bitracht'. —

Schau, es haapt wohl, d' Lieb' macht schwaazn  
Und wie s' d' Wort no' findn thaat,  
Mei' ja! aber oft a' Diendl  
Macht s' dafür aa' mäuslstaad!

### Der bsunderni Baam.

Bei'n Förschter, bei an fluag'n Mo'  
 Halt' oana um sei' Tochter o',  
 Der Förschter sagt, es kunnt wohl sey',  
 Daß i mein Will'n gebet drei',  
 Wann du an' Baam mir nenna ko'jt,  
 Den i no nit verzoach'n't ho'  
 Und den ma hierrum segn ko',  
 Verstanden? — Au weh, denkt der Bua,  
 Der Baam macht d'Heurath schwaar,  
 Er schreibt an' j'di Staudn auf,  
 Wo der no' zfind'n waar;  
 Ganz trauri geht er um und um  
 Und schaukt und denkt si' halbet dumm,  
 Es is grad gwest, als sollts nit sey',  
 Und ihm fällt halt der Baam nit ei'.  
 A Freund, der sicht sei' Traurigkeit  
 Und fragt 'n drum, was ihm denn feiht,  
 Dem hat er halt sei' Kreuz erzählt,  
 Was für a Trag' der Förschter g'stellt.  
 „Ha, sagt der oa', mir fällt was ei',  
 „Vielleicht kunnt's dengerscht taugsam sey',



„Schau, wann er's just nit übi naahm  
 „Und nennet'st ihm — an' Burzlbaam!  
 „Den ko'st ihm zoagn alli Tag  
 „Und wo er 'n no grad segn mag  
 „Und daß er den verzoachnt hat,  
 „Dees glaab i nit, so waar mein Rath.“ —  
 Jez kimmt's den Buabn wie a Schei'  
 Auf oamal in sei Denka 'nei',  
 Er tanzt und springt und juchezt nett,  
 Als wann er an' Bunkin troffa hätt  
 Und laaft, was er no laaffa ko'  
 Und meldt si' da bei'n Förschter o'.  
 Und wie er jez so vor ihm steht,  
 Halt er a langi feini Red'  
 Und sagt von wegn denselln Baam,  
 Es waar' ihm femma wier a' Traam,  
 Daß oaner nit in' Büchl staaud,  
 Und den ma dengerscht überalln faand,  
 Den er ihm zoaget alli Tag  
 Und wo er'n no grad segn mag,  
 Und wann er's halt nit übi naahm,  
 So nennet er an' Burzlbaam. —  
 Da hat der Förschter freili g'schaugt. —

## 's Lercherl.

Es singt a' Lercherl in der Luft,  
Singt hoch und frei, wie's mag,  
Und singt gar sorglos und gar froh,  
Heunt werd a schöner Tag,  
A schöner Tag!

Es sitzt a' Mausier auf an' Baam.  
Der bild't si' wohl 'was ei',  
Er steckt si' in sein' Federbalg,  
Wie in a' Wildschur 'nei',  
Schaugt fürnehm drei'.

Jek' draacht er seini Augn auf,  
Hat 's Lercherl gschwind d'ersegn,  
Und daß's so lusti' singt und thuat,  
Dees hat er gar nit mögn,  
Vo' Bosheit wegn.

Ja Lercherl, 's werd a' schöner Tag,  
Wem aber werd er's wohl?  
Werd's nit für di' du armer Narr,  
Der 's andri singa soll  
So hoffnungsvoll.

Der Mauser schwingt si' höher 'nauf  
Als du, so is der Gang,  
Und macht an' Fahrer wie a' Pfeil  
Und hat di' scho' in Fang,  
Aus is der Gsang. —

Und so viel Zercherln geht's a so! —  
Mei' Flintn gebt's ma' her!  
Der Teufi soll die Mauser holn,  
I' leid' meinoad koan' mehr,  
Mei' Flint'n her!

---

### Der Traam.

Es hat amal an' Diendl traamt,  
 Sie hätt' si' in an' Wald verganga,  
 Und is ihr da, hat nie g'wißt wie,  
 A Graus'n femma und a Banga;  
 Und wie se si' so g'forcht'n hat,  
 Da hört s' in Laabern 'was rebell'n,  
 Und kimmt a Wolf nett auf sie her,  
 Als wollt er ihr n' Weg verstell'n.  
 Und in der Angst da hat sie g'lobt,  
 Zu'n Birkastoa' a Wallfahrt z'macha,  
 Da is der Wolf gar g'schwind davo'  
 Sie hat scho' gmoa't, er hätt' s' in Racha', —  
 Und wacht na' auf und hat wohl g'schnauft  
 Und hat lang denkt an ihra Traama  
 Und an den Wolf, und wie's wohl waar,  
 Wann s' ebber amal so 'zammakaama.  
 Und ob s' die Wallfahrt macha sollt',  
 Hätt s' freili grad in Traam versprocha,  
 In selli Sach'n aber moant s',  
 Da waar halt leichtli' 'was verbrocha.  
 Sie fragt an' Holzknecht, der hat oft

Sein Retsl 'locht in ihra Hütt'n,  
 Der ab'r is gwesst a Teufsisstrick.  
 Hoa Freund von Bett'n und von Bitt'n.  
 „Jetzt roas' mit deiner Wallfahrt da,  
 So sagt er, is da' ja nix g'schegn,  
 „Was werst denn bett'n weg'n an Wolf,  
 „Hast deiner Lebta' no' koan g'segn.“ —  
 Dees Diendl aber, woltern frumm,  
 Hat denkt, es kunnt' ja nie nix schad'n,  
 Wann s' ebber gaang, sie kaam so mehr  
 Bei unsrer lieb'n Frau in Gnad'n.  
 So geht s' halt hi' gon Virkastoa'  
 Und thuat ihr' Andacht wohl verricht'n,  
 Und fröhli' na' geht s' wieder hoam,  
 Hat' denkt an mandhi Wunderg'schicht'n.  
 Und wie s' am Ruhzack \* auffi kimmt,  
 Da thuat der Holzknecht Baam ausstodda,  
 Der lacht s' wohl aus und sagt dazua:  
 „Host oan dawischd an' Wunderbrodda?“ —  
 Kaam aber, daß dees Wort heraus,  
 So rühr'n si' die nächst'n Bosch'n,  
 Und wüethi' rumpit her a Wolf,  
 Da ist den oan der Muath verlosch'n,  
 Da san s' wohl g'loffa alli zwee,  
 A Wolf ko' aber besser laaffa,  
 Den kimmt nit aus, wann er grad mag,

\* Berg zwischen Tegernsee (Egern) und Schliersee. Der  
 Birkenstein ist eine Wallfahrt bei Fischbachau.

Hilft aa' koo' Wihr'n und koo' Raaffa.  
Und schau den' Diendl thuat er nix,  
Dees so viel frumm gwest in sein G'wiss'n,  
Den Holzknecht aber hat er pacht  
Und hat 'n grausamli' zerriß'n.

No' heuntig's Tags, wie Alles g'scheg'n,  
Ro'it auf an g'molt'n Taserl seg'n,  
Dees hängt dort in den heiling' Haus  
Am Birkastoa' in Gang heraus.

### 's Schlafadi Diendl.

Es schlaft a Diendl untern Baam,  
 Daneb'n liegt ihr Huat,  
 Der Tag is warm, bei'm Baam is's kühl,  
 Sie schlaft so süeß, so guat. —

Da kimmt a Jager aus'n Wald,  
 An' alter finst'rer Mo',  
 Der schaukt dees Diendl in sein Schlaf  
 Grad in Vorbeigeh'n o'.

Auf oamal aber kehrt er um,  
 Jetz steht er lang vor ihr,  
 Auf's Nieder schaukt er, g'fällt ihm g'wiß  
 Da dra' dees reichi Gschnür.

Er werd' ja do' foa Rauber sey'  
 Und werd' ihr ja nig thoa,  
 Is ja a bluatzungs Diendl no',  
 Und grau is scho' der oa,

Na schau, er geht und thuat ihr nix  
Und do hat 'n was druckt,  
Er hat si' hinter'n Ohrna fragt  
Und 's Hüetl hat er g'ruckt. —

---



### Liebschaftsverdruß.

Gel fuchti, sagst, is er mei Bua  
 Und thuat's vorübi nehma,  
 Daß i gar nie alloani bin,  
 So oft er aa' mag kemma,  
 Er moant, i trauet ihm nit recht,  
 Thaat's selber a so mög'n,  
 Und waar mir weiter nit gar viel  
 An seiner G'sellschaft g'leg'n;  
 Wahrhafti, i fo' nix dafür,  
 I wollt's ihm scho' verzähl'n,  
 Es paßt ja Alles auf mi auf,  
 Als wur' er mi glei steh'n. —  
 Mei' Vater schlaft des ganzi Jahr,  
 Kann aber niemaln schlafa,  
 Wann er an' Buabn bei mir mirkt,  
 Da hat er glei was z'schaffa, —  
 Mei Muatter is als wie a Pasch,  
 Is überall voll Aug'n,  
 Und thaat a Bußei auf drei Stund'  
 In Nebi no daschaugn;  
 Mei' Bruader is als wie a Fuchs,

A Moaster in Berwind'n,  
Ja wenn da' Bua vergrab'n waar,  
I glaab er thaat 'n find'n.  
Und san die andern alli furt,  
Is oani nit zu'n zwinga  
Mei' Schwester, die is wie'r a' Zed,  
Gar nit zu'n weitabringa, —  
Geh', sag's ihm halt, es soll 'n do'  
Nit gar a so verdrieß'n,  
Ja sey so guat und sag' ihm aa',  
I laß'n recht schö' grieß'n.

---

### Erfahrung.

I hon amal an' Krebsn g'fangt,  
 Der Krebs der hat mi' biß'n,  
 I ho' ma denkt, dees g'schicht da' recht,  
 Was muaßt aa Alles wiß'n,  
 Was geht denn di' dees Krebs'n o'  
 Und ho's mei' Lebta nimmer 'tho'.

I hon amal a Rößl 'faast,  
 Dees hätt' mi' g'freut zun reit'n,  
 Weil aber i foa Reiter bin,  
 So schnellst 's mi 'ro bei Zeit'n,  
 I denk' ma, reit' wer reit'n fo',  
 Und ho's mei' Lebta nimmer 'tho'.

I hon amal a Gschpielei g'macht,  
 Ho' woltern viel verlor'n,  
 Die Andern hab'n d'rüber g'lacht,  
 Do hon i 's glei' verschwor'n,  
 Und als a fluaga g'scheuter Mo'  
 Hon i 's mei' Lebta nimmer t'ho'.

I hon amal a Diendl g'liebt,  
A' Diendl, schö' zu'n freß'n,  
Die hat mi' für'n Narr'n g'habt,  
Da denf' i' muaßt's vergeß'n,  
Und schau', i, der schier Alles ko',  
Des kon i nit, denf' allwei' d'ro'.

D'rum mit an Krebs'n, mit an Roß  
Roßt freili' was probir'n,  
A Gschpielei schad't dar' aa' no' nix,  
Werst nit an' Kopf verlier'n,  
No dees! fang' mit koan Diendl o',  
Da Freundelein kimmst nit davo'!

---

### Der Verdruß.

„Was gront denn heunt der Vater,  
 „Grad brumma ko'st 'n hörn,  
 „Just hat er g'haut sein' Dayl,  
 „Den hat er sunst so gern,  
 „Nix taugt ihm hint' und vorn,  
 „Gar nix in ganz'n Haus, —  
 „Daß 's Raappi wieder krumm geht,  
 „Dees macht ihm do' nix aus,  
 „Jez' hat er 'n ja nit nöthi',  
 „Denn 's Groamet is herinn,  
 „Na' wußt' i' nit, was fehlet,  
 „Was hat er geh' in Sinn?  
 „Er kimmt! sehd's staad Ges Rinda!“ —  
 Da rucka d' Rinda 'zamm,  
 San mäuslstaad und gaffa,  
 Was werd er ebba hab'n? —  
 Der Alti pukt sein' Stuzn  
 Und stößt 'n in an' Eck,  
 Und hockt si' hinter 'n Dfa  
 Und jagt 'n Dayl weg.  
 Es is scho' woltern spat geweest

Und endli' schlaft er ei',  
Da schleicht des Kleansti Bubi  
Staad auf die Zeehen 'rei',  
Und bischpert zu die andern,  
„I' woaß scho', was's bideut't,  
Es is nit wegn 'n Raappi,  
— An' Gampsbod hat er g'feit!“ —  
„Ja jetz!““

---

## 's Bitterspiel.

Meinoad es is a gschpassig's Ding  
 Da um dees Bittergschpiel,  
 Werd' oaner oft so woach dabei,  
 Dees sag'n da' gar viel,  
 Und do' so schö' und lusti is's,  
 Du moanst es kunnt nit sey',  
 'S is, wie wann oane lacha thaat  
 Und woanct dengerscht d'rei'. —  
 I hon amal deßweg'n g'fragt  
 An' g'schickt'n Musilant,  
 Der sagt, die Bitter macht verliebt,  
 D'rum reißt's enk an' Verstand,  
 Da kimmt's die Junga trauri für,  
 Die no' nit All's derroacht,  
 Vor lauter Lieb' und Narretei  
 Werd' ihna 's Herz datwoacht,  
 Und bei an' Alt'n is's a so,  
 Nimmt er amal in Schwung,  
 So moant er, waar's no' nit vorbei  
 Und waar er wieder jung!

### A Betrachtung.

Es sitzt a Diendl vor sein Haus,  
Sie schaut so trauri in d'Weit'n 'naus,  
Mit nass'n Aug'n schaut's a so drei',  
Was muas denn den trauringa Diendl sey'?

Sie hat a Briefei in der Hand,  
Dees kimmt leicht gar aus Griechaland,  
Weil's all'n derstocha, was steht wohl d'rinn,  
Macht dees an' Diendl den trauringa Sinn?

Sie hat an Finger a glanzeds Ding,  
Es is a Ring, a goldner Ring,  
Den schaut f' wohl aa' mit Schmerz'n o',  
Hat ebbe der Ring den Diendl was tho'?

Sie zieht von Hals a Luechei fei',  
Soll denn da d'ra' was b'junders sey',  
Is schwarz und a roth's Stroasei d'ro',  
Sunst sichst ihm weiter gar nix o'.



Und wie's dees Tüechel so betracht',  
 So hat's es gar zu'n Woana bracht,  
 „Ja schwarz, hat's g'sagt, und bluetiroth,  
 „Es hat bideut' sei' Grab und Tod.“ —

Koa Freund ko' dees und koa Brueder nit seh',  
 Um den schaukt so sehnli koa Diendl d'rei,  
 So hat halt wieder amal die Lieb'  
 A Leb'n g'macht so trauri und trüeb.

Seit i dees armi Diendl g'seg'n  
 Und wie ihm so viel hart is g'scheg'n;  
 Seitdem kon i's halt nit versteh',  
 Daß über d'Lieb' sollt' gar nix geh'.

Da sag'n s' glei gar, daß Alles laar  
 An Glück auf der Welt, wann d'Lieb' nit waar,  
 Sagt's, was enk freut und i glaab All's,  
 Aber bleibt's ma mit enkerer Lieb' von Hals!

### Die drei Dukat'n.

An' arma Bua hat Schwammerln brocht,  
Hat lusti dabei g'sunga,  
Sei' Jodler hat in still'n Wald  
Gar weit und fröhli kunga.

Auf oamal aber is er staad, .  
Warum? was is denn g'scheg'n?  
A glanze's Beuterl an an' Baam,  
Dees hat er lieg'n seg'n.

Da san gwest drei Dukat'n d'rinn,  
Da macht der Bua wohl Aug'n  
Und schaut und draacht s' und zählt s' gar oft,  
Dees Beutei that ihm taug'n.

G'schwind laßt er d'Schwammerln Schwammerln sey',  
Und geht in oan Studir'n,  
„Was fangst mit die Dukat'n o',  
Jez willst a Leb'n führ'n.“

Und was's um an Dufat'n is,  
Dees hat er bald d'erfahr'n,  
Es hat den oanzing Hack'n g'habt,  
Dass 's halt so weni war'n.

Dees Geldl hat si' g'schwind vertho',  
Hat si' gar bald verlorn  
Und arm, ja ärmer als vorneh',  
Is's Buebei wieder wor'n.

Da hot er halt wieder Schwammerln brocht;  
Hat aber koa Jobler flunga,  
Sunst war er nit so mäus'lstaad,  
Warum hat er denn nimmer g'funga?" —

---

### A' Bitt' an's Diendl.

Herzliebster Schatz  
 O hör' um was i' bitt',  
 Wann d' an an' Buabn denka willst,  
 Gel' mi' vergiß sei' nit,  
 Denn thaatsst mi' ganz vergeßn,  
 So kunnt' an' Unglück g'schegn,  
 Leicht brechet ma' mei' Herz vonand',  
 Ja ja du wur'st es segn.

Herzliebster Schatz  
 O hör' um was i' bitt',  
 Gel' daß d' mi do' a bißl magst,  
 Dessell verredst ma' nit,  
 Denn thaatsst ma' de<sup>r</sup> verredn,  
 Gaang' all' mei' Hoffa z' Grund,  
 So wahr i' dei' mit Leib und Seel',  
 I' lebet mehr foa' Stund.

Herzliebster Schatz  
 O hör! um was i' bitt',  
 Wann d' just an' übrigs Bußl hast,  
 So mach mi' froh damit,

Na' machst kwan schlechtn Handl,  
I' steh' dir guat dafür,  
Denn um a' Bußl schau vo' dir  
A' Duze'd kriegst vo' mir.

---

### Die Almros'n.

„Willst du mei' Hand, muaßt aa' was wag'n  
 „Nix werth waar s', sollt'st di d'rum nit plag'n,  
 „So steig' ma 'nauf auf selli Wand,  
 „Die schirfest weit in ganz'n Land,  
 „Und suach ma dort an' Hochzetstrauß  
 „Bon frisch'i Almros'n 'raus,  
 „Und setz' a Kreuz als Zoacha hi',  
 „Daß i fei' nit betrog'n bi'.“  
 So sagt a Diendl stolz und schee  
 Und hoast 'n Buabn schneidi geh'. —  
 Der Bua, verliebt, waar ganga nett  
 Durch's Feuer, wann's 'n's g'hoast'n hätt',  
 Er bind't ihm g'schwind a Kreuz'l fei',  
 Nimmt d'Eisen in sein Rucksack 'nei',  
 Und geht dahin in lustig'n Gang,  
 Wer woast, vielleicht den lezt'n Gang. —  
 Bald steigt er durch a wildi Klamm  
 Auf selli Wand in Gottes Nam'. —  
 Setz halt' er, schau' just mitt'n d'rinn,  
 Da waar'n Ros'n nach sein Sinn,

Waar ar a Platz, da saach ma schee'  
 Dees Kreuzl scho' von weit'n steh'.  
 Wie aber kimmst jeh geh' da 'nei',  
 Wag's nit, es kunnt dei' Unglück seh'! —  
 „Und waar's mei' End', no frisch voro',  
 „Was oaner will, aa oaner ko'!“  
 Und allweil schiecher werd die Wand,  
 Koa Latsch'n find't da mehr sei' Hand,  
 Die kalt'n Stoa, die packt er o',  
 Und allweil höher hängt er d'ro;  
 Auf oamal is koa Halt'n mehr,  
 A glatti Platt'n die geht her,  
 Und schaut er abi, kimm't's ihm für,  
 Als waar er scho' verloren schier.  
 Von Abasteig'n is koa Red',  
 'Nauf muas er, wo er amal steht.  
 Da kimm't ihm, schau er woas nit wie,  
 An' Angst und 's Bittern in die Knie,  
 Jeh' g'schwind! dees Boacha dees is böf',  
 No frisch an' Sprung, no lüsti fed  
 Da 'nüber auf des Fels'ned  
 Und pack' den Ros'nbüschl fest,  
 Da halt di fei', daß 's di nit prellt  
 Und di der Sprung nit abi schnellt!  
 Da springt er, Gott in Himmi! horch!  
 Die größt'n Stoaana gengen o,  
 Des ganze Felsed rafflt ro,  
 Und mit die Ros'n in da' Hand  
 Stürzt er in' Grab'n von da Wand. —

Am Achensee herunt' in Thal,  
Da is a Grab, du kennst es bal,  
Es wach'n Almros'n d'rauf,  
Und d'rüba schaut a Wand hoch auf,  
Dort liegt der armi guati Bua,  
Dort liegt er in der ewig'n Rua,  
Und steht des Kreuz no heunt dabei,  
Dees er als Joacha seiner Treu  
Für's Diendl trag'n auf die Wand,  
Die schirfest weit in ganz'n Land.

---



### A rari Birsch.

A Bettlerin, ganz verlumpt und alt.  
 Is an' Jager begegnet in an' groß'n Wald  
 Und hat 'n schö' grüeft und betlt dabei;  
 Er aber hat gsagt: Du Her' von an' Wei',  
 Woast nit, wann oaner zum Jag'n geht  
 Und ihm auf 'n Weg so a Schachtel steht,  
 Daß dees an' Jager an' Unglück bideut'?! —  
 „Geh weita', sagt 's Wei, Ges sehds nit gscheut,  
 I hon a franki Tochter dahoam  
 Und geh' bald selber scho' aus 'n Doam,  
 Geh. schenfts mer an' Pfening, i bitt' Ent' schö',  
 Sollts do' nit umsunst zun Jag'n geh'.“  
 „Seh da hast an Kreuzer, jeh' gehst aber glei,  
 Hat der Jager drauf g'sagt zu den lumpetn Wei',  
 Und wie sie ihm dankt, so sagt f' ihm aa' no',  
 „Gebts Acht, Ges sollts was hab'n davo':  
 „Es stenge' in Wald wilbi Birnbaam,  
 „Da woast i was Bsunders, Ges glaabts es kaam,  
 „Gehs nit auf an Rechbock und nit auf an Birsch,  
 „Nachts heunt auf die Birnbaam grad a Birsch,  
 „Und wo sie davo' oaner rühr'n thuat,

„„Da birtschts Enf a', die Birsch is guat,  
 „„Und bin i wahrhafti foa ehrli's Wei',  
 „„Habts nit a groöi Gaudi dabei.““  
 Da geht sie dahi'. Der Jager ihm denkt,  
 Die hat dir amal a Vertraua g'schenkt,  
 Sie moant, bist a Narr und wandlst in Traam,  
 Was waar denn a Birsch'n auf d'Birnbaam! —  
 Und wie er so weiter in Wald 'nei' geht,  
 So kimmt er hi', wo a Birnbaam steht,  
 Da fallts ihm wohl ei' und schaukt 'n lang o',  
 Es hänga halt laufige Birnln d'ro;  
 Sunst nig, aber schau! nit weit davo,  
 Da rührt si' an anderer, wer hot dees tho?  
 Nimmt niemand daher und geht foa Wind,  
 Da birscht er si' a', gar staaß und g'schwind.  
 Und wie hat er g'schaukt! da steht dir a Bär,  
 Der beutlt dees Baamei gar g'walti her  
 Und schüttlt si' Birn, — da meßt wohl der oa,  
 Als sollt' er um's Erschti an' Ritterschuß thoa'.  
 Und wie's ihm hat taugt und wie's hat 'fracht,  
 Hat richti' der Brau' 's Testamentl g'macht.  
 Und wer was versteht von der Jagdbarkeit,  
 Der kann ihm denka dem Jager sei' Freud. —

Die G'schicht' is g'schegn, wie i s' da verzähl',  
 Vor etliche Jahr in der boarisch'n Zell.

### Der Darl und der Pudl.

Es hat a' Darl gar nix g'lernt,  
 Als Belln grad und Fressn,  
 Hat nix von andri Künsten gwißt,  
 War aa' nit d'rauf versessn,  
 Der Darl hat a' Leben g'führt  
 Ja raar und ohni Rumma,  
 In Winter hinter 'n Osa gschnarcht  
 Und Muckn g'fangt in Summa;  
 Er is gar fleißi gfüttert worn,  
 Was sollt' er Hunger leid'n,  
 „Gel' Darl, magst halt aa' dei' Sach',  
 Hast aa' so deini Freudn.“ —  
 — Es hat a Pudl zeiti scho'  
 Gar viel Verstand verrath'n,  
 Hat um a' jeds Apportl tho',  
 Als waar's der besti Bratn,  
 Dem Pudl hat ma' wohl 'was zoagt,  
 Und hat er's nit begriffa,  
 So is ihm Peitsch'n oder Stoch  
 Gschwind über 'n Buckl 'piffa:  
 Ma' hat ihm weni' z'fress'n gebn,

„Der Schlanggl braucht nix z'sreß'n,  
Denn wur' er wampet, thaat er ja  
Sei' Wissenschaft vergeß'n!“ —  
Mir fällt gar oft der Dazl ei',  
Der Pudl aa danebn,  
Betracht' i', wie so nach Verdienst  
An' diem die Mensch'n lebn;  
Den oan', der nix is, thuat mer All's,  
Den andern nit a' bißl,  
Dem oan' bleibt 's Braatl allizeit  
Und dem — a laari Schüßl.

### Der Wald.

Es is a' Jaaga 'gange in fein' Wald  
 Und schaut die Baam so nacheinander a',  
 Gar viel' Bikannti san da d'runter gwest,  
 Die ihm wohl oft bei'n Regn an' Gfalln 'tho'.

An' alti Buach, dieselbi kennt er guat,  
 Hat abag'schoßn diem an' Auerho',  
 A' krummbi Dach, a' Fuchsbau d'runter drinn,  
 An' Ahorn, schö' wie mar oan' segn fo',

Die golder' Lerch, der hohli Felberbaam,  
 Sie freu'n 'n alli, wier er s' so bitrach't  
 Und seini Feichtn na' mi'n dicke' Dach,  
 Wo's d'runter schier bei'n Tag is finstri Nacht.

So geht der Jaager in Gedanke' furt  
 Tief 'nei in' Wald, na' endli' rast't er aus  
 Und legt si' bei'n an' Jungholz hi' in's Gras,  
 Wer woaß, es zieht vielleicht a' Rechbock 'raus.

Und wier er da so recht gemüthli' ruat,  
 So denkt er ihm: „Was Schöns is's um an' Baam,  
 „Und dengerscht, Langwei' muaf er habn g'nua,  
 „Eteht halt so da und rührt die Blattln kaam.

„Jahr aus Jahr ei', allwei' am altn Fleck,  
 „Dees is scho' dalket, wann i' z'schaffa hätt',  
 „So müßtn s' aa' geh' kinna um und um,  
 „A' selli Trübsal machet i' scho' net.“

Und hat a' Weil' so 'tritt und so g'spott',  
 Da hamn si' auf amal die Staudn g'rührt,  
 Und daß am Bodn 'was lebendi' werd,  
 Dees hat der Jaaga jecha deutli' g'schpürt.

Was is's denn da, es ruckt ja d' Staudn weg,  
 Und horch, was rauscht und thuat denn so der Wald,  
 All's rührt si' dort und geht ja do' foa' Wind,  
 Jecht aber überlaaft's 'n eisi' kalt,

Denn schau, der ganzi Wald fangt a' zu'n geh'  
 Die stirkstn Baam drinn wandln, o der Graus!  
 'N Bodn reißn langi Wurzn auf  
 Und überall wie Schlangen schliefes 'raus.

Dees knarrt und fracht und schiebt si' in anand,  
 Der Jaager rumpit auf und will davo',  
 Wo aber hi', sie femma übralln her,  
 Die nachstn Stangen stößn 'n schon o'.

Dees klemmt und druckt und wischt mit 'brochni Aest,  
 Er springt und schließt und plagt si' hin und her,  
 Und allwei dicker werd dees ganzi Gwirr,  
 Da reißt's 'n 'zamm, er sicht foa' Rettung mehr.

O Gott verzeih' mar's, ruast er voller Angst,  
 O Herr d'erbarm' di' meiner arma Seel' —  
 Und jeh' werd's wieder still, All's halt' und steht,  
 Aoa' Baam, foa' Boschn rührt si' vo' der Stell'.

Gott seh's gedankt! — Da 'tracht' der Jaager hoam,  
 Er moa't allboth, sie fanga wieder a',  
 Wo is der Steig? sunst hat er 'n so guat g'wißt,  
 Jekh' hat er si' erschreckli' mühsam 'tho',

Denn schau, sei alti Buach, sei' krummbi Dach,  
 Die find't er nimmer auf denselbn Fleck,  
 Die golder' Lerch, der groöi Uhorn aa'  
 San alli jekh' von ihnri Platzln weg.

„Na, na! foan' Wald mehr will i' wandln segn,  
 „Es is scho' g'recht wie's is, du lieber Gott“ —  
 Am andern Tag is All's gwest wie voneh,  
 Der Jaaga hat nie 'fritlt mehr und g'spott'.

## Die hartherzi' Bäuerinn.

### 1.

Es is a' Bua bei'n Königssee  
 In's Edelweißbrocka ganga,  
 Z'höchst 'nauf in's Gwänd bei'n Landthal drobn,  
 Ihm macht koa' G'fahr nit banga,  
 'Will bringa hoam an' Buschn schö',  
 Sei' Diendl mag's so gern,  
 'S is Kirta' bald d'rinn z' Bartlmä,  
 Da will er ihr 'n verehrn.

Und wier er steigt und wier er brockt,  
 O mei'! wie leicht is's g'schegn,  
 Da hat er an' Stoa, der rogl gwest,  
 In' Eifer übersegn,  
 Und wier er d'rauf tritt, bricht der Stoa,  
 Er hat ihm nimmer d'erhebt,  
 A' Schlag, a' Schroa, 'hat d'runt' am Sand  
 Koa' Viertlstund mehr g'lebt.

O Edlweiß, o Edlweiß,  
 Wer sollt' vo' dir dees moana,  
 Wieviel' si' freua wanns' di' segn,  
 Machst Andri bitter woana,



Und wie d' a' Bier bist überall,  
 Wo's lusti' abageht,  
 Oft denkt ma' dei' aa', wo a' Kreuz  
 In' still'n Kirchhof steht.

Zwoa Holzknecht kemma her 'n Steig,  
 Die hamn den Buabn g'fundn,  
 „Herr Jesus! leit da todt der Ruap,  
 „D'erfalln und voller Wundn“ —  
 Siebn Bloama hat er g'haltn no'  
 Fest in der rechtn Hand,  
 A' rother Stroaf hat deutli' zoagt  
 Sei' Unglück in der Wand.

Na' hamn s' halt für sei' armi Seel'  
 Wo' Herzen betn mögn  
 Und hamn 'n mühsam abatragn  
 Und in's Schiffei thään s' 'n legn,  
 Am See draußt hamn s' sein' Vater na'  
 Und der Muatla Botschaft 'tho',  
 Dees is ja wohl a' Jammer g'west,  
 Daß's Niem'd nit b'schreibn ko'.

„O Bäurinn, 'bitt Enk, leicht's mar a' Roß,  
 „Daß i' bring' auf Bertlsgraden  
 „Mein' arma todt'n Buabn da,  
 „Ges finnts ja gwiß oa's g'rathn.“

„„Na, Freund, koo' Noß kon' Ent nit gebn,  
 „„Koon' Todtn fahr' i' nit,  
 „„Es wur' ma frummb, dees woaf i scho',  
 „„Es gaang' ma' mehr koon' Schritt.““

Und d' Muatta bitt': „D habts die Lieb,  
 „A' guats Werk bringt ja Segn,  
 „Mir kinna uns nit helfa sunst  
 „Und werd 'n Noß nir g'schegn.“  
 „„Geht mi' nir a', schau, ziegts 'n selm,  
 „„Es is ja enker Bua,  
 „„Da habts an' Karrn, packts 'n auf,  
 „„Dees Fuhrwerk is guat gnua.““

O lieber Gott, da ziegn s' 'n furt  
 Die altn Leut', die arma,  
 Es möchtn oan' d' Augn übergeh',  
 Es möcht' an' Stoa' d'erbarma.  
 A' Paar Stund d'rauf spannt d' Bäurinn ei',  
 An' Hoagascht hat s' in Ei',  
 In d' Ramsau fahrt s', hui wißt und hott!  
 Wie lusti gehts dahi'.

## 2.

Der Hoagascht hat wohl 'dauert lang,  
 Es thuat der Mond scho' scheina,  
 „Jez' Rößl laaf, es is scho' spat,  
 „Jez' Rößl thua di' schleuna.“

Und wie s' an d' Wimbachbruckn kimmt,  
 Da sicht s' am Weg Dan' steh',  
 Da hört s' an' Ruaf „Halt! laß' mi fahr'n,  
 „3' fo' heunt nimmer geh'.“

Und z'tiefest aus'n Stoaberg d'rent  
 Und vo' der Waghmo'-Seitn,  
 Aus alli Schluchtn ruafst dees Halt!  
 Was soll jetz' dees bideutn,  
 Da is's ihr in die Glieder g'fahrn,  
 A' Schricka kimmt ihr o'  
 Und haut auf's Roß und wist und hott  
 Saust s' wie der Wind davo'.

Da rumpits nachi in die Stoa'  
 Jez' springt 'was aufn Wagn,  
 Der Nähmli' is's und Grausn packts',  
 Sie fo' foa' Wörtl sagn,  
 O Gott, dees is 'n Ruap sei' Geist,  
 Es überlaaft s' wie Eis,  
 Wie droht er schreckhaft, in der Hand  
 A' bluati's Edlweiß!

Da hamm s' verlassse alli Si',  
 Is nimmer zun ihm komma,  
 So hat ma s' g'fundn z' Haus am See,  
 Soll dra' a Warnung nehma:

Hartherzi' sey', bringt nie nix Quatsch,  
Geht an oan' selber aus, —  
Denkt's dra', daß Ent nie 's Gwißn rührt  
Von Edlweiß a' Strauß.

Der Posthalter von Anzing.  
 Franz Kaspar Hirner.

Die Boarn die wolln an' boarischn Herrn,  
 Sie kinna koan' andern nit leidn,  
 So is's und so bleibts, probir's wer d'er will  
 Und so is's aa der Brauch gwest vor Zeit'n.

Anno siebezeh' hundert und fünfi, meinoad  
 Selm is wohl a' Gschpiel gwest um's Landl,  
 Da hamm dir in Hochmuth die Destreicher gmoa't,  
 Sie hä'ns scho' auf ewi' in' Bandl.

Dees thuats nit so leicht, Herr Nachbar, verstehst,  
 „Auf, auf, wer a' Boar!“ is's da ganga  
 Und gwalti' hamm s' a'pact und hamm nit viel g'fragt,  
 Ob s' ebber aa' gnua san und langa.

In' Anzinger Dorf is a' Posthalter gwest,  
 Der hats dir wohl gfuchst die Eratwadn,  
 Hat s' böß oft trischakt mit die Bauern weit um  
 Und verarbet' die fremdn Soldatn.

Mordweihnachten zu Sendling.  
 cf. 139. Familienchatz. 12. IX. 1881.

Sei' Sprüchl' hat g'laut' „i' verload ihna g'wiß  
 An' Lust zu die boarischn Ruabn,  
 Und schlagts no' d'rauf 'nei, daß koana mehr woaß  
 Ob s' Diendl'n san oder Buabn.“

Der General Kriechbaam is gwest voller Zorn,  
 Da hat ihm a' Roßdieb verrathn,  
 Heunt Nacht is der Hirner, der Posthalter, z'Haus,  
 Heunt fangts 'n mit seini Kamradn.

Der General giebt glei' an' scharpsn Befehl  
 Und cummadirt seini Husarn,  
 Sie solln 'n fanga auf Leb'n und Tod  
 Und alli di no' bein ihm waar'n.

D' Husarn die reitn auf Anzing dahi',  
 A' Knecht rennt in's Posthaus voll Schricka:  
 „S' sich 'was, i' moa' 's kemma Reiter daher,  
 „Schaugts selm, denn es schneibt zu'n d'ersticka.“

„„Laß's kemma, 's san Freund, vo' Forstning a' Schaar,  
 „„Und thuats grad exte so schneibn,  
 „„So san se's scho' gwiß, denn bal' 's Wetter recht schied  
 „„Die Andern gar gern dahoam bleibn.““

Und aber a' Dirn, die geht außi zu'n schaugn  
 Und glei' d'rauf hat s' g'schrie'n und g'schrie'n:  
 „Husarn, Husarn!“ da rumpit wohl All's,  
 Nix weiter is z'macha als Flieh'n.

Und hui wie der Wind san f' scho' da und um's Haus:

„Jeg', Posthalter, schlägt enker Stündl,

„Jeg' müßt's mit uns eini auf Müncha zu'n G'richt,

„Na' schaugts ob Ent' hilft enker G'findl.“

„„Dees is jeg' a' Kunst, hat der Posthalter g'sagt,

„„Dan' fanga wi mi, 'fo nit weiter,

„„Bi' g'stürzt mit mein' Roß und san alli zwoa krummb,

„„Da habts scho' 'was Rechts tho' Ges Reiter.

„„Und muas i' do' furt, is ma' weiter oa' Ding,

„„Ge Hansl, so sattl 'n Rappn

„„Und verbind' aber guat sei' den aus'draah'n Fuas,

„„Sunst kunnt' ihm d' Kniekugel aus'schnappn.

„„Und a' Bier bringst du Traanzi, an' Kerschngeist aa',

„„I' denk' ma', die Herrn wer'n nit scheltn,

„„Denn es schneibt ja und waacht, hat ma' gar nix in Leib

„„Wie leicht fo' mar ihm da verkältn.““

Und d' Husarn, wie f' hamm von' Brantewei' g'hört,

Da hamm f' just koan' Born lassn g'schpür'n,

Hat an jder ihm denkt, es is d' Arbet hart gnua,

Was soll mar umsunst no' d'erfriern.

Der Rittmoasta selm is zun Ofa hi'g'hocht

Und All's hat gemüthli' glei' 'trunka,

Und der Posthalter ei'gschenkt wie no'mal a' Wirth

Und versteht si', gar moasterli' g'hunka.

Na' endli san f' furt und schau, 's Rappi hint aa',  
 Der Knecht hat 'n G'schraß glei' d'errathn  
 Und hat scho' 'n Fuuß so verbundn und g'schnürt,  
 Daß's koan' Argwoh' nit g'saft die Grawadn.

Bei Neufahrn halt' aber der Posthalter a'  
 Und steigt a' und sagt: „Muäß a' wen'g schaug'n,  
 „'S kimmt 's Rößl nit weiter, i' moa' 's thuat ihm weh,  
 „Es muäß der Verband da nit taugn.“

Und macht ihm 's Knie frei, nacha sißt er g'schwind auf  
 Und bischpert den Rößl in d' Ohrn  
 Und auf oamal ha ho! gehts auf und davo',  
 Jetz' arbet's sunst habts 'n verlorn!

Da jagn wohl d' Husarn und schießn und schrei'n  
 Und der oa' rennt an' Hag grad entgegen,  
 An' Hag vo' sechs Schuach und hop! is er d'rent,  
 Hast 'n g'segn und hast 'n nit g'segn.

Die Andern san a'prellt, grad lusti' is's gwest  
 Und 'nüber hat halt koana finna,  
 Da hamm f' dir wohl gfluacht, aber g'lacht hat der oa'  
 Und g'schwindi' in' Wald is er drinna.

Na' d'rauf bei'n Rapport hat der Rittmoasta g'sagt:  
 „Grlenz, mit die Boarn is nix z'macha  
 „Und eh'n i' f' d'erhüt', reiß' i' lieber scho' glei'  
 „An' Teufi a' Seel' aus'n Racha.“



**Kloa' und Groß.**

I' woaß a' Stündl in der Nacht,  
Des Stündl is so kloa',  
Da sitz' i' bei der Lene drent,  
Runnt' ja nix lieber's thoa',  
Und i' woaß an' andri groözi Stund,  
Die hat an' schwaar'n Gang,  
Die is's, die vor der kloan'n kimmt,  
Die dauert grausam lang.

I' kenn a' gar kloa's Ringl fei',  
Wie g'fällt mir dees so guat,  
Es ko' leicht seh', weil d' Lene halt  
Dees Ringl tragn thuat,  
Und i' kenn an' Ring gar groö und schwaar,  
Der Ring der g'fällt ma' nit,  
Ihr Vater tragt 'n und der schlägt  
Da Nägl ei' damit!

I' kenn' a' Gaangl kloa' und eng,  
Dees durch 'n Gartn geht,  
Geht aa' zu ihr'n Fenster hi',  
So g'fallt's oan', wer's versteht,

Und i' kenn a' broati groſi Straß',  
Dieſell' is nit die mei',  
Da fahrt mit gar an' wildn G'sicht  
Ihr Bruader aus und ei'.

O Lene, waar'n no' i' und du  
Grad auf der Welt alloa,  
Na' waar nig z' groß für uns in Weg,  
All's, wie mir's wollt'n, floa',  
Na' machet mir foa' Bruada nit,  
Koa' Ring' von Batern bang,  
Und alli Stund'n waar'n recht  
Und wur' mir foani z'lang.

## Die Zeit.

Der oa'.

Frag' i 'n Herr Pfarrer, woher 's denn kimmt,  
 Daß Alles an' End' so g'schwindi nimmt,  
 So sagt der Herr Pfarrer: „Schau, sey no g'scheut,  
 Das thut halt amal so der Zahn der Zeit.“

Da hon i Respekt vor an' sellan Gebiß,  
 Macht glei in a Mauer die größt'n Riß'  
 Und laut dir an' Klastebaam zamma so g'schwind,  
 Als waar er grad wie a Brabl so lind. —

Wie's nacher wohl waar um die ganzi Natur,  
 Wann ebber die Zeit amal zahnlucktet wur'  
 Und kunnt nimmer heiß'n? da gaang ja nix z'Grund  
 Und mir waar'n alleweil fröhli und g'sund!

Der ander. \*

Na Bruder, da schneid'st di, denn waar dees der Fall,  
 So schlucktet s' halt nacher glei gar auf amal,  
 Was s' justement möcht', jeh' stell' dir no für,  
 Dees waar ja wahrhafti zu'n Umbringa schier;

Du hätt'ft heunt a Haus, schö sauber und neu,  
Waar aa' weg'nmeiner' a Gart'n dabei  
Und morg'n waar furt dei' Gart'n und Haus  
Und du vielleicht aa', was schauget da 'raus!

---

# Was gschicht, wann der Lanks kimmt und was's bident'.

Dees Erscht' is, bal' der Lanks will femma,  
 Ges wißt es, da roast der Winter davo',  
 So macht' si' aa' weiter a' graantiger Loba,  
 Fangt a' lustiga Bua seine Gschpäßln o',  
 Aber weil er so lang auf den Platz ist gewes'n,  
 So gront er bei'n Furtgeh' und zoagt sein' Born,  
 Des is in' April scho' gwiß an' Jder  
 Der d'rauf hat achtgehn, inna worn.  
 Jetzt nacha luusn die Staudn und Boschn,  
 Und wann s' koan' Sturm mehr draußtn hörn,  
 Na' ziegn s' glei' o' ihna Fehrta'gwandl,  
 Da muafß ja, wie s' moan', schö' Wetter wer'n.  
 Dees is der Fürtwið vo' der Juge'd,  
 Die halt nie nix d'ertwartn ko'  
 Und weil's gar ei'bildt und woafß All's besser,  
 So pumpst's dafür aa' oft gnua o'.  
 Die altn Baam san nit so eili',  
 Die kenna den Handl und wißn's guat,  
 Daß statt den g'hofft'n hoatern Gimmi  
 An diem a' Schnee no' femma thuat.

D'rüm schlafe's' gemüthli' und erscht wann's mirka  
 Daß ninderscht mehr foa' G'fahr um's Haus,  
 Da' stecka s' aa' auf die grün'n Sträußln  
 Und macha si' nahanander 'raus.  
 Weil aber an diawein oana faul is  
 W' sellena Baam, so kunts ihm g'schegn,  
 Schau daß er gar an' Lanks verschlafet  
 Und dees thaat dengerscht koana mögn,  
 D'rüm femma die Bögerln daher die floan'  
 Und singa so fleißi' Tag und Nacht  
 Und macha halt Musi als waar's für an' Kirta'  
 Bis aa' der lezt' no' auf is g'wacht.  
 Die Bögerln san die guatn Geister,  
 Die All's gern glückli' macha wolln  
 Und die dees z'widri W'gedenka  
 An' Winter gar vertreibn solln.  
 Zet' femma die Bloama, schau wie lusti',  
 Wie s' ziern und kraanzn Berg und Thal,  
 Zet' is der Lanks in aller Pracht da  
 Und Freud' und Frischn überall.  
 Und was bideut' nacha dees Ganzi,  
 Die schö', die liebli' Frühlingszeit?  
 W' Boacha is's, daß unsern Herrgott,  
 So moan' i' halt, sei' Welt no' freut,  
 Und daß ihm d' Leut' do' mit so z'wider,  
 Wann's aa' scho' bösi d'runter geit,  
 Und daß er uns a' guata Vater,  
 Dees moan i', daß dees Ganz' bideut'.

**Schnaderhüpfeln.**

Diendl wie freust mi du,  
Kimm ma grad für,  
Als wie wann i koan Himmel bräucht,  
Bin i' bei dir.

Wahr is's, schöni Sternei'n  
Geit's dort ohne End,  
Aber du bist ma lieber,  
Als 's ganz' Firmament,

Ja bist ma viel lieber,  
Als d' Eng'ln allsamm'  
Und i mag erscht in Himmi,  
Wann's di drob'n hamn (hab'n).

---

### Der Gebirgs-Jäger a'm Anstand.

„Der Grab'n der is wunderscho',  
 „Da seß' i mi' geh her,  
 „Da sich i aus auf alli Steig',  
 „Es geit koan schönern mehr.  
 „Da drob'n in den Latschnkopf.  
 „Da muaß a Gamsbock sey'  
 „Und will er in an' Laane zieg'n,  
 „Muaß er in' Grabn rei'.  
 „Und unterhal' da spürt si' frisch  
 „A Hirsch als wie a Kuh',  
 „Der thuet si' aa' schon amal um  
 „Und Borth'l hon i gnua.“  
 So sezt si halt der Jäger o  
 Und siht gar manchi Stund  
 Und denkt, was an den schön'n Platz  
 Ihm alles kemma kunnt.  
 Wann ebber 's Glück a bisl wollt'  
 Und kaam ihm gar a Luchs,  
 „De' Hannes hat oan so de'wischt,  
 „Hot gmoant, es kimmt a Fuchs;  
 „A Luchs, ja der will g'schoßn sey',



„Denn 's Treffe' is gar floa'." —  
 Da schaukt er ihm sei' Bichsn 'zamm,  
 Er moant, 's kunnt's dengerscht thoa'. —  
 „Bei'n Sepp is's gwest a' seller Ort,  
 „Wo kemme' is der Bär,  
 „Der wann jeh kaam und trabet geh  
 „Am obern Steig daher;  
 „Den schlüegs wohl abi über d'Wand, —  
 „Was thaat der Förschter sagn  
 „Dees thaat an' Weltspektakl gebn,  
 „A Schaug'n und a Fragn.  
 „Da waar wohl 's Diendl stolz auf mi',  
 „Verzählet's alli Leut, —  
 „Und traget fünfasiebez'g Guln,  
 „A Narr dees waar a Freud;  
 „Thaats aa der Kini inne wer'n,  
 „Raam ja in d' Zeitung 'nei',  
 „Der waar in Stand und saget glei:  
 „Der Schütz soll Förschter seh'. —  
 „Und kaam a Wolf, war aa' scho' recht,  
 „Ja d' Wölf, die genge' weit,  
 „Und selli Platz, die suche's auf,  
 „Wo's 'was zu'n Jag'n geit.  
 „Da müßt ma wohl a Stutz'n her,  
 „So scho' mar 'n denke' fo',  
 „Und auffi gschneit der Wolf am Schaft  
 „Und Silberplattln dro';  
 „Und friegn s' auf die Schießpeter,  
 „G'hört der oan vu' der Stadt,

„So hoasets, naa, der g'hört denselln,  
„Der 'n Wolf de'schoß'n hat.“ —

So hat der Jager furt studirt  
Mit seiner g'spannt'n Bichs',  
Bis 's woltern dunkel wor'n is, —  
Aber kemme 'is ihm nir.

---

**Die oa', die i moa'.**

Is am Himmi foa' Stern,  
Daß i 'n schauget so gern,  
Als a Diendl am Land,  
Als die oa', die i moa'.

Wohl weiß auf der Höh  
Is der frischg'fall'ne Schnee,  
Und is do nit so weiß,  
Wie die oa', die i moa'.

Wohl schö' is der Tag,  
Wann's a schöner sey' mag  
Und is do nit so schö',  
Wie die oa', die i moa'.

Was frischer's sichts nie  
Was a Pferfibaamblüh',  
Und is do nit so frisch,  
Wie die oa', die i moa'.

So lieb und so fei'  
Moanst, war nix wie da Wei'  
Und is do nit so fei',  
Wie die oa', die i moa'.

Und weil s' halt so fei',  
Daf s' nit feiner kunnt seh',  
Drum so sich i s' so gern,  
Woast, die oa', die i moa'.

---

### Berg-Name'.

Wann reitn der Scharfreiter wollt',  
 Wo kaam' dees Rößl z'wegn  
 Und wollt' der Wazma' Hosn tragn,  
 Die Hosn möcht' i' segn.

Wann aufsteh' thaat' und wollt' in' Land  
 Der wilbi Kaiser regirn,  
 All' Kaiser und all' Rini z'amm,  
 Sie müßtn 's G'schpiet verliern.

Wann d' Mädele: Gabl a' Gabi waar',  
 Wo waar' der Knödl dazua  
 Und a' Schatz vo' der Jungfrau in der Schtweiz  
 Waar' aar a' raara Bua.

Und der Großglockner wann der erscht kaam'  
 Als Glockn mit sein' Gläut,  
 Und der Kramer wann a' Laadl hätt',  
 Waar' just foa' Kloanigkeit.

Und waar' an' jder Lump so groß  
 Als wie der Unnütz is,  
 Sie stehletn von' Himmi d' Stern  
 Und z'leht gar 's Paradies.

Zum Henna Kopf und Raßkopf  
 No' weiter stell' dir für  
 Die richti' Henna und die Raß,  
 Was waar'n dees für Thier'!

Und den' dir 'n Rothofa g'hoazt  
 Und 'n Baam zu'n hochs Blatt,  
 Na' mirkt es erscht, was's is um Berg  
 Und wie ma' s' z'schägn hat.

'S is aber z' Bertlsgadn drinn  
 A' Berg aa', wer 'n kennt,  
 Der is, es woßs foa' Mensch warum,  
 Der u'sinni' Winkl g'nennt.

Und wollt' ma' d' Narrn auf der Welt  
 All' in den Winkl thoa',  
 Wie groß und weit aar als er is,  
 So waar' er dengerscht z'floo'.

### Der Edlweißbrocker.

Der Hirscht, dees is mei' schönsti Zeit  
 Da brock' i' 's Edlweiß,  
 In Watzmann über 'n Laabl drobn  
 Und über 'n hoche Eis.  
 In Vertlsgadn habn s' ja  
 Die Bliemin gar so gern  
 Und kimm' i' mit mein' Edlweiß  
 Zu manchen großen Herrn,  
 Und bring's die Damen drunt' in' Gschloß,  
 Die stecka 's auf 'n Huat,  
 Die Damen san gar schö' und fei'  
 Und 's Edlweiß' steht guat.  
 Da schaugn an diem die Cavalier'  
 Und fragn, wo hast es her,  
 Wann aber i' am Watzmann zoag',  
 Da fragn s' nimmer mehr. —  
 Dees freut mi' an die Bliemin just,  
 Daß's braucht a' Schneid' und Fleiß,  
 Sunst kriegst es nit, d'rum hoast mer's aa'  
 Nit unrecht Edlweiß.  
 Und gern a' Sträußl brock' i' aa'

Für unser' liebi Frau  
Schau, weil bei'n Steign in der G'sahr  
I' treu zu'n ihr vertrau'.  
O wann no' in den Wazmann dort  
Roan Laane abageht,  
Wo meini Jagerbliemin san,  
Mein' kloana Gartn steht;  
Ja liebi Frau, i' bitt' di' schö',  
Wann d' Laane ebba bricht,  
So denk' auf mi' und mach' daß halt  
Mein' Edlweiß nix g'schicht!

---



### D' Bögl.

Wie d' Leut' san, san oft d' Bögl aa',  
 Wie d' Bögl san oft d' Leut,  
 Der oa' is schö', der oa' is wiascht,  
 Der dumm, der ander' g'scheit.

Und wies mar ei'fallt, will 'Enfs sagn,  
 Na' sicht an' jder raar,  
 Schau was er ebba vorstelln kunt',  
 Wann er a' Bogl waar'.

An' Adler is a' g'strenga Herr,  
 Hat Felsnchlösser gnug,  
 Da schaut er stolz dem Gfindl drunt'  
 Vo' weitm fürnehm zua.

A Nachteuln, die kein Tag so brav  
 Is a' scheinheiligs Ding,  
 In Finstern, gel', wo s' niema'd sicht,  
 Da macht s' na' ihri Sprüng'.

A' Schnepf, dees is a' Moas'nder,  
Wie's gar so vieli geit,  
San grad so dumm, ob's g'wandert san  
A' bißl oder weit.

A' Gockl thuats an' Sprecher nach,  
Nix schneidigers geit's nit,  
Bal' d' aber mit an' Steckfa kimmst,  
Na' thuat er nimmer mit.

A' Lercherl is a' Sängerin,  
Da denkt wohl j'ber dro',  
Dap's just der Rock und 's Gwand nit macht,  
Ob oa's aa' ebbes fo'.

A' Spatz dees is a' Schuastabua,  
Da halt' i' ebbes d'rauf,  
Der kummert si' amal um nix  
Und is aluwei' wohlauf,

Und müßt' i' just a' Vogl seh',  
'Bi' aa' gern sorgnfrei,  
J' glaab' meinoad, i' wur' a' Spatz,  
Was waar' aa' g'feit dabei!

---

### Der alti Jaaga.

Es steigt an' alter Jaaga  
 Gon Berg dahi',  
 A' Gambsei drobn schießn  
 Hat er im' Ei',  
 Bein' Pfarrer drunt' is Kirta',  
 Da soll er für den Herrn  
 In d' Kuchl an' Jahrling liefern,  
 Dees Wildprat hat er gern.

Der Jaga birscht gar fleißi',  
 Da kimmt an' Eck  
 Und drentn zeigt si' abi  
 A' Laanasleck,  
 Und wier er dort schaut eini,  
 Gleï' sicht er Gambsei'n steh'  
 A' Goas, a' Rit, zwoa Jahrling,  
 Jesh' kunnt' wohl ebbes geh'.

Sie äs'n, springa, scherzn,  
 A' Böcke gar,  
 Dees jagt die oan' wohl hin und her  
 Als wier a' Narr

Der is scho' voller Fagn  
 Und geit halt gar koan' Rua,  
 Der alti Jaaga schaukt ihm grad  
 Mit stilln Lacha zua.

Mei'!, denkt er, wie d' no' jung g'west,  
 Hast's aa' so g'macht,  
 Hast aa' so springa mögn,  
 Gern g'scherzt und g'lacht,  
 Hast oft aa' g'hezt die Diendl'n,  
 Dees is wohl g'west a' Zeit,  
 Und wie so gschwind verganga is's  
 Und all' die Lustbarkeit.

Jetz' rennt ihm 's Böcke zuatwi,  
 Jetz' Alter schieß',  
 Schau wier er d'rent steht an der Wand  
 So schö' in Mies,  
 Und aber 'hat nit g'schoßn,  
 Ha' was er ehba thuat,  
 Legt d' Bir a'm Bodn und steht auf  
 Und winkt na' mit'n Huat.

Und schreit: „Jetz' geh' du Schlaanggl,  
 „Dees G'schpiel is gnua,  
 „Es kunnt' verschmacha sunst mei' Bir,  
 „Geh' zua, geh' zua!“

Hui! Jan s' dahi' — na sagt er:

„Der Pfarrer haut gern ei'

„Und braacht' ihm gar den Jahrling no',

„Es funnt' ihm schädli' seh.“

---

## Boarisch.

Mei' Ahnl und mei' Vater,  
 San gwest guat boarisch Leut',  
 Und boarisch will i' bleibn,  
 So lang' mi' 's Leben freut.  
 Es hätt' an diem wohl oana  
 Uns gar gern anders g'macht,  
 Datho' hat's aba foana,  
 Hat's foana z'wegnbracht.

Dees boarisch' Blau, dees Farbi,  
 Hat gar an guetn Halt,  
 Sunst waar der boarisch Himi  
 Scho' g'schoßn, er is alt,  
 Und weiß schickt unser Herrgott  
 'N Schnee, bal's schneibn thuat,  
 Dees hätt' er lang scho' g'ändert,  
 Waar ebba d' Farb nit guat.

Mir hamm aa für die Farbn,  
 Sö lang ma san, nix g'spart,  
 Der Löw' hat raaffe' müß'n  
 Mit Adler aller Art,

Mir hamm en nie verlassn,  
Bont wegen den weiß und blau  
Und Gott hat allzeit gholfa  
Und unser liebi Frau.

Drum laß i' aa Leib und Lebn  
Für's Boarn und für mein' Herrn,  
Und soll von meini Buabna  
Na koaner anderst wern,  
Und soll's an' j'ber sag'n,  
Als wie i 's sag'n ko':  
Der Vater is guat boarisch gwest,  
Is gwest a' brava Mo'.

---

**Gedank'n.**

Wenn Alles schö' staad is und still in der Nacht  
Und i' aus'n Fenster die Stern' so betracht',  
So denk' i' mir oft und sag' ma: ha mei',  
Wie werd's wohl da droben in Himmi sey'!

Wohl sagn s', daß dortn a Herrlichkeit  
Wie's koani herunt auf der Erdn geit,  
Und dengerscht, so kimmt's do' an jedn hart o',  
Wann er halt amal nimmermehr dableibn ko'.

Ja ja, es is bsunders dees Leben dahier,  
Daß oana gern da waar, was kann er dafür,  
Und do' muß er furt, muß gar gschwindi' dahi',  
Oft wunderts mi', daß i' so lusti' bi'!

---



### Wie's halt geht.

'S Diendl hat die Fink'n gern,  
 Lockt s', thuat ihna schö',  
 D' Finte' aber fliegn furt,  
 Laß'n 's Diendl steh'.

'S Diendl hat die Kerschn gern,  
 Hat sei' Gfall'n dro',  
 Und die dumma Kerschnbaam  
 Schaugn s' gar nit o'.

'S Diendl hat die Bliemin gern,  
 Red't sogar damit,  
 Und die zupft'n Dinger da,  
 Die verstenga s' nit.

Und i' laaf zwoa ganzi Jahr'  
 Um dees Diendl scho',  
 Und sie fliegt, als waar s' a Fink,  
 Allewei' davo'.

Und i schaug so oft nach ihr,  
Schaug mi' halbet dumm,  
Sie macht's wie die Kerschbaam,  
Kimmert si' nix drum.

Und i red' so süß und fei',  
Blag' mi' da und dort,  
Thuat s', als wann s' a Bliemi waar,  
Sagt ma nit a Wort.

Kimm' i wied'r amal auf d' Welt,  
Woaf i, was i thua,  
Werr a Fink, a Kerschblüh  
Ehnder als a Bua.

---

## Jagalied.

Was waar's denn um 's Lebn ohni Jagn,  
 Roan' Kreuzer nit gebet i' d'rum,  
 Wo aber a' Hirsch zun d' erfragn,  
 Wo's Gambsei'n geit, da reiẗts mi' 'rum.  
 Ja 's Jagn dees is mei' Verlanga,  
 Ho's zeiti scho' mögn a'fanga,  
 Ha ho! und mei' g'führigi Bir  
 Und i' sag' halt da drüber geht nir.

Thäats hocka bei Diendl'n und Kartn,  
 Thäats tanzn und fegln grad gnua,  
 'Will lieber an' Hirschn d' erwartn  
 Und hirschn d'rauf spat oder frua,  
 Daßoamtn da mag i' nit bleibn,  
 'Will draußtn mi' umanand treiben,  
 Mei' Musi' san d' Bögerln in Wald  
 Und die macha mar auf wie's ma' g'fällt.

Steig' auffi, steig' abi, steig' eini,  
 A' Gambs is a' Steigerei werth,  
 A' Gambs is gar flüchti' und schleuni'  
 Und leicht geht der Handl verkehrt,

Drum is aa' an' Ehr' dabei z'gwinna,  
Und muaßt 'was versteh' und 'was finna,  
Denn der si' nit recht jammanimmt  
Na nit leicht zun an Gamsbartl kimmt.

Hoch vivat die Berg solln lebn  
Und 's Woadwerk und wer 'was d'rauf halt',  
Mein' Schatz will i' 's Edelweiß gebn  
Und hoff mir aa' gwiß, daß's ihr g'fällt,  
Denn thaat sie's nit lusti' bitrachtn,  
Dées jaagerisch' Bliemi verachtn,  
So ließ i' s' aa' laaffa gar bald  
Und thaat' hausn alloani' in' Wald.

---

### Schö' kloaweis.

Schö' kloaweis mußt d' in Alln handln  
 Und fall' nit mit der Thür' in's Haus,  
 Stürmst wie'r a' Wilder auf a Diendl,  
 Was hast davo', sie macht di' aus,  
 Schö' kloaweis werst es nit vergräma  
 Und werd i' dei Lieb' nit übi nehma.

Will 's Wasser durch an Fels'n bohr'n,  
 Dees hast do' gwiß gar oft scho' gsegn,  
 Schö' kloaweis arbet jeder Tropfa,  
 Schö' kloaweis, schau da bringt's 'was z'weg'n,  
 Was d'Ame'sn Alls zammattrag'n  
 Schö' kloaweis, is ja nit zun sag'n.

Wer auf an Berg wollt aufi rumpin  
 Als wie'r a' Mader auf an Baam,  
 Daß den der Blasbalg nit verlasset,  
 Dessel', verstehst mi', glaab' i kaam,  
 Schö' kloaweis fo'it an jedn zwinga,  
 Mi 'n Geh' kimmst weiter als mi 'n Springa.

Dans aber muß i' dengerscht sag'n,  
Da's macht an' Ausnahm, wann's just g'schicht,  
Schau, will der Feind 's Land überschwemmen,  
Da hat dees Ding an' anders G'sicht,  
Da muaszt nit floatweis drunter schlag'n,  
Da nimm f' glei duzedweis bei'n Krag'n.

---

### Von Herzog Max.

Moant's, Ges alloa kinnt's Zithernschlagn  
In Steyermark und Krain,  
Wann's ebbes V'junders hör'n wollt's,  
Kemmt's grad nach Boarn 'rei'.

Und fragts amal nach Wittelsbach  
Und nach sein' liebn Herrn,  
Da glantz den schön'n Zitherspiel  
A gar a guater Stern.

Es is der Herzog Marmilian,  
Der selber d' Zither schlägt,  
Woß nit, ob mar an sellan Prinz  
Bei Enk in Land derfragt.

Und spiel'n thut er's nett und fei',  
Halt halt a Lieb' zu'n ihr,  
Dees kimmt, verstehst, von sein Gemüth  
Und 's Herz hat er dafür.

Und schau' dees is die Seltneheit  
An so an' groß'n Herrn,  
Daß 's Herz nig von sein' Titl woaf  
Und hat a Zither gern.

Und schau dees is a Zeugn'schaft,  
Wo foani drüber geht,  
Daß d' Zither aa, als wie bein Enf,  
Bei uns in Ehr'n steht.

---



**Um Neuni.**

Und 's Glöckl hat g'schlag'n  
Um neuni auf d' Nacht,  
Jez muß i' do' fragn  
Ob 's Diendl no' wacht.

Und 's Glöckl hat g'schlag'n  
Um zehni auf d' Nacht,  
Ho' vo' neuni bis zehni  
Bei'n Diendl zuabracht.

Und seitdem so woß i',  
Schlagt's neuni auf d' Nacht  
Und so brauch't's nimmer fragn,  
Sie wacht scho', sie wacht!

---

### Die floanern' Jager.

Zwoa Jager steig'n in an' Gwänd',  
 'S red't koana nit a Wort,  
 Sie steig'n langsam nach der Höh',  
 Es is a schiecher Ort.  
 Und wie s' jeß kemma gegen d' Schneid,  
 Da rastn s' auf an' Eck,  
 Sie segn schier zun Ferktn aus,  
 So barti, wild und fed.  
 Just graut der Tag, der Nebi liegt  
 No' tief herunt' in Thal,  
 Von selln Platz, da sieht ma schö'  
 Viel' Dörfer aufamal.  
 Und wie s' a weil so rast'n thien,  
 So hörn s' Kirche'gläut,  
 In d' Fruhmess ruft a Glöckl 'zamm,  
 Dees Lät'n hört man weit.  
 Da stopft der oa a Pfeif' Tabak,  
 Der ander putzt sei' Bir  
 Und Branntwein trinkt s' aar an Schluck,  
 Aber betn thien s' nix.  
 Und wieder üb'r a floani Weil,

Da läut't dees Glöckl drunt,  
 „Jez wandln s' erscht, lacht da der oa,  
 Mir wandln scho' zwoa Stund'."  
 „Ja Wandeln hi' und Wandeln her,  
 Hat wild der ander gsgagt,  
 A Gamsbock ischt mer allweil mehr,“  
 Und hat sein Stugn 'pact.  
 Und weiter steigen s' übers Eck  
 Und schaug'n in' Grabn 'nei,  
 Da steht a stärker Gamsbock drinn,  
 Der werd bald ihna sey'.  
 Da schießt der oa', er fällt no' nit,  
 Der ander aa zünd't o',  
 Und auf die Schuß, da hat's an Fall',  
 Als wie a Dunner tho',  
 Als schlieg a Weterstroach grad ei',  
 Was dees bedeut'n soll?  
 Die Schütz'n rumpin in anand,  
 'Es is ihna nimmer wohl,  
 Denn schau, der Bock in Grabn drunt'  
 Wird zoget wie a Bär,  
 Die Kriffln wernn großi Horn  
 Und feuri' schauget er her.  
 Dees is kua Gamsbock, gnad' da Gott,  
 Dees muaf der Teufi' sey', —  
 Da packn gschwind die Jager 'zamm  
 Und laafa woltern fei'.  
 Auf oamal aber laßn s' aus,  
 Es wernn d' Füß' so schwaar,

Und grad' als wann der jüngsti Tag  
Auf Erdn kemma waar,  
So zieht a Nacht und Weter 'rei,  
Aoa Schrittl kinnes' geh',  
Und 'Blut is worn so kalt und starr,  
Als sollt's auf ewi' steh'.  
Und horch in' Wettersturm da hallt  
A Schroa weit über's Land, —  
Da is a grausi Wandlung g'scheggt,  
Verhängt von Gottes Hand. —  
Wohl wieder drunt' zun Betn läut't  
Dees Glöckl aus der Fern',  
Die drobn san aber wor'n Stoa',  
Sie kinne's nimmer hör'n.

Bei Salzburg steht a hoher Berg,  
Der Staufn, wer 'n kennt,  
Da san zwoa langi Fels'n obn,  
Die stoanern Jager g'nennt.  
Die Fels'n stenga heunt no' da,  
Als Joacha von den G'richt, —  
Der Kruag, schau, geht so lang zum Brunn',  
Bis er amal dabricht.

---

### Die Sennnderinn.

A Senndrinn hat a Kalbn gsuaht,  
 Da hat s' an' Jager gfund'n,  
 Der leit d'erschlag'n jämmerli,  
 An Händ und Füß'n 'bund'n,  
 „D Senndrinn liebi Senndrinn mei',  
 „Schneid o die Strick, i' bitt' di' fei',  
 „Du sichst, wie elend daß i' bi',  
 „D hilf, i' bitt', sunst bin i' hi'.“  
 Die Senndrin schau't a guati Weil,  
 Ihr hat sei' Freiheit gar koan' Cil,  
 Do' endli' noagt s' si' zun ihm,  
 Als helfet s' von die Strick und Riem'.  
 Und langsam zieht s' a' Messer 'raus,  
 Da kimmt den Jager o' a Graus,  
 Was draacht er d' Augn denn so weg,  
 Was kriegt er d'rüber so an' Schreck?  
 Die Senndrinn sagt ihm staad ins Ohr,  
 (Ihm kimmts so laut wie Dunner vor)  
 „„Mein' Buabn haßt d' erschoss'n mir,  
 „„Was moa'st, was ghört denn dir dafür?““  
 Sie geht und schneidt zwoa Darn 'zamm,

Daß s' just a' Kreuzl gebn habn,  
 Dees steckt s' bein ihm in Bodn 'nei',  
 Und teil't 's gar fest in Etoaner ei',  
 „„Verstehst mi, sagt s', wann's Schnee o'geit,  
 „„So woaß 'ma do', wo oaner leit.““  
 Und schau't 'n nomal furchtbar o',  
 Wirft's Messer weg und geht davo'. —  
 Der Winter is kemma mit aller G'walt  
 Und g'stürmt und g'frorn hat's graufi' kalt,  
 Und g'schneibn hats scho' Tag und Nacht  
 Und 's Eis hat schier zun Ferschtn kracht. —  
 Da wadt a Wei' in tiefn Schnee,  
 Tracht't nach der Wallfahrt auf der Hööh',  
 Gar bloach is's und is muettersloa,  
 Wer werd denn jeh a Wallfahrt thoa?  
 Bei so an Wetter, 's is a Graus,  
 Da jagt ma ja koan Hund nit 'naus.  
 Und 's Wei' dees arbet' bis in d' Nacht,  
 Hat d' Wallfahrt nimmermehr damacht,  
 Gar bald vertwaacht und floa' verschneibn  
 Is s' todt am Kreuzweg liegn blicbn. —

Dees Wei' is gwest die Sennderinn,  
 Schau gar so scharf seh', bringt koan' G'winn,  
 Wer gar so hart und wüthi' thuat,  
 Der schad't ihm selm, es thuat koa Guat.

### Die verliebt'n Buab'n.

Es hamm s' in a schöni Dirn,  
Amal drei Buabn verliebt  
Und sie hat weiter koan d'erhört,  
Dees hat s' halt stark betrübt.

Die Buabn jan gwest guati Freund'  
Und hab'n oft g'redt davo',  
Wie daß dees Diendl gar so stolz  
Und wünschet si' koan Mo'.

Und wie s' amal so gjamert hamm,  
Bon ihr'n Trutz und Gspött,  
Daß's oan' hätt' schier d'erbarme mögn,  
Da habn sie 's Leb'n verred't.

Der oa' hat g'sagt, i' häng' mi' auf,  
Der oa', i' schieß' mi' todt,  
Der jüngst' hat gsagt, i' spring' in See,  
'S is gwest a grossi Noth.

Und wo drei Weg' vonander gehn,  
 Da hab'n se si' trennt,  
 Und sagt's a jeder no' amal,  
 Es waar die Nacht sei' End.

Der jüngsti geht schnurgrad zun See  
 Mit sein' Verdruß in Sinn,  
 Da hört' er juchz'n von an Berg  
 Weithi' a Sennderinn.

Die kennt er wohl, sie tanzt so guat,  
 Da fällt ihm dabei ei',  
 Daß morgn Kirter is in Dorf,  
 Da werd's wohl luschti seh'.

„Mei', denkt er ihm, 's is grad oa' Ding,  
 „Mach' no' den Kirter mit,  
 „Stirbst morg'n grad so guat wie heunt,  
 „Dees draht 'n Handel nit.“

Und richti' d'rauf den andern Tag,  
 So geht halt zeiti' gnua  
 Zu'n Wirth, wo All's wohlauf beinand'  
 Der desperati Bua.

Er schaukt a Weil 'n Tanz'n zua,  
 Die erst', die zwoati Schaar,  
 Die dritti aa' no', denkt er ihm,  
 Mit dir is 's so bald gar.




Und wie die dritti Schaar anfangt,  
 Wer hätt' 'was selles g'laabt,  
 Da kemma seini faubern Freund'  
 Und tanz'n, daß Alls staabt.

Was moants jeh nacher, hat er tho' —  
 Er hat si' gwiß beschwert,  
 Daß die so liederli' und falsch  
 Und hat recht aufbegehrt? —

O Na! er hat's glei' aa so g'macht,  
 Jeh schau die Schlanggl o',  
 Und hat ihm nit an oanziger  
 An' Leb'n ebbes tho'. —

So is der Mensch, wie 's Wetter halt,  
 Oft anders über Nacht,  
 Und oft an' Unglück nit weit her,  
 Wann's oaner recht bitracht'.



### Vom altu Sollacher.

Der alti Sollacher z' Boarischzell,  
 A' Zeidl vor sein' End',  
 Da sitzt er amal vor'n Haus heraufst,  
 Die schön'n Berg zuagwend't,  
 Und schaukt a so drei' ganz müd und matt  
 Und hat bei'n ihm sinnirt,  
 Wie's anders gwest is, wo er no' jung  
 Und hat koan' Aderl g'schpürt.

„Ja selm, da is wohl ganga 'was  
 „In Winter- und Summerszeit,  
 „Wie hat mi' da der Spielho'falz,  
 „Wie hat mi' d' Rehbirsch g'freut,  
 „Und 's Jaagern na' auf Hirsch und Gambs,  
 „Koa' Plag nit hon i' g'acht'  
 „Nie g'fragt wie hoch, nie g'fragt wie weit,  
 „Nix g'schicha Tag und Nacht.

„O wann ma' jung is, g'jund und frisch,  
 „Wie is's auf der Welt so schö',  
 „Und a' richtigi Jagd und a' tüchtigi Bir,  
 „Was kunnt' da drüber geh', —

„Jetzt schaufts mi' aber schiefri' o',  
 „Die guatn Täg san 'rum,  
 „An' alter Baam, es braucht nit viel  
 „Ja ja, so fällt er um.

„Muaf's seh', Gotts Nam'! grad oamal no'  
 „An' Gamsbock schießet i' gern,  
 „Es is aber 's Fußwerk nig mehr nuß,  
 „Es werd's aa' nimmer wer'n.“ —  
 So hat er für ihm g'redt der Alt'  
 Da rumpits drinn in der Stubn  
 Und er hört seini Diendl'n, „was hamn s' der'n jeh';  
 „Was renna s' denn so rum?“

Na klopf't er am Fenster und 's Lisei' glei'  
 Und d' Nanni laaffa 'raus:  
 „„Gschwind Vater, no' g'schwind und nehmts a' Bir,  
 „„A' Gams steht hintern Haus,  
 „„A' starker Bock, in' Angerl draußt,  
 „„Er is grad foast und schwaar  
 „„Und thuat als wann er gar nit wußt',  
 „„Daß er bei'n uns da waar'““

„Ja sehd's denn narret, a' Gams da herunt!?“  
 „„Ja Vater es is gewiß,  
 „„I' spring' um d' Bir und machts no' und gehts,  
 „„Na' sechts es glei' wie's is.““

Und d' Nanni voro' und holt sei' Bir  
 Und der Alt' schleicht hi' und schaut,  
 Wahrhafti! a' Gamsbock in' Anger drinn,  
 Dem 's Aesn prächti' taugt.

Wahrhafti' a' Gamsbock! und is nit z'weit,  
 Da riegelts den altn Mo'  
 Und nimmt sei' Bir und richt' si' zamm  
 Und spannt ganz staad 'n Ho'.  
 Jekh' fahrt er auf und meßt und meßt,  
 O mei' Gott, er nacklt so viel,  
 Und setzt wieder a', „J' ko's nit d'erhebn,  
 „Dees is schon a' z'widers Gschpiel,

„Wie Lisei, schieß' du, du triffst 'n leicht,“  
 Und jekh' nimmt 's Lisei d' Bir  
 Und dattert no' irger und traut ihm nit,  
 „„Mei! Vater, bei mir werds nig.““  
 Und noamal schlägt der Sollaacher a',  
 Na' schaut der Gamsbock her,  
 Da schnellts! und zamma stürzt er am Fleck  
 Und thuat foan' Zucker mehr.

Und d' Diendl'n g'juchezt grad und g'schrie'n  
 „Aber den habts niederkeit,  
 Und der Alt' is ganz d'erfemma gwest  
 Und 'glanzt hat er vor Freud'. —

— Und gwest is's aa' sei' letzter Schuß,  
Ja sag'! wie si so 'was richt',  
Und frag' d'rum nach in Boarischzell,  
Na' hörst, 's is a' wahri G'schicht'.

---

### Die Füchf'.

In Wald steht a Hütt'n, da sitzn beinand  
 Drei Jaga, die prahln und spreda:  
 No morgn, da woll' mar s' mit Pulver und Blei  
 Amal schö' sauber d'erblecha,  
 Mir schießn 'n Hirsch, Ges werds es segn  
 Und Böck und Hasn, so viel ma no' mögn. —  
 Und a Hasl sitzt draußtn in' Gras versteckt,  
 Dees hat seine Löffi gar hoch aufg'reckt  
 Und hat Alles g'hört bei der stilln Nacht  
 Und hat si' danacha gschwind weiter g'macht.  
 Und is dir halt grittn durch Acker und Feld  
 Wie a Narr und hat's die Rammradn verzählt,  
 Und hat unterwegs aar an Nachbock g'segn,  
 Den hat's es aa g'lagt, was morgen soll g'segn,  
 Und der Bock hat's an Hirsch wieder weiter bericht't  
 'S is g'west a verzweiflti bösi G'schicht.  
 Und Hirschsn und Hasn und Böck mitanand  
 San furt in der Nacht in an anders Land. —  
 In den Wald hamm g'haust aar an etliche Füchf',  
 Die armi Teufi wißn vo' nix,  
 Es hätt'wohl a Hasl von weitm oan' g'segn,

Es hat ihm aber nix zurufa mögn'  
Und koa Hirsch und koa Boß hat ihna 'was gsagt,  
Dass morgn sollt' sey' a so grausami Jagd.  
Jez' san halt die Füchß' schö' sauber 'bliebn  
Und habn umsunst ihna Schleicherei trieb'n  
Und d'rauf in der Früh', ja grad für an' Jux,  
Der ersi derschosseni is gwest a Fuchß,  
Und richti' san s' alli derschoss'n worn  
Und sunst nit a Hasl nit hint' und vorn.

---

Verstehst es, mei' Freund, was des G'schichtl bideut't?  
Schau so geht's in der Noth aa die bösn Leut.

---

### Allewei' Gott vor Augn.

„Bhüt' Gott und bleib' schö' sihn da,  
 „Geh' grad a wen'g in d' Kircha na'  
 „Und reiß' ma' fei' loa' Bliemi 'zamm',  
 „Mir müßn i' für 'n Herr Pfarrer habn.“

Zum Büabi hat's der Vater g'redt,  
 Dees hocht schö' an an' Bloamabett,  
 Pfüt' Gott, sagt 's Büabi, 's is scho' recht,  
 — Obwohl 's gar gern a Bliemi möcht'.

Und wier er furt is, denkt der Kloa',  
 Es werd ja do' so viel nit thoa',  
 Wann i' an oanzig's Nagerl brock',  
 Es san ja duzedweis am Stock.

Da brockt er oa's, ah Narr, die Freud!  
 Die Schönheit und die Herrli'keit,  
 Zwoa aber waarn halt schöner do',  
 Da brockt er aa des zwoati no'.



Jeg' no' des dritt' und no' a' Paar,  
 N' Buschn wur's, es is scho' wahr,  
 Da müßn aber mehra her! —  
 Da brockt der Bua halt kreuz und quer.

Und singt, dieweil er Alls zerrupft  
 Und Alls in kloani Jegln zupft:  
 „Wo ich nur bin und was ich thu'  
 „Da schaugt mir Gott mein Vater zu.“ —

— Der Alti in der Kirch' denkt dro',  
 Wie er a Roß verkaafa fo',  
 Dees Roß is blind und dampfi' is's  
 Und hat im Huaf den größtn Riß.

„I gib's halt wohlfi, — ah warum?  
 „N Hansl giebst es, der is dumm,  
 „Halt na! 'n Sepp, der zahlt no' mehr,  
 „Der is ja no' der dümmer der.

„Echo richti' ja, der geht mehr ei'  
 „Und 's werd' in allerklügstn sey',  
 „I' häng' ihm z'erscht an' Dampes o',  
 „Damit i' leichter handln fo'.“

Und schau, dieweil er so studirt,  
 So hat er 's Mäu' gar fleißi' g'rührt  
 Und bet't mit Vaterunser gnua  
 Den längstn Roßnfranz dazua. —

So! habts nur allwei' Gott vor Augn! —  
D kunnt mer Ent in Kopf' nei' schaugn,  
Wie oft steckt da 'was anders drinn.  
Als für 's Gebet a' frumma Sinn!

---

### Die g'fahrlinga Wünschj'.

Es hat a Jager auf Gamssein 'birscht,  
 Die habn en so viel g'freut;  
 Und hat ihm denkt, waar no' mei' Berg  
 So lang wie d' Ewigkeit,  
 Und waar er no' so schiech und wild  
 Von Kopf bis auf'n Grund,  
 Daß wohl der hundertst dra' derschraak,  
 Und da nit eini kunnt.  
 Da hat er g'moant, waar ihm alloa  
 Vor gar foan' Grab'n bang  
 Und waar er g'fahrl', wie der will,  
 Er waget jed'n Gang.  
 So steigt er furt, steigt auf und o'  
 Und Graabn ei' und aus,  
 Auf oamal steht er an 'ra Wand,  
 Da kon er nimmer 'naus.  
 Und so' nit ruckwärts und nit für,  
 Dees is ihm nie passirt,  
 Wo Satra, denkt er, bist denn jetz',  
 Jetz hast di' gar verirrt.  
 Er schaut und sicht weit um und um

Und nix als Stoa und Stwand  
 Und hat sein' Berg und sei' Revier  
 Wahrhafti' nimmer kennt.  
 Und Gambsein sichts er Rudlweis,  
 Ko' aber nit dazua,  
 Ko' si' nit rührn auf den Fleck  
 Und sichts ihm halt grad gnua.  
 Jekh' is ihm dengerichts anders worn  
 Und trauri' schaut er no',  
 Von weiter femma is foa Red',  
 An' j'der fallet o'.  
 Da sichts er druntn tief in Thal  
 A ganzi Jagerschaar  
 Und sichts foan' Weg', wo s' eini' san,  
 Dees is ihm wunderbar,  
 Und sichts oan' 'bundn an an Baam,  
 Was dees bideutn kunnt,  
 Er denkt, der is do' besser dra'  
 Als i', waar i' so drunt'!  
 Und kaam das er des Ding ihm denkt,  
 So steht er an den Baam,  
 Und is der 'bundne gwest und moa't  
 Er lieget in an Traam.  
 Die fremdn Jaga habn viel g'redt  
 Und endl' femma drei  
 Mit Birn und die sag'n ihm,  
 Jekh' bet', 's is glei' vorbei!  
 „Was waar jekh' dees, hab' Ent nix tho',  
 „I' woass ma ja von nix,“

Echo' guat, so habn die andern gsagt  
 Und langa nach der Vir,  
 Und legn nettet auf ihm o',  
 Da fliegt a Fink vorbei,  
 O denkt er, waar no' i' der Fink,  
 So waar i' dengerscht frei;  
 Und wier er 's denkt, so fliegt er scho'  
 Und is a Vogl worn  
 Und fliegt, er woasß gar nit wohi',  
 Hat woltern d' Schneid verlorn.  
 Da stoßt a großer Geyer ro',  
 Raam kimmt er ihm no' aus,  
 Der Geyer nach, o Gott loa' Busch,  
 Roa' Baam, o Angst und Graus!  
 Er fliegt schier todt von Wand auf Wand,  
 Der Geyer nachet dro',  
 Auf oamal nimmt 'n der bein Krag'n,  
 Da schreit er, was er fo'.  
 Und bei den Schroa, is gwest vorbei  
 Des ganzi Herentwerf,  
 Und er auf an bekanntn Platz,  
 Und wieder auf sein' Berg. —  
 Is's gwest was anders, od'r a' Traam,  
 Er hat si' nit verkennt,  
 Und is als wie a gfehlter Fuchs  
 Von selln Fledl g'rennt.  
 Und hat ihm weiter nimmer denkt,  
 Das er was bsunders möcht  
 Und war ihm j'ha sei' Gebirg,



Wie 's ebba g'wejt, scho' recht. —  
So wünscht oft mancher auf der Welt  
Und büffet's nacha schwaar,  
Wann unser Herrgott Alles thaat  
Und nit der Gschentre waar.

---

**Mei' Himmi.**

I woaf an bsundern Himmi,  
Do haust foa Heiliger drinn  
Un dengerscht is der Himmi  
Wie oaner nach mein' Sinn.

Der Himmi hat a Paar Fensterln,  
Schaugt aber foa Sternerl 'raus,  
Hat aa foa goldeni Sunneuhr  
Und macht ihm aa nix d'raus.

Der Himmi is a Hütt'n  
Und iust dees g'fallt mer dro',  
Wie's drinn so schö' und liebli',  
Ma' fiedt's ihm gar nit o',

I moan' du kunnst's derrath'n,  
Was in den Himmi waar,  
Ja ja es ist mei' Diendl,  
Und die is so viel raar!

Und muaß i amal sterbn,  
I gieb mi' willi' d'rei',  
Wann s' grad mi' mit mein' Himmi  
In Himmi laßn 'nei'.

Denn meiner muaß a Stückerl  
Gar gwiß von den dort seh',  
Und wo dees Stückerl sei'n thuat,  
Da seh' i's wieder ei'.



### Pechmaiers Bitherspiel.

Wann Er, der Moaster, auf der Zither spielt,  
 So luust ihm Alles, Jung und Alt,  
 Was Schön's und Freundli's in der Musi' is,  
 Des hat er sauber in der Gewalt.  
 Und hörst ihm zua, so sichst dabei  
 No' in Gedankn allerlei.

I' sich' a Diendl, dees in stiller Nacht  
 Den lieb'n Mond am Himmi drob'n betracht',  
 Den Diendl seit was, is jeh, was da will,  
 Den trauri is's, dees sagt mir 's Zitherspiel.  
 Der Mond werd freili' nit sei' Unglück sei',  
 Verliebt is s' Diendl, dees bild' i mir ei',  
 I' stell' mirs für gar jung no' und gar schö',  
 Und ihra Seufzn thuat mir nachet geh', —  
 Du armer Narr, i wollt' daß i 'was fund,  
 Was dir und mir danebn helfe' kunt.

Und wie i uns a so bedauern thua,  
 So klingt was Lustigs aufamal dazua,  
 Da hör' i singa Schnaderhüpfln sei'  
 Und frisch! Buabn hör' i pfeife' drei'.

Diendl wo feit's  
 Und was habn's dir denn 'tho'?  
 Hat dei' Schatz di' verlaßn,  
 Nimm mi' dafür o'.

Du muaßt dir nit denka,  
 Für di gaabs a Zeit,  
 Wo Scherzn und Liebn  
 Dei' Herz nimmer freut,

Denn so a frischs Diendl,  
 Dees laßt's nit glei aus,  
 Drum laß uns oans tanzn  
 Und mach dir nig d'raus. —

Und lüfti und schneidi  
 Geh's aufamal zua,  
 Es draacht si' fei' 's Diendl,  
 Es schnadelt der Bua.

I hör' die Trompetn  
 Von Tanzbod'n raus,  
 Vor Leut und vor Musi  
 Schier wacklt dees Haus.

Und drunter und drüber  
 Geht Alls durchanand,  
 Es is als wann Rirter waar  
 Uebrall im Land. —

Und in an Winkl sitzt an alter Jagersmo',  
 Der fangt ihm aa' an uralts Gsangel o'  
 Und schnurrt im tiefn Bass und schlägt mi'n Fuß an Takt,  
 Weil alti Löder aa' die Musi packt.

„Hon oft gschos'n, singt er, auf an guatn Hirsch,  
 Oft auf d'Gambhein aa' scho' gmacht a feini Birsch,  
 Auf Egidi alleweil und Barthlmä  
 Ist a frischer Jager bei der Höh.

„Ho' am Rogl oft an' Spielho' salzn g'hört,  
 Ho' mi' drum, als waar's a saubers Diendl, g'scheert,  
 Wann der Spielho' salzt und gruglt auf'n Schnee,  
 Ist a frischer Jager bei der Höh.

„Ho' von Schießet oft an schön'n Fahna g'holt,  
 Für mein' Schatz a Luechei, wann mar's Glück hat gwollt,  
 Bei an Schießet und bei'n Diendl ja voneh,  
 Bin i' woltern gwest aa' bei der Höh.“

Und eh' der Alti mit sein' Gsangel still  
 Rimmt a Harpsn und an Orgelspiel  
 Und die Landler wieder tanz'n drunter raus;  
 Und mei' Herz, es kennt si' nimmer aus.

So geht der Wechsl und sei' Zitherschlag'n,  
 Es is, als wie dees Wasser von an See,  
 Bald is's so glatt und ruhi, wie'r a' Spiegl  
 Und Sternein schaugn eini von der Höh,

Bald kimm a Sturm und hörst die Welln brausn,  
Und nacher wieder hörst a frumms Gebet,  
Als thaat da oaner drum 'n Himmi danke  
Daß ihm sei' Schiffei no' nit untergeht. —

So ko' ma wohl a bißl 'was verzähl'n,  
Was aus der Zither außa bringt der Mo',  
Des Rechti aber, des oan dabei rigelt,  
Dees glaab i' nit, daß's oaner sagn ko',  
Schau b'schreib' an Regnbogn no' so sei',  
Sei' Lebta werds koa Regnbogn sei',  
Und so gehts mir mi'n Gschpiel von selln Mo',  
Drum sag' i, kimm und hör dir'n selber o'.

### Der Fuchs und der Has'.

Es is amal gar was Seltjam's gschegn,  
 Ma werd ebbes selles so leicht nimmer segn,  
 A Has' und a Fuchs san mitanand ganga  
 Und der Has' der vertraut an Fuchs a Berlanga.  
 Schau, sagt er, i ho' no' koan' Menschn gsegn  
 Und 's waar ma wahrhafti gar viel dra' glegn,  
 Du kennst gwiß oan'  
 Und i no koan',  
 Geh' zoag mar an' Menschn, i bitt' di' d'rum,  
 Daß i aa do' amal zu den Anblick kumm'.  
 Scho' recht, sagt der Fuchs, dees ko' leicht sei'  
 Und maust a so hinter den Has'n drei'. —  
 Da segn s' auf an Feld an kloaleizinga Buabn,  
 Der sitzt in an Acker und frißt a Ruabn,  
 Sagt der Has', da schau, ob dees koaner is,  
 „Na, na, sagt der Fuchs, dees woaß i gwiß,  
 Dees werd erst a Mensch, verstehst mi' mei' Kind,  
 Es geht mit an' Mensch'n nit gar a so gschwind.“  
 Jez kemma s' ins Holz, steht an' alter Mo',  
 Der haßt ihm da Daarn, der Has' schaut 'n o',  
 Is dees nit a Mensch, so fragt er den oan',

„Na na, sagt der Fuchs, da siehst aa no' koan',  
Dees is oaner gwesn und is koaner mehr,“  
Und wier er so red't, kimmt a Jager daher.  
Der Has' macht a Mannl und schaugt wie a Luchs,  
Sollt' dees oaner seh', so fragt er 'n Fuchs,  
„Ja ja du, der is's, jeh' schaug' 'n recht o!“  
Er aber schiebt o' und macht si' davo',  
Und 's Hasl hat gschaugt, auf oamal pöpüm,  
Der Jager hat gschöpf'n, da fuglt er um.

Da siehst auf a Haar, wie's auf der Welt geht,  
Wer an' Schlanggl vertraut, der is allzeit labet.

### Der Mensch.

---

Der Mensch is wie'r a' Zuchtnstiefi,  
Der thuat in Anfang aa foa guat,  
Muaf viel d'erfahrn und viel schlucke',  
Bis daß ihm 's Wasser nix mehr thuat.  
Und taugt er 'was und is er z' braucha,  
So is er alt, werd nimmer neu,  
Und nacher, es is ganz natürli',  
Is aa' der Gschpaf gar bald vorbei.

---

### Der Thaler.

'Naacht an' alter Mo' sei' Pfeifei,  
 Schaugt an' junga Madl zua,  
 Seiner Godl, die hat Arbet,  
 Führt i' zun Tanz ja heunt der Bua!  
 'S Madl pukt sie vor 'n Spiegel,  
 Hot a' seide's Nieder o',  
 In sein' Gschnür viel' alti Thaler  
 Hänge' durchanander 'dro'.  
 Hat's gar nöthi' vor den Spiegl,  
 Setzt sei' Kieglhaubn auf,  
 Ah dees waar a Kieglhaubn  
 Da san reichi Börtln drauf!  
 Taused! bis die Kieglhaubn  
 Auf den rechtn Fleckl sitzt,  
 Daß in schwarzn Haar dees Silber  
 Wie si' 's ghört, schö' glantz und blickt,  
 Dees is 'was, da draacht si' 's Gesichtl  
 Duzedmal bal' hin bal' her,  
 Endli' thuat se 's und sie denkt si',  
 Schö' bin i', wie koani mehr.  
 „Muast die Thaler aa no' richt'n



Sagt der Gôd, ma' sîcht s' ja nit,  
 „Bal' s' so durchanander pampin,  
 „Hast jekh' da fœa Freud damit?“  
 Nicht't halt 's Madl aa die Thaler  
 Und da reißt ihr oaner a',  
 „„Magst nit mitgeh' du zum Tanzn,  
 „„Is oa' Ding, so bleibst halt da.““ —  
 Hui da pfeift's, der Schaß is druntn,  
 „„Kimm scho'““ und sie fliegt davo' —  
 „Dafdi dafdi mit die Diendln  
 Brummit nach der alti Mo';  
 „Was do' schlauderisch die Juge'd!  
 „Laßt ihm frei den Thaler hint',  
 „Hört und sîcht nit so a Diendl,  
 „Bal's a' Tanzl wo verwindt.“  
 Jekh' bitracht't er ihm den Thaler,  
 Setzt dazu sei' Brilln auf,  
 Schau da is an' alter Kurfürst  
 Max Emanuel is drauf;  
 „Glaab dir's gern, magst nimmer tanzn,  
 „Du hast mit die Türkn 'tanzt,  
 „Eelm da habn wohl andri Geiger,  
 „Andri Fidlbögn g'schanzt.  
 „Wel' jekh' is der Handl anders,  
 „Schaugt der Türk gar daafi her,  
 „Bal's so furtgeht, wie s' verzähln,  
 „Giebt's bal' gar foan' Türkn mehr,  
 „Eelm da hat's no' beissn brauchda,  
 „Eelm is gwest a' scharpfi Zeit,

„Und do' hat der Boar halt givunna,  
„Schau dees hat mi' allwei' g'freut.  
„So a Thaler an an' Mieda!  
„Na! der Thaler bleibt bei mir,  
„Blüßt i' nit mei' Godl kenna,  
„Nimmt a' Tüchlei gern dafür;  
„So an' Thaler muaß mar eh'n,  
„Weil's an' Angedenka is,  
„Daß der Boar 'n Türkn gemoastert,  
„Wie der no' 'was gwes'n is!“

---

### Von der Agnes-Bernauerinn.

„Redt an' alter Spanglermoasta  
 „Rührts Ent Buabn und klopfst frisch d'rei',  
 „Daß die Helm fei' sauber funkt'n,  
 „Morgn müßn s' firti sey'."

Sagt a' Gsell: „„Was werd denn aufg'führt,  
 „„G'wiß a' hißi's Ritterstück?““  
 „Freili'! 's hoßt d' Agnes Bernau'rin  
 „Wo se s' stürzn vo' der Bruck,

„Hast 'es g'segn amal?“ „„Echo' zwoamal,  
 „„Ho viel woana müßn d'rum,  
 „„Tause'd! daß ihr gar Niem'd g'holfa,  
 „„Is scho' 'ganga woltern frumm,

„„Und dem Hauptlump na', dem Bizdum,  
 „„Dees is gwest des schönsti no',  
 „„Dem is nix g'schegn, laßn 'n laaffa,  
 „„Was i' mi' da g'irgert ho'!““



Sagt der Alt': „da hat's mei' Vater  
 „Anders g'richt' bei'm Faberbräu,  
 „Wo f' aa' g'schpielt hamn, 'denks als Bua no',  
 „Bin i' g'west amal dabei.

„Wie f' dees armi Frauerl grausam  
 „Abag'stöfn vo' der Bruck,  
 „Hätt' ihm aa' derselbi Schlaanggl  
 „Woast es, floatweis zogn z'ruck,

„Aber da, mei' Vater seli'  
 „Hat glei' g'schrie'n: 'n Bizdum 'nei!  
 „'Nei' damit in d' tiefest' Gumpn,  
 „Denn a Gerechtigkeit muaß sey'!

„I' schrei' aa' und All's hat g'schrie'n  
 „'Hamm die Ritter freili' g'schaugt  
 „Und den oan' hat's hübsch verdroßn,  
 „'Hamm scho' g'mirkt, daß's ihm nit taugt,

„Aber 's ganzi Haus hat g'scholtn,  
 „I'leht natürli' ganz verduzt  
 „Hamm 'n richti' a' Paar Ritter  
 „Mitt'n 'nei' in d' Dunau g'schuht!

„Jez' is na' a' Gaudi g'wefn!  
 „Denn wann hundertmal oa' sagn,  
 „'E waar' a' G'schpiel grad, a' Kamedie,  
 „Ro' ma's dengerscht nit vertragn,

„Und grad wohl 'tho' hats uns alli,  
„Daß's' den Spizbuabn aa' d'erwischt,  
„Daß er hat d' ersaufa müß'n,  
„Wo'r er gern für ihm 'was g'fischt.“

„„Recht habts, Moajta, sag'n die G'selln,  
„„Morg'n muaf's wieder a so seh,  
„„Und wann d' Ritter nit dra' woll'n,  
„„Schmeiß' mer 'n Bizdum selber 'nei!'““

---

### 'S Krampfringl.

Da schau! a schöni Tyrolerin!  
 „Raaf mer was o, geh nimm d'r was mit,  
 Besser wohl kriegschts koani Handsche nit  
 Oder die Pfeifn, ischt ja a Bracht,  
 Ischt gar raar von an Gamsstrickl g'macht,  
 Schau a Paar Federn, thu' her dein' Huat,  
 Laß es probirn, di stenga dr guat,  
 Oder a Ringl von Stoabockhorn,  
 Ischt für 'n Krampf oft verschrieb'n worn.““  
 'Denk mir, was Handsche, was Federn und Ring'  
 Dees san ja dengerscht grad unnüßi Ding,  
 'Raaf weiter nix, schaug' aber Alls o',  
 Grad daß i 's Diendl recht o'schaugn ko';  
 Tause'd! die Aug'n, dees waarn a Paar,  
 Die weißn Zahnerln und dees schwarzi Haar,  
 Wahr is's, dees Diendl da aus'n Tyrol  
 Hat mer scho' g'faßn, wie koani so wohl.  
 Wie i' do' endli' davo' gange' bi',  
 Nimmt s' ma halt gar nimmermehr aus 'n Si'  
 Und auf amal, da hon i was g'schpürt,  
 Hat ma so g'schpäßi mei' Brußt z'ammag'schnürt,

'Woß nit warum und dees laßt mi' nit aus,  
Grad als wollt' ebbes zun Herzkaschn 'raus.  
'Dent ma, bist krank, und glei' fällt's mir ei',  
Dees muß a Krampf, ja a Krampf muß's sey'.  
Suach mir gar gschwind die Tyrolerinn;  
Sigt s' wie a Ros'n in Lobl drinn,  
Bua ja so fei', wie Milch und wie Bluat,  
Zustement, wie mar's so maln thuat.  
'Raaf mer a Ringl von Stoabockhorn, —  
Is mir aber nit besser worn, —  
Sie hat's wohl gsagt, er waar dafür guat,  
Daß er 'n Krampf vertreibn thuat,  
Will's aa nit laugne', dees ko' oft sey',  
Aber allemal trifft's nit ei'.

---

### D' Reßleibn.\*

„Steckst a' Kreuz auf d' Reßleibn  
 „Muß der Teufel draußtn bleibn.“  
 'Hatz die alt' Urßchl zu'n Lisei gsagt,  
 Steckt a' Kreuzl auf d' Reibn,  
 „So! Lisei', so! und bal' d' Weillang hast,  
 „Thua dir's mit Betn vertreibn,  
 „So! pfüth di' Gott, wann d' Wocha 'rum,  
 „Kimm i' scho' wieder zu dir;  
 „Schaug' ma' fei' fleißi' auf d' Kalma auf,  
 „Treib' s' in' Grabn nit für,  
 „D' Kalma san fürwigi', san halt jung,  
 „Steign gern übrall 'rum,  
 „Gähling d' erstürzet si' nacher oa's,  
 „Hätt' mar an' Unglück d'rum.  
 „So! pfüth di' Gott!“ — und d' Urßchl geht,  
 'S Lisei is jek' alloa,  
 Is zun erschnmal auf der Alm,  
 Hat viel z' richtn und z' thoa'.  
 Nacht is's wor'n, durch d' Klumpen in' Dach

\* Der zum Drehen eingerichtete Trägerbalken des Milchkessels.



Scheint der Mon' scho' rei',  
 'S Diendl legt si' a'm Kreister hi',  
 Bet' und schlaft bald ei'. —  
 Pumps an der Thür! — d'erschrocka fahrt's auf  
 „He, was geits, was is's?“  
 „„Thua ma' no' auf, i' hi's, der Hanns,  
 „Arbet' bei der Riß.““  
 „'Kenn' di' nit, woasß nig vo' der Riß,  
 „Laß di' aa' nit 'rei',  
 „Geh no' weiter!“ — und 's Diendl denkt,  
 Runnt' gar der Teufi sey'.  
 Gront der Ander' und flucht und stößt  
 An der Hüttenthür,  
 „'S Kreuzl steckt auf der Keßleibn,  
 „Kimmst nit 'rei' zu mir.“  
 Geht er halt endli', a' Zeitl d'rauf  
 Pumps! klopf's wieder a'.  
 „Wie? laß' mi' ei' liebi Senderinn,  
 „Daß i' mi' wirma ko'.  
 „Thua ma' no' auf, i' geh' scho' weit,  
 „Bi dir gwiß bikannt,  
 „Der Raschper, der Pechler mi'n krummbn Fuß,  
 „Woasß es, der von' Land.“  
 „„Kenn' i' loan' Raschper und thua dir nit auf““  
 Fallt's ihr mit Schricka ei',  
 Der Teufi geht krummb, der kunt' gar leicht  
 Der Lucifer selber sey'. —  
 Sifra und Safta! er pumpert böß,  
 Bringt aber d' Thür nit auf,

'S Diendl schaukt und 's Kreuzl glanz  
 Scheint der Mond just d'rauf.  
 Sifra und Sakra, z'legt geht er halt do',  
 'S Diendl überlaafft's ganz kalt,  
 Bal' dees so furtgaang', du lieber Gott,  
 Ah dees waar' a' Gwalt.  
 Schlaft wieder ei' und schlaft gar guat,  
 Pumps! und a' Zuckezet d'rauf  
 „Lisei! bist d'rinn, wie laß' di' do' segn,  
 „Lisei, geh thua mar auf“ —  
 Hat 's Lisei gluust, „„Bists ebba du,  
 „„Der Anderl, der Jagabua?““  
 „Freili! mach' auf, es werd scho' Tag,  
 „G'schlafa hast gtwiß scho' gnua“  
 „„Marret, der Anderl! der lustigi G'sell!““  
 Springt wohl 's Diendl von' Bett,  
 Schiebt ihm gar fröhli' 'n Kiegl weg,  
 „„Dees is der Teufi net!““  
 Grüß' di' Gott hi' und grüß' di' Gott her,  
 Schaugn s' anander gern o',  
 Geit viel z' fragn und z' schwaagn viel,  
 Dees aa' der Bua guat fo',  
 Geit viel z' scherzn und no' so a' B'suach  
 Is halt 's Lisei verkeit,  
 Denkt an nix anders als an den Buabn,  
 Au weh, dees is g'feit,  
 Kragln die Kalma 'rum wie s' mögn,  
 'S Diendl nimmts nit in Acht,  
 Hat aa' mi'n Schmalz und mi'n Butterrührn

Weiter nit viel d' ermächt.  
 Nimmt die alt' Urſchl und hat grad g'schaugt,  
 Was is mi'n Lisei g'schegn,  
 Tappt umanand, vergift auf All's,  
 Rinderscht bringt's nix z'wegn.  
 „Wer'd's do' der Teufi verheret nit hamn,  
 „Sich' ja mei' Kreuzl no'“ —  
 Und an alter Hüter der hört  
 Ihra Gjammer o'.  
 „„Urſchl, sagt er, und hat a so g'lacht,  
 „„Bon meiner Hütt'n da dreht  
 „„Hon i' wohl g'segn wer kimmt und geht,  
 „„Wer um's Lisei rennt,  
 „„Steckst a' Kreuz auf d' Reßleibn  
 „„Muaf der Teufi draußtn bleibn.““  
 „„Aber Urſchl, i' sag' dir dees,  
 „„'S Kreuzl is nit g'nua  
 „„Bal' um d' Weg' mit feini Schlich  
 „„A' junga Jaagabua,  
 „„Dees is der Teufi, verstehst es jetz',  
 „„Da find' ebbes dazua,  
 „„Daf er scheucht a' Reßleibn,  
 „„Chnder is foa' Rua.““

### Die Ordnung.

Es hat der Blitz an' Esel derschlag'n,  
Da hat si' a Distl g'freut,  
Der hätt' mi' gfreßn, hat s' ihm denkt,  
Jez bin i' in Sicherheit.

Die Distl hat a Bübi 'köpft,  
Da hat si' a Bliemi g'freut,  
Hat gsagt, so a steche'bi Nachbarschaft  
Bewünsch' i' allzeit.

Dees Bliemi hat a Diendl 'brockt,  
Da hat si' a Grasl g'freut,  
Hat gsagt, die hätt' mi' schier d'erstickt  
Mit ihrer Eitelkeit.

Dees Grasl hat a Bach verschwemmt,  
Da hab'n si' d' Stoaner gfreut,  
Habn gsagt, jez segn ma do' aar amal  
'N Himmi sei' Herrlichkeit.

Ja Safra! wann auf selli Weis'  
Si' All's in Weg umgeht,  
Was sagn s' denn, daß auf der Welt  
Die größti Ordnung b'steht?

„Dees is ja d' Ordnung daß an jds  
Dees mehreri will sey',  
Und 's is aa guat, sunst schlafet ja  
Die ganz' Comedi ei'.“

---

**Wie's oan' g'schegn ko'.**

I' ho' mi' mei' Lebta'  
Um d' Diendl'n nit g'schert  
Und i' ho' koani woll'n,  
I' ho' koani bigehrt.

Und schau, wie's oan' g'schegn ko',  
In Samster auf d' Nacht,  
Da sich' i' a' Dirn,  
Die mi' narret schier g'macht.

'S is g'wese a' schwarz'i,  
Wie Rohln die Augn  
Und bildschö von' Fuas auf,  
No' die thaat' ma' taugn.

Drauf is's mir in Sunnta'  
Gar g'schwind wieder g'schegn  
Und i' ho' in der Kirch  
No' a' schöneri g'segn,

A' flachshaaret's Diendl'  
So rosi' und rund,  
Ja, daß ma's wohl feiner  
Nit aufmal'n kunnt',

Und Augn hats' g'habt  
Wie der Himmi so blau,  
I' ko's nit vergeßn  
Dees wunderlieb' G'schau.

Und in Monda' da sitz' i'  
In Wirthshäusl d'rinn  
Und i' denk' an die Diendln,  
Ho's allzwoa in' Sinn,

Auf oamal geht d' Thür auf  
Und kimmt oani 'rei',  
No' viel tause'dmal schöner  
A' Spitzbua will i' sey'!

In' Freyta' no' hon i'  
Roan' oa'zigi mögn,  
Und jeh' reißn mi' drei,  
Schau a so ko's oan' g'schegn.

---

### Freising und Landshut.

Freising is a' schöner Nam',  
 Der den Name' gebn,  
 Dees is gwest a' brava Mo',  
 Denn freh singa wann ma' fo',  
 Nacha freut oan' 's Lebn.

Frehsing is, Ges wißt es ja,  
 B'nachst bei Landshut glegn,  
 'Moa' schier gar, daß dees bideut't:  
 „'S Land am bestn hüt'n Leut',  
 Die freh singa mögn.“

Wahr is's, der so daafi thuat,  
 Nix als loami brüt'n,  
 Der nimmt aa für's Vaterland  
 Gwiß nit gern a' Big in d' Hand,  
 Der werd's nit viel hüt'n.

Aber a' guater Landshuter,  
 Dees is gwiß a' jeder,  
 Der an' Sang liebt frisch und frei'  
 Der is in der Noth dabei,  
 Der zieht gern von' Leder.



D'rum so lang' die Name' no'  
Nachbarli' 'was geltn,  
Ja so lang' geht's allrei' g'recht,  
Wann aa oan' oft lustn möcht'  
Ueber d' Zeit'n z'scheln.

Aber thaatn die Nam' amal  
Nimmer anander kenna,  
Nacher, Bua, waar's freili' g'feit,  
Nacher, sag' i', durfts die Zeit  
Wohl a' schlechti nenna.

---

### A Gschichtl.

Es san amal drei Studentn,  
 'Rum g'roast in boarischn Wald,  
 Da is ehna 's Geld ausganga,  
 Dees gschicht an' Studentn bald,  
 Da habn s' studirt gar fleißi',  
 Wie kemma mir jeh zun an' Geld, —  
 Da wolln s' a Gamedi spiel'n,  
 Wie foani no' gwest auf der Welt.  
 Sie richtn si' her an' Tenna,  
 A Thürl hintn und vorn  
 Und schreibn an' großmächtiga Zetl,  
 Dees Stüchl hoast „Suach verlorn.“  
 Und mitten in Tenna als Fürhang  
 Da zieg s' a Blocha auf  
 Und mal'n von alli zwoa Seit'n  
 Den Name' Theater drauf,  
 Es kost't der Plaz grad an Groschn,  
 Der oa' der schreits überall 'rum,  
 Die andern an die zwoa Thürln  
 Empfangen das Pubelikum,  
 Und laßn von hintn und vor'n

Halt eini, was eini geh' kunt,  
 Der Fürhang in Mittl dazwisch'n  
 Is gwest, versteht si', herunt'.  
 A Groschn grad für a Comedi',  
 Da habn s' den Tenna bald voll  
 Und Alles thut andächti' wartn,  
 Was ebba da femma soll.  
 Es will si' aber nix rühr'n,  
 Was is denn da dra' Schuld?  
 Bald stampfa und klopf'a die Leutln  
 Und endli' reißt die Geduld.  
 Da hat amal oaner in Fürhang  
 An tüchtinga Zug auf tho',  
 Jetz schaug'n die hintern die vödern  
 Anander großmächti' o'!  
 Und is ja wohl gwest a Comedi',  
 A Gaudi hintn und vorn  
 Und nett dees verkündigti Stückl  
 Des ghoaßn hat „Suach verlorn.“ —  
 Natürli' die drei Student'n  
 San zeiti' mit'n Geldl davo'  
 Und habn sie 's derweil nit vertrunka,  
 So habn sie 's ebba no'.

## Der Jaga.

(Mit zwanz'g Jahr'.)

„Wann grad' i' aa was funnt' verzähl'n,  
 Was bsunders moan' i' vu' der Jagd,  
 So von an' Wolf, den i' derschößn  
 Und der mi' schier bein Krag'n packt,  
 Von Luchsfang oder von an' Bär'n,  
 Weg'n meiner von an' Murmithier,  
 Mir aber will gar nix passir'n,  
 Kaam bodt so a Has' zu mir;  
 Jetz' bin i' scho' drei Jahr a Jaga  
 Und no' koan' Wildschütz hon i' g'segn,  
 I woatz nit, wie's die andern macha,  
 Denn die' is alli 'both was g'shegn.“

(Mit fufz'g Jahr'.)

„Ja ja, den Wolf dent' i' mei' Lebta',  
 Er hat mi' schier bein Krag'n 'packt,  
 I' schieß ihm aufi dreizehn Post'n  
 Und moanst, i' hätt 'n mehr dafragt?  
 Als waar er halt mit Eiß'n bschlag'n,

So is er furt als wier a' Pfei',  
 Bei so an Thier, bal' 's recht verwildert,  
 Da nußt koa' Pulver und koa' Blei.  
 Und nett is's gwest so mit an' Bär'n,  
 I' kimm amal nach Steyermark,  
 Da geit's es gnua und selli Loder  
 San wie die Ochsen groß und stark.  
 I' hör' da von an Bärnjagn,  
 Natürli' bin i' glei' dabei,  
 'E is gwest in Winter und zun gspürn  
 Hat's gschniebn just den schönsten Neu.  
 Mir kimmt der Bär, — bi' nit verschrocka,  
 Roa bißl, laß 'n woltern her,  
 Und wie's ma taugt hat zun Schieß'n,  
 So schrei i' 'n o', da schaut der Bär, —  
 Bua nett auf's Blaßl hon i' 'n gschößn  
 In Kopf, i' ho' mei' Schußloch g'segn,  
 Der Bär stürzt abi in an Grabn  
 Und is a Weil da druntn g'legn,  
 Auf oamal is er wieder 'worn,  
 Und kratzt ihm wie a Hund in Kopf,  
 Kratzt d' Rugl 'raus, wer sollt dees glaabn  
 Und trabt davo' der brauni Tropf!  
 I' fo' die Rugl heunt no' zoagn,  
 Sicht wier a Bierazwanz'ger aus,  
 Ja Bua a Bär der hat an Schäd'l  
 Nit anders wie'r a gmauerts Haus.  
 Und wie mir ihm san nachi ganga,  
 Da hat's erst gebn no' an' G'spaß

Da treff' mer auf a Duzed Wildrer,  
Verstandn? von der irgsten Race,  
Was thua i'? 'fang glei' 'raus die größt'n  
Frei mit der Hand, a Stud' a drei',  
Bua dees damacht so leicht nit vana,  
Dees is nit grad a Gschpielerei!  
Die Jaga, no' i' denk's mei' Lebta,  
Die hab'n freili' gafft und g'schaugt,  
An jeder woagt, muß ihm's halt macha,  
Wie daß er's fo', und wie's ihm taugt."

---

Gel' sagst, was fo' ma' do' verleb'n  
In so an etli' dreißig Jahr', — —  
Ja 's Lüg'n fo' ma' prächtig lerna  
Verstehst mi, und a Jaga gar!

---

### Schuhengl.

Auf an' jds Kindl  
An' Engl giebt Acht,  
Sitzt an sein' Bettl  
Bal's schlaft bei der Nacht.

Wacht allwei fleißi,  
Laßt's nit aus 'n G'sicht,  
Daß halt den Kindl  
Koa' Unglück nit g'schicht.

Bal' 's Kindl größer werd,  
Frumm, brav und treu,  
Bleibt dersell Engl  
Sei' Lebta dabei.

### Guat Nacht.

Guat Nacht, sagt 's Diendl zu sein Buabn  
 Und ko' nit weiter geh',  
 Guat Nacht sagt er, hat's bei der Hand  
 Und bleibt halt aa no' steh',

Guat Nacht und nochamal guat Nacht, —  
 Da schaugn s' anander o'  
 Und sie sagt nix und er sagt nix  
 Und do' geht koans davo'.

Da kimmt der Mond gar herrli' 'rauf  
 Am Himmi, ah die Pracht,  
 Da habn s' no' a Viertljiund  
 Den schön'n Mond bitracht',

Da singt a Bögerl in an Busch,  
 Den luusn s' aa no' zua,  
 „Was muas dees für a Vogl sech',“  
 Fangt wieder o' der Bua.



Sagt sie: „den Vogl trau' i nit:  
 Der Vogl is nit g'recht,  
 Es schlafa alli Bögl scho',  
 Woah Gott, was der no' möcht'.“

„Was traußt denn du den Vogl nit,  
 Fragt weiter drauf der Bua,  
 Den Vogl geht sei' Schagerl o',  
 Sunst gaab er scho' an Ruh'.“

„Geh' dir fällt allzeit so 'was ei',“  
 Hat 's Diendl drüber g'lacht,  
 Und üb'r a Weil' da jagn s' anand'  
 Zum viertnmal guat Nacht.

Da fliegt a Fledermaus vorbei,  
 Da hat si' 's Diendl 'duckt,  
 Sagt er: dees werd' dees Bögerl sey',  
 Moanst, daß's di' ebba schluckt?

„Ja ja mei Muatter hat's oft g'sagt,  
 Auf d' Fledermäus' gib Acht,  
 Und bleib dahoam, bal's finster werd,  
 Drum jeh: a guati Nacht!“

So habn sie's no' a schöni Weil  
 Mit ihnern Abschied g'macht  
 Und san schier gar nit firti' worn  
 Vor lauter: guati Nacht. —

Die Lieb' hat halt an groöen Fleiß  
Und arbet Tag und Nacht,  
Und wann aa Alles schlafa thuat,  
Is sie no' auf der Wacht.

---

### Der Fürst Löwnstei'.

Dan' hon i' 'kennt, an' bravn Mo',  
 Triffst nimmer leicht an' sellan o',  
 Der hat wohl aus der altn Zeit  
 A' Schneid no' g'habt und Fürstli'keit.  
 Der hat nit denkt an ihm alloa,  
 Hat mögn für Andri aa' 'was thoa,  
 Und bal' er oan' hat helfa 'finnt,  
 So is's aa' g'schegn gern und g'schwind.  
 Dees is' foa' Zuckermaannl gwest,  
 Dees allwei' hocht in' warma Nest  
 Und 'rumflacht hinter die vier Wänd',  
 Damit 's ja d' Sunna nit verbrennt,  
 Der hat a' bißl anders tho',  
 In Krieg voro', in Fagn voro',  
 Und hat 'n just foan' Seufzer 'kost't,  
 Bal' 's Gsicht a bißl is' verrost't.  
 Dees is' gwest der Fürst Löwnstei',  
 Bal' der auf Boarischzell is' 'nei,  
 Auf Teger'see und 'nei' in's Kreut,  
 Da hat si', wer 'n kennt hat, g'freut.  
 Da habn s' gjurt „Heunt kimmt der Fürst!“

'Is dro' foa' Jaagabua verdürjt't,  
Und Alles hat 'n g'segn gern  
Und freundli' 'grüßt den guatn Herrn.  
Da is auf d' Gams na' g'arbet' worn,  
Aa' mancher Hirsch hat 's Lebn verlorn,  
Da hast no' g'segn a' Jaagerei,  
Daß oa's hat g'habt a' Freud dabei.  
Da hat foa' Treiber 's Steign g'acht',  
Hot er no' ebbes füra 'bracht,  
Der Fürst hat an an' jdn denkt  
Und Alls gern thoalt und gern verschenkt.  
Jez' is's vorbei, — kimmt Jagszeit,  
Der Fürst fahrt nimmer 'nei in's Kreut,  
Fahrt nimmer 'nei auf Tegernsee,  
Hört nimmer juchzn vo' der Höh'.  
Der Fürst is g'storbn, tröst' 'n Gott,  
O mei'! thaat ihm a' Fürbitt noth,  
Der Herr wur' nit verlassn jey',  
Gern schließt 'n j'ds in's Bettn ei'.

---

### Die Hochzet von Aßling.

In Aßling is Hochzet, da gehts durchanand,  
 Es draahn si' die Diendl'n mit Bliemin und Band',  
 Es springa die Buabn, daß der Tanzbodn fracht, —  
 Und drauß'n is's still, is a mondhelli Nacht.

Und a Kranzjungfer gar a jungi no'  
 Macht si' weg von Tanzn, schleicht si' staad davo',  
 Is ihr denn vielleicht was Unrechts gschegn,  
 Denn gar trauri' hon i s' gsegn.

In an Fenster loant s' und denkt,  
 Bin' ihm gwest so weni' werth?  
 Hat ma' do' a Ringel gschent,  
 Oft a Sträusl aa verehrt.  
 Jez an' andri nimmt er si',  
 Grad als wann i gstorbn waar,  
 Ganz vergeß'n hat er mi',  
 Ganz vergeß'n hat er mi', —

Und es werd' ihr 's Herz so schwaar.  
 Nimmt die Braut: „Ja Lene, was waar dees,  
 „Bist jez gar auf alli Buabn böös,  
 „Daß d' nit tanzn thuast, nit lusti bist,  
 „So' di' ja mei' Lebta' nit so g'wisst.“

Sagt die Lene: Woast, i rast' a weng,  
 'S is ma halt mei' seide's Mieder z'eng,  
 Bi' scho' lusti', — schau 'n Mond, wie hell er scheint,  
 Is a Nacht so schö', wie koani, heunt.  
 „Allemal, 's is ja mei' Hochzeitnacht,  
 „Gel' drum hat der Mond a selli Pracht,  
 „Paß' nur auf, er scheint dir aa scho' no',  
 „'Sich ja 's Ringl scho' in Finger dro'.“  
 O dees Ringl, sagt die Leene, nimm's für di',  
 Dees is so sei' Lebta nit für mi',  
 Du hast leicht a größer's Gfalln dro', —  
 Und sie steckt der Braut ihr Ringl o'. —  
 Und der Hochzeiter kimmt und a Landler fangt o',  
 Er führt mit an Fuchzer sei' Weiberl davo',  
 Es draahn si' die Diendln mit Bliemin und Band  
 Und Tanzn und Musi' rebelln durchanand.  
 Und 's Stündl hat gschlagt und d' Hochzeit is aus,  
 Mit Scherzn und Singa geht Alles nach Haus,  
 Und Alli hamm's traamt von der lustinga Nacht  
 Und habn in Schlafa no' tanzt und no' glacht,  
 Grad oani in Kammerl alloa, hon i gmoant,  
 Thuat nit wie die andern, grad d' Lene hat gwoant.

### Die Mühl'.

Mei' Vater sagt, da moanst ja do'  
 Der Teufi hot sei' Gschpiel,  
 Was stedst ma' denn jek' alli Tag'  
 Da drunt'n in der Mühl?!

Mei' Muatter sagt, des Klappern da,  
 Dees freut di' do' nit viel,  
 Bei'n Spinna magst loo Radl hör'n,  
 Und alleweil in der Mühl!

Mei Bruada sagt, in Summa ja,  
 Da is's da drinn schö' kühl,  
 In Winter aber woas i' nit,  
 Was thuast denn in der Mühl?

Mei' Schwester sagt, i' kenn' mi' aus,  
 I woas scho', was er will,  
 Es is halt's 'Bier bei'n Müller guat,  
 Drum sitzt er in der Mühl. —

Und i' sag' nix, foa Wörtl nit,  
I' bi' gar mäuslstill,  
Schau, wegn der schön'n Müllerinn  
Geh' i' so gern in d' Mühl.

---



## 's Liedl.

Es sitzt a Diendl auf der Laabn,  
 Sie is gar schö',  
 An' alter Kraxler kimmt und sieht s',  
 Da bleibt er steh'.

Du bist ja sei', so red't er 'nauf,  
 Wie d'Engeln schier,  
 'Wollt' für an' Himmi sorgn scho',  
 Gaangst grad mit mir.

Des Diendl sagt, da gehn i' drum  
 Meinoad koan' Schritt,  
 Den Himmi, den ma' du verspricht,  
 Den mag i' nit.

„A Bliemi aber lieber Schatz,  
 „Dees schenkst ma do',  
 „A Bliemi von dein Nieder schau,  
 „Dees gfallt ma so.“

„„Dees Bliemi hon i' von mein Buabn,  
 „„Dees laß' i' nit,  
 „„Und woll's ma was zun Gfalln thoa',  
 „„So gebt's an Fried.““

„So will i' grad a Liedl hör'n,  
 „A Lied von dir,  
 „Dees Ringl da von feinst'n Gold,  
 „Dees kriegst dafür.“

Und 's Diendl sagt, a Liedl ja,  
 „„Dees fällt mar ei',  
 „„Es is wohl schö', 's kunnt' aber leicht  
 „„No' schöner seh'.““

Da schugt der oa' sei' Ringl 'nauf  
 Vor lauter Freud',  
 Er denkt ihm, du werst do' no' mei',  
 'S braucht halt a Zeit.

Und 's Diendl singt: wie trauri' schaugt  
 A Krautkopf aus,  
 Der in a Ros'n si' verliebt,  
 Es is a Graus.

Und singt: was macht a Pudl do'  
 A gschpäßigs Gsicht,  
 Wann ihm an Ratzl auf an Baam  
 In d'Augn sticht.

„Hör' auf, wo hast dees Liedl her,  
I ho' scho' gnua!“ —  
„„A junger Jager hat mar's g'lernt,  
Dees is mei' Bua.““

---

### Wie schaugt der Tod aus?

Es hamm an 're Buach die Blaatln in Mai  
 Gar lusti' bischpert und g'lacht,  
 Da sagt der Aist wo's drauf gwest san  
 „Ges Blaatln nemmts enk in Aicht,  
 „Denn der Tod bal' enk mirkt na' seyds gschwind hi',“  
 „„Ja was? wie sicht denn der aus?““  
 „Pakts auf, er hat Flügl und schaugn a'm Kopf  
 „Zwoa Netha, wie Hörnln 'raus,  
 „Und hat viele Füß' mit Kralln dra'  
 „Und an' Harnisch schwarz um 'n Leib  
 „Und wann er daherkimmt surrt er und summt,  
 „Und der frißt enk zu'n Zeitvertreib.“ —  
 — Danebn in' Gras hamm aar oa' g'redt,  
 San etliche Maikäfer g'west,  
 Da sagt der oa' „Gebts Aicht auf 'n Tod,  
 „Daß der nit find't enker Nest,“  
 „„Ja, sagn die andern, wer is denn der,  
 „„Was schreckst uns, wie schaugt er denn aus?““  
 „Gui boshaft! dort steigt er mit Sporn an die Füß'  
 „Voller Federn, hochmüthi' um's Haus,  
 „Hat an' Schnabi wie Etoa', den haßt er enk ei'

„Und an' Rambu auf 'n Kopf wier a' Drach,  
 „Bals 'n sechts, nacha roasts, sunst sehd's verspielt.  
 „N' Gackern dees is sei' Sprach.“ —  
 — Und nacha bei'n Haus hamn Hennen g'redt,  
 Und a' Gockl führt 's grossi Wort,  
 „No' nit leichtfinni', sagt er, sunst kimmt der Tod  
 „Und na' giebt's Graus und Mord.“  
 Sagt a' fürtwigi's Hendl „den kenn' i' scho',  
 „„Er muaß a' Kramer seh'  
 „„Weil er überall der Boa'kramer hoast,  
 „„Paß schon auf, den gehn i' nit ei'.““  
 „Dumm's Ding, schreit der Gockl, a' Kramer, gehst,  
 „Ganz haari' und mit vier Füeß  
 „Und schleppt a' Ruathn nach ellnlang  
 „Und hat dir Zäh'n wie Spieß'!“ —  
 — Und wie dees gwest is host in Wald  
 A' Fuchs bei die Junga am Bau  
 Und sagt „vor Alln denkt's mer an 'Tod  
 „Und hütt's enk und acht's 'n g'nau,  
 „Er geht auf zwoa Füeß gar groß und lang  
 „Und graab und grea is sei' Rod  
 „Und tragt an an' Riema a' grausigs Ding,  
 „Es is an' eijerna Stock,  
 „Und deut' er mit den Stock auf oan',  
 „Na' dunnet's und g'wiß und wahr  
 „Na' schlägt enk der Bliß und wirft enk hi'  
 „Und 's Lebn is aus und gar.“ —  
 — Und um dieselb Zeit is a' Jaaga gestorbn,  
 Was hat 'n um's Lebn 'bracht?

U' Reiler hat 'n so wüthi' g'schlag'n  
Und hat ihm 'n Baraus g'macht. —  
— U' Käfer, a' Henna, a' Reiler, a' Fuchs  
Und a' Jaaga, wer woasß was no',  
Und in All' geht der Tod auf 'n Fång umanand  
Und ranfkt si' überall o',  
Jez' woasßt wier er ausschaugt, a so und a so:  
Es is halt amal a' Gebot,  
Wie oa's auf der Welt vo' den andern lebt,  
Js oa's aa' für's ander' der Tod.

---

### **S' Gebet.**

---

A gar kloans Diendl mit der Muatta  
Hat in der Kirch' in Sunnta' 'bet't  
Und is halt gwest so voller Andacht,  
Als wann s' es glei' recht nöthi' hätt';  
Dees hat der Muatta gar guat g'fall'n  
Und nach der Kircha sagt s' dazua:  
Du bist amol a recht a' frummi,  
Du hast scho' 'bet't in aller Fruh',  
Was hast jetzt' 'bet't, dees muaßt ma' sag'n,  
Du Schæperl du, so brav und nett,  
Und 's Maderl sagt auf ihra Frag'n:  
„Daß d' Kirch bald aus werd, hon i 'bet't.“

---

### Der Bua vo' Wimbach.

„In Wimbach hat's a rogl's Gwänd',  
 Bua dees vergiß fei' nit,  
 Und wag' bei'n Birschn nix umsunst  
 Und acht' auf jedn Schritt',  
 Und denk' fei' an die Nebi'n aa,  
 Die san gar gschwindi da,  
 Denn alles Jaagern hat an' End',  
 Fallst ebber amal a'." —  
 Der Förschter sagt's, der Bua der geht,  
 Ihm weiter is nit bang,  
 In Fürwiß denkt er, extra machst  
 Jekh' heunt an' scharpsn Gang.  
 Da steigt er über 's Zirbneck  
 'N hochs Watzmann zua,  
 Da is's an' diem wohl fürchti wild  
 Und dengercht wagt's der Bua.  
 Und wie er steigt, wo gar koa Baam,  
 Koa' Laatschn nimmer steht,  
 In lauter Felsn, lauter Gwänd',  
 Wo 's grausi aba geht,  
 Da zieht a weißer Nebi 'rei',



Von Hoch-Eis kimmt er 'rauf,  
 Biegt gschwindi 'rüber über d' Schneid  
 Und gegn 'n Wazmann 'nauf,  
 Und nit an' Vaterunser lang,  
 So sicht der Bua nix mehr  
 Und allewei' no' irger kimmt's  
 Und eisi' kalt daher.  
 Wo aus jeh' o du armer Bua  
 In so an' schlechtn Ort? —  
 Da denkt er wohl gar kümmerli'  
 An' Förstcher seiini Wort,  
 Denkt an sei' alti Muatter z' Haus,  
 O Gott, wie's gschegn kunt,  
 Der Nebi bleibt oft Wochelang,  
 Ra' liegst wohl todter drunt'.  
 Und finster werd's und d' Nacht bricht ei',  
 'E geht ihm durch Mark und Boa',  
 Wann's saust und raffit ober ihm,  
 (So thuat an' diem' a Stoa',  
 Der abafallt und der in Fall  
 No' andri mit ihm nimmt,  
 Da moanst ja do', so grausi' is's,  
 Der leidi' Teufi kimmt.) —  
 Und gwesn is's a' langi Nacht  
 Und werd koo' besserer Tag,  
 Da red't an' Engel ihm in's Herz:  
 Trau Gott und nit verzag! —  
 Da hat er 'bet't und nit für ihm,  
 Grad für sei' Muatter z' Haus,

Daß si' nit der Gram um's Lebn bringt,  
 Kaam er jußt nimmer 'naus,  
 Und schau, wie d' Noth am größtn gwest  
 Und er si' kaam mehr halt't,  
 Da rührt si' 's unter ihm und wachst  
 A Zirbn aus an' Spalt,  
 Und weiter abi wieder so,  
 Der Bua verwoaß si' nit,  
 Er packt die Zirbn und laßt si' ra'  
 Und glückli' gehts damit;  
 Und Zirbn stenga auf amal  
 Bis abi über d' Wand  
 Und geb'n ihm an' sichern Halt  
 Bei jed'n Schritt für d' Hand.  
 So steigt er furt, schier halber todt,  
 Da geht der Nebi aus  
 Und wieder sicht er frei in's Thal,  
 Sicht wieder 's Förschterhaus,  
 Nimmt zu der Muatter wieder hoam,  
 Dees hätt' er nimmer denkt, —  
 So hat ihm Gott für sei' Gebet  
 In Gnadn 's Lebn g'schenkt. —  
 — Koa' Zirbn is mehr gstandn dort,  
 Wie's hoater worn is,  
 Und grausi' schaugn wie voneh'  
 Die Stoa' und Felsnriß. —

### 'S adeligi Diendl.

Mei' Diendl hat gar viele Name',  
 Mei' Diendl muaf von Adl sey',  
 Sie hoast die lieb', die schö', die lusti'  
 Und Lene hoast f' und hoast die mei'.

Sie hat aa gar a fürnehm's Wappn,  
 A Rosn, die steht oben o'  
 Und drunter is a schneeweiß's Herzl,  
 Da hängt a silbers Kettl dro'.

Ihr Stamm is aa so guat wie oana  
 Und blüh'n thuat er, wie der Mai,  
 Alt is er nit, und i muaf sogn,  
 Dees find' i just so schö' dabei.

Und 's is mir aa foa' bisl z'wider,  
 Daß mar 'n nit übrall woaf und nennt,  
 Denn schau, es hat halt seini Sachan,  
 Wann so an Stamm a jeder kennt.



Und 's Wappn thuat a Löw' biwacha,  
Verstandn, und der Löw' bin i',  
Meinoad! i ließ's nit aus dees Diendl,  
Ja ehnder z'reißn ließ i mi'!

---

### Der Baam in Paradies.

Es steht a Baam in Paradies,  
 Der hat a raari Blüh',  
 'S geit auf der Welt viel' schöni Baam,  
 An sellan sicht ma' nie.

Es sitz'n viele Engerln 'rum,  
 Die gebn wohl drauf Acht,  
 Denn an den Baam, verstehst mir', wachst,  
 Was d' Menschen glüclli' macht,

Und wann's in Himmi dunkl werd  
 Und Feierabend is,  
 Geht unser Herrgott allemal  
 Durchs ganzi Paradies,

Und schaut ob Alls in Ordnung is  
 Und schaut den Baam aa o',  
 Und wann's 'n freut, so nacklt er  
 Und schüttlt a wen'g dro';

Da fall'n die Bliemin auf die Welt  
Mit Herrlichkeit und Pracht  
Und den a so a Bliemi trifft,  
Den hat er glückli' g'macht.

Der woas oft gar nit wie ihm g'schicht  
Und kennt si' gar nit aus,  
Die 'bratne' Taubn flieg'n ihm  
Bon selber in sei' Haus,

Und werd gar g'schwind a reicher Mo',  
Wie's halt an dieweiln is,  
Dees kimmt von sell'n Schüttln her,  
Bon Baam in Paradies.

Und weil dees G'schichtl nit derlogn,  
So hat ma' 's Sprüchl gmacht,  
Und hast es gtwiß gar oft scho' ghört:  
„Es kimmt 's Glück über Nacht.“

---

### Der Lanks (Lanz).

Suche! der Lanks is wieder kemma,  
 Bun Himmi singa d' Lercherln 'ra',  
 Der Muatter Gottes ihri Vögerln,  
 Die Schwalb'n aa' san wieder da.

Und auf die Berg is's schö' und aaba  
 Und wieder geht der Wasserfall,  
 Und Kerschn blüh'n und feini Bliemin,  
 Es is a Gartn überall.

O schöner Lanks, thaatsi no' grad bleibn  
 Und gangst so gschwindi' nit davo',  
 Raam aber kimmst, so gehst scho' wieder,  
 Ha sag', was habn f' dir ebba tho'?

Gei rupfa thien f' di', macha Sträußln,  
 Und Bliemin nimmt, wer grad oa' mag,  
 S' sag' dees ko'it halt du nit leidn  
 Und zürnst di' drüber alli Tag'.

Versteh' mi' recht, i nimm foa' Bliemi,  
I' laß dir s' gern, bleib' grad bei mir,  
Geh' bleib' bei mir a bißl länger,  
I' dank' dir tausendmal dafür.

---



### An die Dachauerinna.

Ent Madln und Weiber vo' Dachau  
 Soll freundli' mei' Liedl da lobn,  
 Schau weil Ent 'n Kopf no' foa' Modi,  
 Roa' Fremdthwarei hat verschobn.

Ges tragts Ent no' grad wie vor Zeitn,  
 A' Stolz is drinn, daß ma's soll segn,  
 So tragn si' d' Dachauerinna  
 Und daß se's nit anderster mögn.

Der Stolz is scho' g'recht und er g'fällt ma'  
 Und waar' nacha 's Gwendl wie's will  
 Und funnts aa' in Faltnen 'was sparn,  
 Desselbi bideut' ihm nit viel.

Sunst hat ma' wohl g'segn aar in Münche'  
 Die Niederln und Kieglhaubn gnua  
 Und is dir a' rosi' fein's Gsichtl  
 Wahrhafti' guat g'standn dazua.

Jez' aber gel' moana gar Bieli,  
Wann's genga französisch daher,  
Sie waar'n na' a' wolters Stuck besser  
Und tragn koo' Kieglhaubn mehr.

A' sellener Stolz bideut' weni',  
Glei' gar nign, muaß ma' da sogn,  
Und i' moa es werd selm der Napoleon  
Mit extre so viel danach fragn.

D'rum lob' i' enk Dachauerinna,  
Bleibt's treu enkern Stolz sammt der Tracht  
Und wann aa' an' diewe'n in Müncha  
A' Stuzer d'rum kritlt und lacht.

---

### Die Farb'.

Wie ma' verthoalt hat auf der Welt  
Die Farb'n 's erschtimal,  
Da hätt' der Fuchs a' greani mögn,  
Hat g'sagt, ihm waar gar viel dra' g'legn,

Denn Grea', dees thaat in Augnan wohl,  
Waar aa die Hoffnungsfarb,  
Er möcht' koan' Mensch'n zwider sey',  
Und Grea', dees waar halt so viel fei'.

Wegn meiner hat der Engl g'sagt,  
Der d' Farb'n hat verthoalt,  
Bals d' brav bist, sollst dees Gwandl tragn,  
Der Fuchs hat dankt, ja nit zun sag'n.

Jez' is er grea' gwest wier a' Laab  
Und hat so daasi tho',  
Als waar halt er die guati Stund,  
Als wann er nit siebni zähl'n kunnt.

Und stiehlt si' a' gar gschwind in's Holz  
 Und schleicht dahi' in Gras,  
 A' Hasl schaut 'n freundi' o',  
 Da hat er den ershn Schnapper tho',

Und nimmt's glei' mit, als hätt' er grad  
 A' wen'g a' Muckn g'fangt  
 Und frist's und klaubt ihm gschwindi d'rauf  
 Am Feld a' Hendl aa no' auf.

Dees greani Gwandl hat ihm taugt,  
 Weil er nit sichti gwest,  
 Beim Tag da hat er Gschäftn g'macht  
 Und prächt' gschlafa bei der Nacht.

'S is aber bald a' Mettn wern,  
 Wie daß der Fuchs so böi'  
 Und daß mar ihm no' hilft mi'n Gwand  
 Zun Stehln, dees waar ja do' a' Schand'.

Da hat's den Farbnengl g'reut  
 Und hat n' g'rufa glei'  
 Und streicht 'n unbarmherzi' o'  
 Brinnroth und jagt 'n so davo'.

Jetz' sicht mar 'n halt vo' weitn scho',  
 Drum hoßt er staad bei'n Tag,  
 Grad bei der Nacht da thuat's es no',  
 Daß er a' wen'g 'was stehln fo'.

— Waar's bei die Menschen aar a so!  
Da is's vergeßn worn,  
Da geht der Spitzbua Nacht und Tag  
In alli Farbn, wie'r er mag.

---

**Der rehti Mo'.**

Dem 's gleich is, is er, was d'er will,  
A Henna odr a Ho',  
Bua der bideut't ihm gar nit viel,  
Is nit der rehti Mo'.

Der aber schneidi' is, verstehst,  
Den foaner narr'n fo',  
Und der was is und is aa was,  
Dees is der rehti Mo'.

Der allzeit denkt, was soll i 's thoa',  
I' ho' ja nix davo',  
Der übrall nix als gwinna will,  
Is nit der rehti Mo'.

Der aber denkt, für guati Wert,  
Da schaug foan'n Kreuzer o'  
Und der an andern aa 'was gunt,  
Dees is der rehti Mo'.

Der Ioami' is, sei' Lebta' nie  
An Juchezer hat tho',  
Na Bua, a so an' armi Seel'  
Is nit der rehti Mo'.

Der aber lusti eini schaugt  
In d' Welt, der gfallt ma scho',  
Der juchezt, singt und rührt si' gern,  
Dees is der rehti Mo'.

Jetz' hast es ghört und mirk dir's halt,  
Was i' da 'predigt ho',  
I' moan's ja guat, moan's aar a so  
Und sey der rehti Mo'!

---

### Koa' Trost.

Es hat a Diendl viel g'scherzt und g'lacht  
 Is gwest so lusti und froh,  
 Und auf amal wie über Nacht  
 Thuat s' nimmermehr a so.

Ha Diendl, ha sag', was waar denn dees,  
 Ha sag' was is dir g'schegn,  
 Is ebba dei' schneeweiß's Ragl furt,  
 Dees d' gar so gern hast mögn.

Hat ebba der Wind dein' Nagerlstock  
 Von Fenster abi 'feit,  
 'E san gwest gar schöni Bliemin dra',  
 I' woaß's, die habn di' gfreut.

Hat ebber a böser Schauer gschlag'n,  
 Wie Rirter gweß'n is  
 Und habn d' Leut koa' Musi ghabt,  
 Gel' dees verdrießt di' g'wiß.



„„Koa Kahl, na, koa Nagerlstod,  
Koa Schauer ko' dafür,  
Mei' Bua, der is mer untreu worn,  
Mei' Bua der laßt vo' mir.““

Mei'! Diendl, was is's um an Buabn,  
Der dir sei' Lieb verkehrt,  
Schau oana, der koa' Treu nit hat,  
Der is scho' z'erst nit werth.

Um so an Buabn is koa Schad'.  
Hat aa' koan' Ehr in Leib,  
Und wann er di' lang gheureth hätt',  
'S waar grad zun Zeitvertreib.

„„O mei' Gott ja, Es habts wohl recht  
Und dengerscht, 'woaß nit wie,  
So is ma', daß i' sterb'n möcht',  
Den Buabn vergiß i' nie.““

Da hat dees Diendl bitter gwoant,  
Der Ander' aa' is still, —  
Es geit halt Sachan auf der Welt,  
Da nußt der Trost nit viel.

### Der Gambsjager.

Wo 's Edlweiß blüht in der Felsntwand,  
Da drobn bin i' gar wohl bekannt,  
Da drobn freut mi' mei' Lebn sei',  
I' moa', es kunnt' ninderscht schöner sey'.

Da drobn, da hast an' Fried' vor die Leut',  
Da is's ihna z'hoch, es is' ihna z' weit,  
Da drobn bist mit dein' Gott alloa',  
Da laßt si' All's leicht und fröhli thoa'.

Und mag oaner sagn, was er will,  
Werd's dort auf d' Nacht so einsam, so still,  
Und wann über d' Schraafn funkln die Stern,  
So bet' i' wahrhafti no' so gern.

Moanst wohl a Gambsjager waar so arm  
Und waar so verlaß'n, daß Gott d'erbarm',  
Es is' nit a so, schau denk' no' dro',  
Wie kaam er denn funst mitn Lebn davo'.

Wie gleimer bein Himmi, wie sicherer bist,  
Daß di' dei' Schutzpatron nit vergißt,  
Herunt' in Gewurl, da kunnt's leicht gschegn,  
Er thaat di' nit allemal richti' segn.

Und schau, der Teufi, sei' Lebta' nit dumm,  
Der thuat si' herunt' aa viel lieber um,  
Wo d' Mensch'n so Rudlweis beianand,  
Da fangt er ja leicht oan mit der Hand!

Da drobn, da thaats der Müh' nit o',  
Es kunnt' ihm aa gschegn, er fallet ro',  
Denn an' Jager den steht sei' Schutzengl bei,  
Der Teufi hat kooan', der fuglet glei'.

Drum bin i' gern drobn in meini Wänd',  
Wo der Gamsbock auf und nieder rennt,  
Wo d' Mantel'n pfeifa unter die Stoa',  
Bi' gern mit mein' Gott da drobn alloa'.

---

### Die Prob'.

I' ho' ma' denkt, balt d' heirathst  
 'Was bsunders suachst dir 'raus,  
 Und frag' an' fluagn Bettern,  
 Wie kennt ma' si' da aus.  
 Der Better sagt, „niz leichters,  
 „N Steg kennst bei der Mühl',  
 „Da genga in an' Sunnta'  
 „In d' Kircha Diendl'n viel,  
 „Dort thuast am Weg an' Spiegl  
 „Schö' mittn eini legn,  
 „Und muaßt di' guat verstecka,  
 „Damit s' di' sei' nit segn;  
 „Jetzt nacha nimmst halt oani,  
 „Die, wann s' den Spiegl find't  
 „Nit eini schaugt, verstehst mi',  
 „Dees is a' bsunders Kind.“ —  
 Der Rath, der hat mir gfaßn,  
 Und d'rauf in Sunnta' glei'  
 Leg' i' in Weg den Spiegl  
 Und richt' mi' hi' dabei.  
 Hab' nit lang wartn derfa,

So kimmt schon oani her,  
 A' groß's a sauber's Diendl,  
 Just wie's nach mein' Begehr.  
 Sie hat scho' gstuht von weit'n,  
 Wie s' da dees Spiegegl sicht  
 Und über dees Bertwundern  
 Macht s' gar a' liebli's Gsicht,  
 I' dud' mi' wie a' Hasl,  
 Mei' Spiegl funklt scho'  
 Und 's Herz dees hat ma' gschlagn, —  
 Jekh' bleibt dees Diendl steh'.  
 I' denkt' ma', schaug' nit eini!  
 Ja wohl' glei' hat s' es tho',  
 Da schrei' i': Her mein Spiegl!  
 Und fang' von vorn'n o'. —  
 Wahrhafti' ganzi Rudeln  
 San kemma nach anand'  
 Und alli gaffa s' eini  
 Ah Sappretwalt die Schand!  
 Und z'leht kimmt, möchst es glaabn,  
 A' Capaziner gar,  
 Und der schaugt aar in Spieg'l,  
 Da werst ja do' a' Narr'! —  
 Jekh' woaf i's, ebbes bsunders  
 Is raar, i' kenn' mi' aus,  
 'Muaf scho' 'was anders nehma,  
 Sunst werd glei' gar nix d'raus!

## 's Bild.

In alt'n Gschloß bei unsern Herrn  
 Hängt in an' Gang a Bild,  
 Da stehn' i' oft gar lang davor,  
 So freundli' is's und mild.

Es is a Maaderl mit an Huat  
 Und mit an' goldern Gwand,  
 A sammet's Bandl hat f' an' Hals  
 Und a Ros'n in der Hand.

Dees Bild is schier an' Alterthum,  
 Steht d' Jahrzahl aa' dabei,  
 Ja in an' Eck mit rother Farb'  
 Steht sechzehnhundert drei.

O mei' Gott, die is aa lang gstorbn,  
 Wer muß f' wohl gweßn sey'?  
 A Fräula halt, a Gräfin gwiß,  
 Wie kaam f' denn sunst da 'nei'.

Und drei' schaugt', jung und liebli' grad,  
So' nie so oani gsegn,  
Wen hat s' wohl gern g'habt ihrer Zeit,  
Was hat s' wohl für oan mögn? —

S' wollt glei', i' hätt' sellm g'lebt,  
Es waar ma nett oa Ding, —  
Geh' weiter du? was fällt dir ei'  
Du waarst ihr dengerst z'gring.

Warum? bi' ja a saubrer Bua,  
Wohl so a Madl werth,  
Mit jedi Gräfin nimmt an Graf,  
Dees hat ma oft scho' ghört. —

Jetz' schreibt mar achtzehnhundert vierzg,  
Is aa foa' Freud dabei, —  
Mir waars vor Alters lieber gwest  
Um jechzehnhundert drei.

---

### Die Irrwurz.

Der Bua kimmt spat zun Batern z' Haus,  
 Der gront, wo bleibst so lang?  
 Der Bua hat Schmalz gholt von der Alm  
 Und fluacht: „Der Teufsigang,  
 „I' waar scho' gwiß drei Stund dahoam,  
 „Hätt' i' mi' nit verirrt,  
 „Muß auf an' Irrwurz 'tretn sey',  
 „Die hat mi' so verführt.“  
 Der Schlanggl aber hat nit g'irrt,  
 Wie er da glog'n hat,  
 Bei'n Diendl, bei der Sennnderinn,  
 Da hat er si' verspat't.  
 „„Mei' mei! an' Irrwurz, sagt der Alt',  
 „„Dees machst ma' du nit für,  
 „„Wannst ebba gern hättst kemma mögn,  
 „„Du waarst nit ganga irr.““  
 „Was? sagt der Bua, Ges wißt's es nit,  
 „Daß's selli Wurzn geit,  
 „Da schaug' i' no'! dees wißn ja  
 „Bei uns schier alli Leut'!  
 „Fragts unser alti Niedl grad,  
 „Die hat mar 's oft verzählt,



„Die kennt si', sie sagt, sie habn a Farb',  
 „Wie dumperz Kupfergeld,  
 „Und wer auf so a Wurzn tritt,  
 „Der find't so leicht nit z' Haus,  
 „'S is grad, als wann ma' daamisch wur',  
 „Ma' kennt si' nimmer aus.“  
 „„So? jagt der Vater, da schau her,  
 „„Mir weiter is's nie gschegn,  
 „„A so a Wurz muaß seltsam seh',  
 „„I' möcht' do' oani segn;  
 „„Woast was, die Miedl muaß a so  
 „„An' etli' Wocha 'naus,  
 „„Muaß Laampi hütt'n, da gehst mit,  
 „„I' brauch' di' just nit z' Haus,  
 „„Da hast zun Lerna schö' der Weil,  
 „„Wie's mit die Wurzn is,  
 „„Die Miedl is gar guat und brav,  
 „„Die lernt dir Alles gtwiß,  
 „„Na' schaugts, daß's selli Wurzn find's,  
 „„Und bringts an etli' z' Haus,  
 „„Auf d' Alm derweil schick' i' mein' Knecht,  
 „„Der kennt si' besser aus.““ —  
 Da geht der Alt', böß schau't der Bua,  
 Und zieht 'n Fuas in d' Höh',  
 Jez', denkt er, bist auf d' Irrwurz 'tretn,  
 — Die Wurz thuat sakrisch weh.

### Die Teufelsmühl am Funtensee.

Es sitzt a Jager am Funtensee,  
 Der hat auf d' Mankein 'paßt,  
 Er schaut auf d' Röhren manchi Stund,  
 Wo ihm halt 's Mankei kemma kunnt.  
 Und wier er sitzt und schaut und denkt,  
 So rappit's über'n See,  
 Da drentn steht die Teufelsmühl,  
 Heunt malt der Teufi woltern viel.  
 Ha, was er ebba maln kunnt?  
 Er malt a stoaner's Mehl  
 Und bacht ihm goldeni' Thaler draus  
 Und giebt i' zun Locka fleißi' aus.  
 „Mei'! hat der Jager für ihm denkt,  
 Lockt er die Leut a so,  
 Na' bin i' freili' sicher schier,  
 Es kimmt ja nie a Gold zu mir.“  
 Und wier er's denkt, da glanzn d' Stoa',  
 Wo 's Mankei frisch hat gscharrt,  
 A goldner Thaler funkelt 'raus,  
 'n Jager überlaaft a Graus.  
 Es is a Thaler ja meinoad  
 Von feinstn gelbn Gold,  
 Ja wann er nit von Teufi waar,

Der Thaler war ja so viel raar.  
 Was fangt jetz' geh' der Jager o'?  
 'S is gwest a frummer Mo',  
 Er bet't und nimmt 'n Thaler mit,  
 An' Jaga stimmt koa' Teufi nit.  
 Er tragt 'n abi schau in's Thal  
 Auf Bertlsgadn zua,  
 Dort in der Kircha taucht er 'n sei'  
 In Weichbrunnkessel woltern ei'.  
 Gel'? dees verleidt koa' Satansgeld,  
 'S g'schpürts aa' der Thaler g'schwind,  
 Und is a' Stoa' wahrhafti' 'worn,  
 A' Stoa' wie s' san am Teufishorn.  
 Dees hat der Bösi nit versegn  
 Und werd fuchsteufiswilt,  
 Und hat ä so ghaust in seiner Mühl,  
 Weil er verlorn hat sei' G'schpiel,  
 Daß alli Fisch in Funtensee  
 Vor Schreck umgstandn san,  
 Drum geits dort, wie die Leut verzähln,  
 Koan' Saibling mehr und koa' Forelln.  
 Und weil 'n a Jaga so g'irgert hat,  
 Mag er koan' oanzign mehr,  
 Und von an Gold in die Manterlröhrn,  
 Werst seit den Thaler nix mehr hörn.  
 No', daß i' 's nit vergessn thua,  
 Derfelli Jagersmo'  
 Hat fröhli' g'lebt aa' ohni Gold,  
 Wie's halt der liebi Gott hat g'wollt.

### Der guati Kerl.

I' bin a' guater Kerl,  
 Wer giebt ma' was dafür?  
 's hat si' no' koaner g'rissn,  
 Da will koa Mensch 'was wissn,  
 Nit oana 'was vo' mir.

Da hoapt's, die guatn Mensch  
 San seltn auf der Welt,  
 Was nuht mi denn dees seltn,  
 Wer laßt mi' d'rum 'was geltn,  
 Wer giebt mer an' Kreuzer Geld?!

Es san halt d' Leut' so sündhaft,  
 Daaf i' nit dees Guati mögn,  
 Wegn meiner, 'bi' gwest a' Perl,  
 Jetz' wer' i' a böser Kerl,  
 Bal's gschegn is, is's g'shegn,

Na' werd's glei' anders pfeifa,  
 Bal' 's hoapt, du dem trau' nit,  
 Der thuat koan' ebbes gunna,  
 Der Mensch ist nit verspunna,  
 Da kimm fei' aus damit.

— 'S is aber do' nix g'wes'n,  
I' will Ent' sogn warum,  
Nix g'lernt hat's g'habt die Perl,  
Und für an' böf'n Kerl  
Verstandn, war er z'dumm.

---

### Scheibschützenlied.

Hui auf, hui auf wer schießn ko',  
 Der richt' ihm heunt sein' Stuzn o',  
 Es glanzn d' Scheibna lusti 'rei',  
 Es waahn die Fahna so viel fei',  
 Schlagts die Rugl 'nei'! hui auf!

A Schuß is grad an' Augnblick  
 Und rund is d' Rugl, rund is's Glück,  
 Drum habts die Augna hell und frisch  
 Und zappelts nit als wie die Fisch,  
 Sunstn trefft's 'n Wisch! hui auf!

Hui auf wann los der Pöller geht  
 Und prächt' die Maschin' aufsteht,  
 Der Zieler kaam sein' Augna traut  
 Und Alles laaft und fragt und schaut,  
 Bua da is so laut'! hui auf!

Und wann der Zieler springt und tanzt  
 Und 's Blei am gelbn Punkt'n glanz,  
 Da giebt's oan' bis in's Herz an' Riß,  
 Wer nit a Rudlwalger is,  
 Ja ja dees is gwiß! hui auf!

Es lebe hoch der Schützenstand  
Und kaam' der Feind in's Boarnland,  
I' woaf, er bleibet gwiß nit lang,  
Mir naahma 'n glei' als Ruglfang,  
Ja als Ruglfang! hui auf!

---

### Die guatn Ding'.

Alli guatn Ding' san drei,  
Des erscht: g'sund und frei,  
Des zwoati: a' brav's Wei'  
Und 's dritti: Geld wie Heu!

Na! vier san alli guatn Ding',  
An' Freund, den acht' nit g'ring,  
A' Wei' langt nit so weit,  
Nimmt ebber a' bösi Zeit.

Na! fünfi müß'n 's sey',  
Denn schaugst nit lusti' drei',  
Lebst dengerscht sammt die vier  
Als wie a' Murmithier.

Na! sechsi, denf' no' dro',  
Wie schauget mar di' o',  
Hättst gar foan' Buabn nit,  
Es waar aa' nix damit.



Na! siebni, wo der Bua  
G'hört 's Diendl aa dazua,  
A' Stubn voll Kinder glei',  
Sunst is foa' Freud dabei.

Na! achti — Laßt's mi' aus!  
I' sich's, i' kimm nit 'naus,  
Die guatn Ding san viel',  
Wer s' alli habn will.

---

### Der Bocktrinker.

„Um elfi trink' i' 's ersfti Glas,  
 Dees is die rechte Zeit,  
 So ghört se si' und anders nit  
 Bei sachverständigi Leut.  
 Um halbi zwölfi kimmt des zwoat'  
 Und is des ersfti guat,  
 So woaf a' jeder, daß des zwoat'  
 No' so viel wöhler thuat.  
 Um zwölfi nacha kimmt des dritt'  
 Des waar des b'eft' meinoad,  
 Dans aba thuat ma' weh dabei  
 Und is ma' allzeit load,  
 Ma' sollt' halt nach den drittn geh',  
 'S waar gnua für in der Fruh',  
 So gschwindi furt von dera Freud,  
 Was sagst jeh' da dazua?  
 „„Ja no! es fällt an' Apfi aa,  
 Schau wann er zeiti is  
 Und bleibet gern no' auf sein' Baam,  
 Es giebt ihm halt 'n Riß,  
 'Hat Alls sei' Zeit und Alls sei' End',

Dees weist der Apfi aus  
Und was dahier auf Erdn is  
Dees hat foa bleibe'ds Haus."" —  
„Jez schaugts ma' da den Obstler o',  
Daf i an' Apfi waar!  
Und stößt mi' aa der Bod, zun falln  
Bin i' no' lang nit schwaar,  
Mit deiner Predi' zieg di' du,  
Dir seit's in obern Stod,  
Mit deini dumma Aepfi'n da,  
Die ghörn nit zun Bod! —  
Ge einschenkt! —

---

### Der Nußhecher.

In Griechaland hon i' an' Nußhecher g'segn,  
 Wie hat mi' der Vogl gfreut  
 'S is a' guata boarischer Nußhecher gwest,  
 Nett wie er bei uns dahoam schreit.

Mit feini Flügl schö' blau und weiß  
 Vor meiner is er g'hupft,  
 O Nußhecher, hon' i' mir denkt, gieb Acht,  
 Daß di' foa Griech' d'errupft!

Er hat mi' nit 'dunkt gar bsunders wohlauf,  
 Ja no', dees glaab' i' 'scho',  
 Da drinn is's anders, wie heraus,  
 'Runnt' aa' verzähln davo'.

Da wachst foan Doachbaam wie bei uns  
 Frisch, wie 'n a' Hecher liebt,  
 D' Olinn, die trauringa Felberbaam,  
 Die macha oan 's Herz grad betrübt;

Da hat er foa' Wiesen mit Bliemin d'rauf,  
'E is' Alls zun Tod verbrennt,  
Und sieht er an' Vogl, so mirkt er's glei',  
Dass er dra' foan' Freund d'erkent.

Die griechisch'n Bögl, die mehrern san  
Vom Habicht- und Adlerschlecht,  
Bei selli Kammradn no ja, da kimmt  
A' boarischer Ruckhecher recht!

I' ho's ihm aa' gsagt: o Hecher mach',  
Dass d' wieder in's Boarn kimmt,  
Und i' kaaf' dir aa' gern no' an'. Ofa Hanf  
Schau wanns d' mi' aa' mit nimmst!

## Der Weber vo' Wallgau.

### 1.

Es locht der Teufi auf der Welt,  
 Er treibts bald so, bald so,  
 Und wer a'm rechtn Weg nit bleibt  
 Und wann er si' aa' nit verschreibt,  
 In's Unglück bringt er'n do'.

In Wallgau is a' Weber g'west,  
 Hat woltern 'was d'ermacht,  
 Is 's Schiffei g'flogn hi' und her,  
 Der Fadn g'sprunga kreuz und queer  
 Vo' Morgets bis in d' Nacht.

Da schaut amal bei'n Fenster 'rei'  
 A' wilber schwarzer G'sell,  
 „Den rechtn Fadn richtst nit o'  
 „Nimm Messingdrath, bist besser dro'  
 „Und Wildprat-Schlingen stell'.

„Was sollst di' plagn wier a' Narr,  
 „Was rackerst di' so 'zamm,  
 „Da drentn steig' in Grasberg 'nei'  
 „Und weber' dir brav Gambhn ei',  
 „Na' fo'jt es lusti' hamm.“

Hat's g'lagt und furtgwest is er aa', —  
 Der oa' laßt 's Schiffei falln,  
 „Es ist scho' wahr, dort in die Wänd'  
 „Da kunnt' was geh', daß's koana kennt,  
 „Und thaat si' d' Müh' scho' zahl'n.“

Und wo ma's in Delgrabn hoast,  
 Da steigt der Weber 'nei',  
 Dort is vo' Gambz a' guater Stand  
 Und wechsl'n durch a' hochi Wand,  
 Dort richt't er d' Schlingen fei'.

'S Wei' hat wohl sorgli' g'fragt „was geit's,  
 „Was hast dahoamt koan' Ruh?“  
 „„Sey staad, in Grasberg drent is Gold,  
 „„Dees suach' i' und wann's ebba wollt',  
 „„So hätt' ma' z'lebn gnua.““

„Du suachst koa' Gold in' Grasberg drent,  
 „Du hast 'was anders für“ —  
 „„So suach' i' Silber, ebba Blei,  
 „„Mit Alles z'wiss'n braucht a' Wei',  
 „„Daß no' mei' Suacha mir.“

A' Zeit'l drauf, spat in der Nacht,  
 Da kimmt der Weber z' Haus,  
 Rimmt von an' wildn Felsnloch  
 Und aus'n Rucksack schaugn hoch  
 Zwoa schwarzi Krickln 'raus.

„Kent o' an' Spo', schau was i' bring,  
 „Frisch Weibets freu di' mit!“  
 „„A' Gambs?! Ja Gottsnam, wildern gar,  
 „„I' bitt' di' sag' es is nit wahr,  
 „„Mir graust, no' dees thua nit!

„Docht thuar i's, 's is foa' dummer g'west,  
 „Der mar's verrathn hat —  
 „„Na, na, nit trau, du werst es segn,  
 „„Es werd dir gwiß an' Unglück g'schegn,  
 „„D bhüt' uns Gottes Gnad.““

Da hat's vor'n Fenster höhnisch g'lacht,  
 Und fahrn zamm die zwee',  
 „Was is's da?“ — schaut der Weber 'naus —  
 „Dees is der Wind, is Niem'd um's Haus  
 „„Als hell, der Mond scheint schö“.“

„„Na' Weber dees is nit der Wind,  
 „„Is ja a' stilli' Nacht,  
 „„Der bösi Feind geht frua und spat  
 „„Und laßt nit aus bis er di' hat,  
 „„Er is's der di' verlacht.““

„Dei' böser Feind, der scheert mi' nit —“  
 Und was ihm 's Wei' aa' sagt,  
 Der Weber schleicht in' Grasberg hi',  
 Hat nix als seine Gambs in' Ei'  
 Und allwei' mehra g'wagt.



Sei' Fanga tragt ihm hübsch a' Geld  
 Und aber nix d' erkletzt,  
 Hat's All's mit schlechti Leut vertho',  
 Desselbi richt't der Teufi scho',  
 Wann der dahintersteckt.

Wohl' dietwei'n, wann er d' Fihrt'n g'suacht,  
 Als hätt' er 'was verlorn  
 Und sicht die Almros'n steh'  
 Und Enzian und Raut'n 'schö',  
 So is ihm seltsam 'worn,

Hat' denkt an manches Hochzeitstuck  
 In dees er Bloamen g'webt,  
 Und wier er selm so redli' g'haust,  
 Und jeh' — und hat ihm nacha 'graußt  
 Daß er als Wildrer lebt.

Und wir an' diem a' Sunnastrahl  
 Durch's Gwölk a' Wegl find't,  
 So hat's 'n g'mahnt „thua wieder guat“  
 Und hat ihm woltern g'rieglt 's Bluat  
 Vontweg'n Weib und Kind.

Na' hat er aber wieder 'denkt  
 An seini schlechtn G'jelln  
 Und is ihm femma glei' der Zorn  
 Thaat's hoaf'n, er hätt d' Schneid' verlorn,  
 D'rum ließ er 's Schlinge'stelln.

Und allwei' wilder hat er g'sagt  
 „Jes' do' von' Teufi g'richt't  
 Wie daß i' fang' und Schlingen draah',  
 So werd er mer scho' helfen aa'  
 Wann just an' Unglück g'schicht.“

## 2.

Zwoa Jaaga sitzn auf der Wand,  
 Sie passn scho' drei Täg'  
 „Und schließt der Lump dees Gaangl 'nei',  
 „So muaß er aa' gwiß unser seh',  
 „Geht ninderfcht 'naus a' Weg.“

A'm Steig'l d'rinn, am höchstn Ort  
 Da steht a' Mehlbeerbaam,  
 A' Schlinga dortn abalangt  
 Da hat si' d'rinn a' Gamsbock g'fangt,  
 Vo' draußt d' ersicht ma's kaam.

Jez' steigt durch d' Laatschn oaner 'rauf,  
 Der Weber, birscht und schleicht,  
 Und wie'r er kimmt an selln Gang,  
 So bleibt er steh' und bsinnt si' lang,  
 Ha? fürcht' er ihm vielleicht?

Und eisfalt wäacht's von' Grabn 'rauf'  
 Und kimmt die Jaaga für  
 Als höretn s' „Geh 'nei, geh 'nei“  
 Und wieder nacha „Geh' nit 'nei“,  
 Hat ihna g'rußt schier.

Jez' steigt der Wildrer auf an' Stoa',  
 Da kon er weiter segn  
 Und sicht den Bock, na' geht er kack  
 In's Gaangl 'nei' zu'n schieche' Fleck —  
 Jez' is's um d' Freiheit g'schegn.

Denn d' Jaaga springa für an's Eck  
 Und schrei'n ihm „'raus da, 'raus  
 „Und gieb di' g'fanga, nußt di' nix,  
 „Sunst hilft dir aba no' a' Bir  
 „Und bläst dir 's Liachtl aus!“

Drauf hörn s' n fluacha drinn in' Grabn  
 Und zischt 'was, saust und klinget,  
 „Da schau, die groß' Wand packt er o',  
 „Hilft ihm der Teufel, bal' er's ko'  
 „Und wann er durch'i springt!“

Er springt nit durch'i, sichst 'n fliegen  
 Mit Stoa' und Staab häbaus,  
 A' Stroach, a' Bumpser z' tiefest d'runt,  
 O Weber, g'schlag'n hat dei' Stund, —  
 'Js nimmer kemma z' Haus,

Js kloa d' ersall'n d'runt'n g'leg'n  
 Schier hat mar'n nimmer kennt,  
 Weitum d' erspritzt die Stoa'ner roth —  
 Ma' hoapt's no' heunt bei'n Weber-Tod  
 A'm Platz, wo'r er verendt. —

So gehts wann oa's 'n Teufi traut  
Und allzeit gehts a so  
Und wer a'm rechtn Weg nit bleibt  
Und wann er si' aa' nit verschreibt,  
In's Unglück bringt er 'n do'.

---

### Die Wünsch'.

Es sitzn beinander beim Bier  
 Rammradn a Stuck' a vier,  
 Die habn von Wünschn g'redt  
 Und weller dees mehreri hätt'.  
 Der oa' sagt, dees wußt i' bald,  
 I' wünschet mir grad an' Wald,  
 Mit dem ma' z' Ralch brenna kunt  
 Den ganzn Wazmann von Grund.  
 Der ander' sagt, und i' a' G'schloß  
 So weitschichti und so groß,  
 Daß der Ralch vom Wazmann nit langt,  
 Bis ma' 's Dach zun baua anfangt:  
 Und der dritt' sagt, i' wollt' daß i' fund'  
 So viel Geld, daß' Enk abkaafa kunt  
 Den Wald und dees ganzi G'schloß  
 So weitschichti und so groß.  
 Und der viert' sagt, i' wünschet mir schier  
 Nix anders als no' a' Maß Bier. —  
 Da habn die andern glacht,  
 Daß der's a so dalket macht,  
 Und drüber a' fremder Herr,

Der winkt' der Kellnerinn her  
Und zahlt ihm no' zwoa Maß Bier,  
Dem viertn da vo' die vier,  
Die andern studirtn Füß'  
Mit ihneri Wunsch' friegn nix.

---

### Die Schwalbn.

Amal is gwest a' Vater,  
 Hübsch alt und aa' hübsch reich  
 Und der hat ghabt zwoa Buabn  
 Anander gar nit gleich.  
 Der oa' von denni Buabn  
 Is gwest vo' Herzen guat,  
 Der oa' dagegen a' falscher  
 Und von an' bösn Bluat.  
 Jez' is der Vater g'storbn  
 Und macht die Buabn aus,  
 Es soll a jeder kriegn  
 Von ihm a' bsunders Haus,  
 Und dem zum ersjn baua  
 Die Schwalbn unter 's Dach,  
 Der kriegt no' tausend Gul'n  
 Und no' a' Gaartl nach. —  
 Der guati Bua hat trauri,  
 Grad an sein' Vatern denkt,  
 Der ander' glei' begieri',  
 Wem 's Glück die Schwalbn schenkt.  
 Und wie die Schwalbn femma,

So hat er nix als g'schaut,  
 Ob koani an sei' Häusl  
 Dees liebi Nestl baut.  
 'S hat aber koani mögn,  
 Jetz fällt dem Schlanke ei',  
 U' Muattergottesbildl  
 Dees locket s' vielleicht 'rei';  
 Es g'hörn ja so die Schwalbn  
 Der Muatter Gottes zua,  
 „Die laß' i' mir' geh' maln“  
 Hat pfiffi denkt der Bua.  
 Und gschwind a Muatter Gottes  
 Wird gemalt, schö' roth und blau,  
 Mit Mond und Stern und Vulkan  
 An d' Wand hi' an sei' Bau.  
 Was moants, was is na' g'schegn?  
 'Sammt All' den is's nix g'west,  
 Beim Brudern aber drentn  
 Da haun's des schönsti Nest.  
 Wie kimmts? der hat foa Bildl  
 Zun Helfa bei der Hand — —  
 — Was Heilig's drinn im Herzen  
 Is besser als an der Wand!



### So iss bei'n uns in Boarnland.

Deutschn woll' ma' sehn', san's allwei' gwest,  
 Aber boarisch woll' mer aa bleibn  
 Und halt'n an unsern Rini fest,  
 Dees soll uns Niem'd vertreibn.

Frei woll' ma' sehn', und aber aa' treu,  
 Und lass'n uns d'rum nit scheltn,  
 Wo foa' Glaabn und Treu, is's a' Lumperei,  
 „A' Mann a' Wort“ muaß geltn.

Grad woll' ma' sehn' und redli' und frumm,  
 Dees Erbt'hoal woll' ma' d'erhalt'n  
 Und fehret si' aa' die ganz' Welt um,  
 In den Stuck laß' ma's bei'n Altn.

So is's bei'n uns in Boarnland  
 Und d'rüber woll' ma' wacha,  
 Und wem 's nit recht in sein' Verstand,  
 Dem woll' ma's scho' recht macha!



# Erinnerungen an Berchtesgaden.



Seinem Freunde und Jagdgefährten

dem Grafen

A r c o - B i n n e b e r g

zur

Erinnerung an froh verlebte Tage

gewidmet

vom Verfasser.



## Der Schuß.

Waidmann, lieber Waidmann, sag' mir an,  
Was ist weißer, dann der Schnee,  
Was ist grüner, dann der Klee,  
Schwärzer, dann der Rab',  
Und klüger, dann der Jägerknab'?  
Das will ich dir wohl sagen,  
Der Tag ist weißer, als der Schnee,  
Die Saat grüner, dann der Klee,  
Die Nacht schwärzer, als der Rab',  
Schöne Mägdelein klüger, dann der Jägerknab'.  
Alter Waidspruch.

Es re't a' Diendl zu sein' Buabn:  
„Geh' Bua, laß's sey',  
„Dees Wildern is a' g'fährlichs Ding  
„Und tragt nix ei'.

„Schau, wann a' Jaga di d'ertwischt,  
„Er schießt di' todt,  
„Was soll na' aus dein' Diendl wern,  
„Du lieber Gott!

„Es hat's bei' Muatter aa scho' gsagt,  
„Oft g'jammert scho',  
„Thua's do' der altn Muatta z'lieb,  
„Und laß' davo'."

Der Bua bittracht' sei' langi Flint',  
 Und sagt, a mei!  
 „„I' möcht' halt aar an dietwein, schau,  
 „„A' Jaga seh'.

„„Und wann i' aar a' Böcke i'schief',  
 „„Was schadt's denn viel,  
 „„I geh' ja so nit oft, meinoad,  
 „„'E is grad a' Gschpiel.

„„Und um die Jaga hab' loa' Sorg,  
 „„I' gieb schon Acht,  
 „„Und hat ma d'Gfahr deßwegn nie  
 „„An' Kummer g'macht.““

Da nußt halt nix, was 's Diendl sagt,  
 Der Bua mag nit,  
 Und schaut in's Holz dees nett bei'n Feld  
 Grad etli' Schritt.

Und springt na' 'nei', grüßt nomal z'ruck,  
 Und geht dabo',  
 Und wier aa 's Diendl trauri' schaut,  
 Er hats halt tho'.

'E is gwest am Ab'nd und justement  
 Geht d' Sunna ei',  
 Und hat gar schö' der Himml 'glantz  
 In roth'n Schei'.





Da will jetz' 's Diendl hoam von Feld,  
 Und was hat s' g'segn?  
 A' Jagabursch kimmt her 'n Weg,  
 Ihr grad entgegen.

Der Bursch geht heili' in dees Holz,  
 O weh mei' Bua', —  
 Der Jaga sicht, daß 's Diendl schö,  
 Und geht ihr zua.

„Grüß' Gott, was thuast denn du no' da,  
 „So ganz alloa?“  
 „„Ho g'recht in Heu, ees sechts es ja,  
 „„Was wer' i' thoa.““

„Laß sag'n, i' ho' di' in Verdacht,  
 „Daß d' wildern thuast,  
 „Und Wildrer muuß i' fanga, schau,  
 „Mit mir geh' muaßt.“

Sagt 's Diendl, ho' nie schießn g'lernt,  
 Wie? laß' mi' schaugn,  
 Ob i' a' Big d'ertragn kunt,  
 Und thaat ma' taugn.

Und nimmt ihm fed' 'n Stußn ra',  
 Der Bursch hat g'lacht,  
 Und sie hat tho', wie schwaar er waar,  
 Und Jagn g'macht.

Und wie se si' recht dalket stellt,  
Hat s' hoamli' g'spannt,  
Und schießt, daß 's Echo weit rebellt  
In ganzn Land.

„Du tausend!“ wirft sie's Gewehr am Bodn,  
Und rumpit weg,  
„Jetzt gaab i' scho' loan' Tropfa Blut  
Vor lauter Schreck.“

„Geht dees a so? „„Narr hast halt g'spannt,  
„„Was fangst denn o',  
„„Wie Sakra, da mit deinei Gschpäß,  
„„Wie hast denn tho'?““

„Woas selber nit,“ hat's Diendl g'lacht,  
Und hat ihm denkt,  
Heunt fangst 'n nit, Gott Lob und Dank,  
Heunt is's ihm g'schenkt.

Und wünscht 'n Jaga guati Nacht,  
Dertwei' der lad't, —  
Was d'Diendln oft für Muckn hamn,  
Wer's wohl d'errath't?!

---

### Die Hölzer.

Amal is in an' Gartnhaus,  
Was bsunders gschehn,  
Schau, 's Holzwerk drinn hat mitanand'  
'Was redn mögn.

Da sagt der Ahornstock am Tisch,  
Sagt zu der Thür',  
Wie kimmst ma' du, mei' leichtes Brett,  
So nothi' für.

Ma' macht di' auf und macht di' zua,  
Und na' is's aus,  
Mir bringe' i' fleißi alli Tag  
An' Bloamastrauß.

Und werd auf d'Nacht die Zither g'spielt,  
So braucht ma' mi',  
Und 'hamm's oft gsagt, i' gebet erscht  
Die Harmonie.

Und femma gar die junge' Herrn  
 Und fehrn ei',  
 Na' trink' i mit so manches Glas  
 Vom beßtn Wei'.

Da sagt die armi Bretter-Tann',  
 I' bi' mir gnua,  
 'Echaug' in zwoa Zimmer aufamal  
 Und luuf' da zua.

Da sagt a' Kafi'l in an' Eck  
 Vo' Bugbaamholz,  
 Mei'! prahlt's enf do' nit so, ees zwoa,  
 Thääts nit so stolz.

Schau, mir vertraut ma' 's Besti o',  
 Was 's ebba geit,  
 Was heb' i' nit an Silber auf  
 A' Herrlicheit!

D'rum muaß i' wohl fürnehmer sey  
 Und mehra werth,  
 Bugbaamesholz is so viel fei',  
 So's allwei' g'hört.

Jetz red't a' Trumm Machoniholz  
 Bon Stidrahm 'raus,  
 Und aber koo's versteht dees Gwelsch,  
 Koo's kennt si' aus.

Und wie s' so planschn, ruft an' Dach  
 Zum Fenster 'rei',  
 Geh', thääts nit dick, so lang's da drinn  
 Müßt's ei'gspirrt seh'.

Gottlob i' steh' in freier Luft,  
 Dees will i' lobn,  
 Und schaug' am Himmi, wie's mi' freut,  
 Die Sternei'n obn.

Und luag' in's Land, grad wie's ma' g'fällt,  
 Ro' schnausa frisch,  
 Und plagt mi' nie foa' Bürstn nit  
 Und Fledertwisch.

Und sich' 'n Bach sei' Lustbarkeit  
 Und freu' mi' dro',  
 Und schaugn mi' d' Bliemin von der Wief',  
 Vertrauli' o'.

Und lad' die Bögerln ei' zu mir  
 Auf's greani Dach,  
 Die singa mi', wann's Morgen werd,  
 Gar freundli' wach. —

Und wie s' es sagt, so fanga d'rauf  
 Die Bögl o',  
 Und singa, wie's im Frey'n alloa  
 A' Vogl ko'.

Da hat si' schau der Handl drinn  
Auf oamal 'draagt,  
Hat ebba do' der Dachbaam recht?  
'S san Alli staad!

---

### Der Doppiti.

Dees wollt' i', daß i' doppit waar,  
 Denn schau, a so alloa  
 Und oa'schid muaßt zu deiner Plag  
 Woaf Gott, was Alles thoa'.

Jeh' wann i' aber doppit waar,  
 So richtet si's gar schö',  
 Den andern ließ i' arbetn,  
 I' thaat spazirn geh'.

Den andern ließ i' bei der Jagd  
 'N guatn G'hilfn seh',  
 I' sezet mi' am Wechsl hi',  
 Der ander' treibet rei'.

Und wollt' i' zu mein' Diendl geh',  
 Und sollt' nit weg von Haus,  
 So müßt der ander' bleibn dahoam  
 Und i' gaang lusti' 'naus.

Und gebet's a' Berdrießlichkeit  
Und kunnt mir oaner o',  
Den andern ließ i' raaffa, schau,  
I' machet mi' dabo'.

Magst lacha, gel', was i' da sag',  
Und dengerscht geit's gar viel,  
Die hamm im Leb'n die mehra Wei'  
A' sellas Doppispiet.

Und etli' san wahrhafti' gar  
Dreifach und vierfach b'hezt,  
Da treibt der oa' nett, was 'n freut,  
Die andern wern g'hezt.

Bal' d' aber furt muaßt von der Welt,  
Da thuats es nimmer schö',  
Da nimmt di' oft der Tod alloa,  
Laßt all' die andern geh'.

---



### Die übergossn' Alm.

Bals d' auß steigt zum Blimbachthor,  
 Da sichts den ewign Schnee,  
 Wo dort jek' All's d'erfrorn, is sunst  
 Wohl gstandn schöner Klee  
 Und Woad für vieli hundert Rüh',  
 An' Alm, wie koani mehr,  
 Dees aber is vor Alters gwest  
 Und is scho' hübsch lang her.  
 Und selm, da hab'n Diendl'n g'haust  
 Auf dera Alm da drobn,  
 Die san wohl gwest gar schö' und reich,  
 Sunst weiter nit viel z' lobn.  
 Sie habn a' lusti's Leb'n g'führt,  
 Denn was die Alm' d'ertragn,  
 Wie Milch und Raaj' und Butter g'west,  
 Dees ko' ma' gar nit sagn;  
 Und weil's halt so d'ergebn hat,  
 San d' Diendl'n fürnehm worn  
 Und übermüthi', wie's halt geht,  
 Voll Hoffarth hint' und vorn',  
 Und hamn die Rüh' mit Glockna ziert

Vo' Silber, Narr, a' Pracht,  
 Und d' Stier' die Horn auf's schönst' vergold't,  
 Und jelli Sachan g'macht.  
 Und Wein vo' Salzburg Faßlweis  
 Hamm s' in die Keller g'habt,  
 Da hat an diem a' Jagabua  
 Sei' Noagl eini g'schnappt.  
 Statt aber, daß s' aa 'was d'kennt  
 Und bet't hätt'n früh und spat,  
 Hamm s' nie an unsern Herrgott 'denkt,  
 Nie d'ankt für so viel Gnad'.  
 Amal in ihnern Uebermuth  
 Hamm s' gar a' Straßn g'macht  
 Vo' lauter Butter über 'n Berg  
 Und hamm d'rauf tanzt und g'lacht,  
 Und daß der Teufi aa' was hätt',  
 Hamm s' gmoant, so soll er s' habn  
 Die Straßn, frist er s' über Nacht  
 Mit seini Brüderln zamm;  
 Dees habn s' g'jurt und g'ruafa laut  
 Hi' geg'n die Teufischhorn  
 Und g'schrie'n: du, luus' auf da drent  
 Mit deini lange' Ohrn.  
 Und hamm so furt tho', bis die Stern  
 Am Himmi scho' zun segn,  
 A' sellas Volk is kaam amal  
 Mehr auf 'ra 'n Alma g'legn.  
 O Uebermuth, du findst dei' End,  
 Du findst es oft gar g'schwind —

Um zwölfi Nachts an's Fenster stößt  
 Und pfeift a' scharfa Wind,  
 Und wie wann oana sterb'n thaat,  
 Hat's nacha draußtn tho',  
 A' schredli's Seufzn hat ma' g'hört  
 (An' dieweiln hört ma's no'),  
 Und d'rauf a' Sturm is 'rüber g'jaust  
 Von Funtntauern her,  
 So schiech, als waar's lebendi' worn  
 In groß'n stoanern Meer,  
 Als schlüg'n d' Felsn ananand  
 Wie Welln, graufi schwaar,  
 Als wann der Teufi mit der Höll'  
 Da aufi femma waar.  
 Und 'fracht und dunntert hat's, als wann  
 Der Wazmann stürzet ei',  
 Als kaam vom Himmi a' Lawin'  
 Und schlüg' in d' Alm 'nei'! —  
 O heilige Muatta, steh' uns bei,  
 O schauderhafti Nacht  
 Da hat wohl All's in Berg und Thal  
 Mit Angst und Ber'n g'wacht.  
 Und wie der Tag na' femma is,  
 Ro' so was Graufi's g'shegn?  
 Schau d' Alm' und d' Sennenderinne' d'rauf,  
 Roa' Mensch hat s' nimmer g'segn;  
 In Schnee und Eis san's g'west vergrabn  
 Mit Hütt'n, Ruh' und Kalbn,  
 D'rum haapt mar 's aa' no' heuntigs Tags

Die übergos'n' Alm.  
Und is die Alm a' Boacha, gel',  
Wie's geht mi'n Uebermuth  
Und wann ma' bl nd vor lauter Gluck  
Auf Gott vergeß'n thuat.

### Der Auerho'.

A'm Ho'salz muaf ma' fruh dra' sey',  
 He Bua, wach auf!  
 Schö' glanzn d' Sternei'n, d' Nacht is schö',  
 Hallo steh' auf!

Da richt't si' zamm der Jagabua,  
 Geht 'naus ins Holz,  
 An' Auerho' möcht' er schießn gern,  
 Den Vogel so stolz.

Er schleicht und luust, bal' da bal' dort,  
 'E is Alles still,  
 Es rührt si' nix, ob ebba der Ho'  
 Mit salzn will.

Horch, dat und dat, ha ha da bist,  
 I' hör' di' scho', —  
 Jetzt gieb wohl auf sei' Gsangl Acht,  
 Und spring' n' o'.

Da springt er, wie er 's Schleifa hört.  
 Da's, zwoa und drei,  
 Und lauft gar fleißi nach 'n Sprung  
 Und springt auf's Neu. —

Der Auerho' in seinem Sinn  
 Denkt an sein' Schatz,  
 Er hat zu seiner Lustbarkeit  
 Den schönstn Platz.

Er schnadlt schneidi', daß's a' Freud  
 Und schleift allboth,  
 Der Ho' meinoad is kreuzwohlauf,  
 Traamt vo' foan' Tod.

Wie d' Lieb so blind is, denkt der Bua,  
 Es is a' Graus,  
 Gel' d' Lieb! 's is g'schpaßi, und er denkt  
 An 's Lisei 'z Haus.

Für 's Lisei, moant er, bist du aa'  
 An' Auerho',  
 Da haltst gern aus und birschet di'  
 Leicht oaner o'.

No', wann d' 'n bringst den Vogel heunt,  
 Da werd s' wohl schaugn, —  
 Er freut si' in Gedanke' scho'  
 Auf ihri Augn.

Und drüber springt er, oa's und zwoa,  
Jetzt halt! 's is gnua,  
Der Ho' hört auf, was Sappretwalt,  
Was springst no' zua!

Da hat er weg'n an' Liefei z'viel  
A' Schrittl tho',  
Gel' d' Lieb! — es räuscht von Tanne'baam,  
Furt streicht der Ho'.

---

### 'S Ettaler Mannl.

'E Ettaler Mannl is schwaar und stark,  
 Hat in die Knocha a' stoaners Mark,  
 Kummert si' nit um Wetter und Wind,  
 Is a' wahrhafti's Felskind!

'E Ettaler Mannl schaut weit in's Land,  
 Hat zun schaugn an' prächtiga Stand,  
 Was 's denn da draußn d'erschau'n will,  
 Allewei' ernsthaft und allewei' still.

I' will's Ent sag'n, es schaut und sinnirt,  
 Was der Boar für a' Lebn führt,  
 Ob er no' brav, wie sunst, und guat,  
 Ob er's no' hat sei' tapfers Bluat,

Ob er no' tr.u sein' Herrn und Land,  
 D'rum schaut 's Mannl so umanand,  
 Und tur's anders, na' pfüt' di' Gott,  
 Nacha wohl kemmet a' groði Noth.



'E Ettaler Mannl, es steiget ra',  
 Werfet sein' graabn Mantl a',  
 Nacha wohl sechets, es is a' Rief',  
 Wie gar nie oana ghwesn is.

Und mit die stoanern Füß' und Arm'  
 Schlaget's und hauset, daß Gott d'erbarm,  
 Hauset gar böß in ganzn Land,  
 Bis 's wieder sauber vo' Schimpf und Schand.

'E Ettaler Mannl, no' steht's in Fried,  
 'E geht scho' no' richti', es seit si' nit,  
 Laßt's no' nit aus, sehd's brav und guat,  
 Daß si' dees Mannl nie rühr'n thuat.

**Dei' Hans.**

Dei' Leib und Seel', dees is dei' Haus,  
Wann di' nix d'rum kümmerst, na' gehst aus,  
Gehst aus und giebt na' Niema'd Acht  
Auf's Haus und Niema'd sorgt, was 's macht.  
Du ko'st a' zeitl draußtn bleib'n  
Und in der Fremd di' umatreib'n,  
Dees thuat's, bleibst aber z'lang davo',  
Fangt 's Haus, scho' schlechter z' wern o',  
Und schaugst glei' ebba gar nie nach,  
Na' rinnt dir s' Wasser 'nei' in's Dach,  
Und z'legt werd Alles so verderbn,  
Daß d' nit amal ruhi' drinn ko'st sterbn.

---

### Die Verdruß.

„„Was woanst denn, Maderl, ha, was is 's?“  
 — 'Sagt nix, woant bitterli —  
 „So sag's no', Narrl, was dir feit,  
 „So red', du 'dauerst mi'."

„„No', wanns es wissn wollts, jetz' schaugts,  
 „„Drei Rußn han i' ghabt,  
 „„Und schaug's halt o', und bi' damit  
 „„Dort an den Baam hi'tappt,

„„Und wier i' o'stöß', falln i' ma halt,  
 „„Die Rußn, selm in's Heu,  
 „„Und oani find' i' nimmermehr,  
 „„Die größt' von alli drei!“  
 — Und woant gar bitterli' dees Kind,  
 Daß's halt die driti Ruß nit find't. —

„Was Micheli, bist denn heunt so staad,  
 „Was hamm i' dir ebba tho',  
 „In Kirter muaß ma' lusti' seyh',  
 „Dees sicht ma' dir nit o'?"

„„Is wahr, da mögst ja wini wern,  
 „„Bal' d' Diendln gar so gschupft,  
 „„Mei' Basl hon i' just beim Tanz  
 „In Fürterbandl 'zupft,

„„Jez' is die o a' fuchsteufiswilt,  
 „„Mei' Wabn und macht a Gsicht,  
 „„Und schaukt mi' mit koan' Aug' mehr o',  
 „„Is's nit a' dummi G'schicht?!

„„Und morg'n muaß i' wiedr in Berg,  
 „„A' schöner Abschied dees,  
 „„I' woaß nit, wie dees Diendl jez'  
 „„Da drüber gar so böß.““  
 — Und schlägt in Tisch, der Mischei, 'nei;  
 Ganz fuchti': Kellnerinn schenk' ei'! —

„No' Hies', du schaukst ja böshast drei',  
 „Gehst ebba d' Bir nit hi'?"  
 „„D'errathn hast es, und nit aa',  
 „„'Woaß gar nit, wo i' bi'.

„„Jezt schieß' i' drei z'fuz nachanand',  
 „„Laß o' mi'n größtn Fleiß,  
 „„A' jeda sollt' a' Bierer sey',  
 „„Und alli drei san i' weiß.

„„Na' grath'n s' wieder, wier i's wünsch'  
„„Was sagst jeh da dazua,  
„„I' pad' glei' zamm, und zieg mi' gar,  
„„Denn Irger hon i' gnua.““  
— In lauter Brummin schauht der Mo'  
Gar kümmerli' sein Stußn o'. —

Was hat dees Erdnlehn do'  
So graufi viel Verdruß,  
Und bringt s' nix anders, bringt s' a so  
A' Ruß, a' Ruß, a' Schuß.

**Bi z'sriedn davontwegn.**

Mit vier Roß' wirf i' nit leicht um,  
I' ho' nit oa's,  
Mir geht nit leicht a' Kalbi krumm,  
I' ho' ja koa's.

Mir fällt koa' Haus sei' Lebta z'amm,  
Es g'hört koa's mei',  
Ho' koani Schaf, d'rum schlägt mir aa'  
Der Bliß nit drei'.

Mein Troad, dem thuat koa' Hagl nix,  
I' ho' koa' Feld,  
Berlier' nit leicht Dufatnsüchß,  
I' ho' koa' Geld.

Nix hon i', und do' leb' i halt  
Mit Gottes Gnad',  
Und 's Leb'n oft oan' nit besser g'fällt,  
Der ebees hat.

Viel Hahn, viel Sorg, es is scho' gwiß,  
Wie leicht ho's i'  
Grad daß mei' nix oft z'weni' is,  
Decs irgert mi'.

Und dengerscht, 's hat mir Gott ja gebn  
A' fröhli's Bluat,  
Und fragst, wie stehl's mit Leib und Lebn,  
'Sag' allzeit „guat!“

---

### Voglruf.

Es zwitschert der Fink seiner Fintinn zua,  
 Er zwitschert, kimm, kimm zu mir,  
 I' lern' dir a' Liedl, a' schön's, a' neu's  
 Kimm, kimm, dees sing' i' dir für.

Es bischpert der Spatz seiner Spähinn zua,  
 Bst, bst, wo aus denn so gschwind?  
 Rehr' ei' auf mein' Baam, da is's hoamli' und still,  
 Bist sicher vor'n Regn und Wind.

Es ruuft der Hecher der Hecherinn zua,  
 Gar raar, gar raar, lieber Schatz,  
 Is's da in die Rußn, schaug' eina, probir's,  
 Es is für uns alli zwoa Platz.

So mache's halt d' Bög'l, so ruafa s' anand,  
 So hörst es anander oft fragn,  
 Und gebn si' aa' Antwort und femma na' z'amm,  
 Und hab'n si' allerhand z'sagn.



Und weil's so viel lusti' um selleni Ruaf,  
Und weil i' mi' oft dro' g'freut,  
So hon i's halt naacheter ausstudirt,  
Und g'funda, was's ebba bideut't.

Und mach's jeh' mein' Diendl nett grad a so für,  
'S 'is freili' dees Ruafa 'was Alt's,  
I' ho's halt amal von die Bögl so g'lernt,  
Und schau — 'n Diendl, dem g'fallt's!

---

### Der Wildi.

Heunt bin i' fuchswild,  
Und so wollt' i' do' glei',  
Es schneibet vo' Sechser  
An' schuhdiefn Neu.

Und heunt waar's mir ea' Ding  
Und gaang Alles verdraacht,  
Und wann Bier statt 'n Wasser  
Im Bach rinna thaat.

Und i' hätt' nig dagegn  
In mein'n Irger und Zorn,  
Und waar i' statt an' G'hilfn  
A' Forstmoasta 'worn.

Und vor lauter Verdruß  
Thaat i' lacha dazua,  
Wann i' foan' Kreuzer mehr hätt',  
Aber Gul'n grad gnuu.

---

### Die Bitt'.

'Hat a' Bua gar schneidi' 'triebn  
 Bei 're kiniglichn Jagd,  
 Und da will halt z'ruck a' Keuler,  
 Und der Bua wiirt unverzagt,  
 Aber der, trotz all'n Schlagn,  
 Kennt 'n nieder in sein' Zorn,  
 Und dees Gschichtl nach 'n Jagn  
 Is der Kini inne' worn.  
 'Laßt in's Gschloß den Buabn bringa,  
 Wo d' Herrschaftn all' beinand,  
 Grü' und Gold hat ü'rall gfunkt,  
 Großi Spiegl an der Wand,  
 Und der Bua is flea' d'erschrocka';  
 'Sagt der kinigliche Herr:  
 „Bitt' dir a' Onad' aus, 's hat ma g'falln,  
 Daß d' so tapfer auf der Wehr;“  
 Und die Hofleut' bischpern: sag' 'was,  
 Und a' jeder winkt ihm zua,  
 No' was moants, daß d' Bitt is g'wesn?  
 „Außi möcht' i',“ sagt der Bua.

### Die Teufin.

Wie d' Teufin kemma san auf d' Welt,  
 Da hat mar s' leicht d'erkennt,  
 Als wildi zoget wischti Thier'  
 San s' umanander g'rennt.

Sie san gwest, wie jeh' d' Bärn san,  
 Die freßetn oan' scho',  
 Der aber, der an' Bärn sicht,  
 Laafft zeiti' gnua davo',

Ma' hat nit leicht oan' übersegn,  
 Und böß mit ihna g'haust,  
 Hat s' eingespirtt, 'prüglt, Lands vertwief'n,  
 'S hat ihna selber 'graußt.

Da hat der loadi' Lucifer  
 Gar bald sei' Glend gschpürt,  
 Und hat für seiñ Rinderln halt  
 Auf Sicherheit sinnirt.

Hat s' gwaand't, rassirt und zammapukt,  
 Und halt sei' mögli's tho',  
 Hat etli' gar no' 's Tanzn g'lernt  
 Der väterlichi Mo'.

Jeh' is's a bisl besser worn,  
 Sie ham schö' floatweis g'fischt,  
 Und hat mar s' nimmer gar so leicht,  
 Als wie voneh' d'ertwisch.

Und so san s' no', d'rum hoapts an diem,  
 Es gebet gar foa' mehr,  
 Natürli', genga sie ja oft  
 Wie d' Cavalier daher.

Ja freili' geits es, drum paß' auf  
 Und trau die fein'n nit z' viel,  
 A' Metzgerhund macht foani Gschpaß,  
 Schau, wann er beißn will,

A' Spizl aber mußt oft nit,  
 Bist ihm nit nachet gnua,  
 Versichst es aber just und traust,  
 Na' schnappt er und beißt zua.

Ja, wann s' vermascherirt ni: waar'n  
 Als Mensch schaarntweis,  
 Bua da gaang wieder a' Teufisjagd  
 Grad lusti auf a' Neu's!

**Nothi' is nit lusti'.**

Es thaat's leicht a' Joppn, bal' 's Tuach 'was nuß  
Und waar schö' graab,  
Was willst no' an' extra'n Krag'n, grea  
Wie buache's Laab.

Es waar leicht a' Hüatl für 's Wetter guat,  
Koa Bandl d'rauf,  
Was stedst denn a' Spielho'feder so gern  
Und a' Sträußl auf?

A' Gartn mit Gmüß', bal d' ebber oan' hast,  
Tragt der nit gua?  
Was ziegst denn no' gspredkti Ragerln drinn,  
Und Ros'n dazua?

Es sicht scho' so aus, als langet's nit recht,  
Was noth alloa',  
Als waar so e' nothi's sorgli's Leb'n  
Koa richtig's Thoa.

Wo kimmt denn dees her? geh 'naus in's Feld,  
In Wald und Flur,  
Da hast es du g'lernt, da hast es her,  
Von der lieb'n Natur.

Da sichts ja wohl manchn Vogl fliegn,  
Für gar nix guat,  
Als daß er a' Viedl auf an' Baam  
Schö' singe' thuat.

Da sichts viele Bliemin, 's braucht s' foa' Mensch,  
Sie blüh'n halt,  
Und unnutze Käfer sumsn drum 'rum,  
Wie's ihna g'fällt.

Da sichts ma' ja Farb'n ohni End,  
Warum so viel',  
I sag' weil's halt unser Herrgott a so  
Und nit anders will.

D'rum thääts aa' nit scheltn, bal' den oan'  
Nit Alles g'recht,  
Und bal' er zum Huat a' schöns Bändl aa'  
Und a' Sträußl möcht'.

'S waar freili' ganz anders, hätt' uns und d' Natur  
A' Knicker g'macht,  
Der sparet bei'n Tag mit n' Sunne'schei'  
Und mi'n Mond bei der Nacht.

Da gaab's kaam a' Frucht, als Kartoffin grad,  
Roan' Hopfa, Ioan' Wei',  
Da singet koa Vogl, dees kostet z' viel,  
Er will g'fütteret seh'.

Da schauget All's aus in oana Farb',  
Da' Farb' waar gnua,  
Da blühet koa' g'spreckter Nagerlstock,  
Koa' Ros'n dazua.

Na na! san ma' froh, daß's der liebi Gott  
So lusti' hat g'macht,  
Und daß er uns wohl ebbes Uebrig's schenkt  
Von seiner Pracht.

---



### An' Aufklärung.

„In Himmi, hoast's, is die größti Freud,  
 „Und dauert in alli Ewigkeit, —  
 „Wegn meiner, is recht, aber denf' i' halt dro',  
 „Daß i müast' vo' Weib und Rinder davo',  
 „Schaugt's, die so viel brav, und wie gern als i's ho',  
 „Herr Lehra, da kaam mi' die Freud' hart o'.“  
 „„Schau, sagt der Herr Lehra, du sischst halt nit weit,  
 „„Und hast koan' Bigriff von der Ewigkeit,  
 „„Du muaßt aber denka, daß dortn auf's Haar  
 „„A' Minutn dees is, was hier hundert Jahr!  
 „„Jetzt werd's dir wohl ei'geh', was d' da damit g'winnt,  
 „„Denn bis d' di' da drob'n a bisl bsinnst,  
 „„So san ja scho' 's Wei' und d' Rinder aa' da,  
 „„Und geht dir zu deiner Freud nig mehr o',  
 „„Und ebb'r a' Minutn alloa' dort steh',  
 „„Auf dees werds dir wohl nit zammageh',  
 „„Denn mit sammt deiner Lieb' hoast dengerscht herunt  
 „„Bei'n Wirth oft alloani' gar mancheni Stund.““

**Die Lieb'.**

Die Lieb' is a' Vogl,  
Der waar nach mein Sinn,  
Und mei' Diendl is der Käsi',  
Da flutschert er drinn.

Die Lieb' is a' Bliemi,  
In Hirscht is 's dahi',  
Herr vergelt's Gott, daß i' no'  
In Summa drinn bi'.

Die Lieb' is so fei',  
Wie a' Fleimuattar is,  
Bals d' viel tandlst damit,  
Kriegn d' Flügerln an' Riß.

Die Lieb' is a' Laab,  
Bals verwelkt, werd's verwaacht,  
Aber grea hebt's gar guat,  
Wann's aa der Wind a' wen'g draacht.

Die Lieb' is a' G'schicht',  
Und die geht gar nie aus,  
Und werd überall verzählt,  
Und is überall z' Haus.

Die Lieb' is a' G'schpiel,  
Da kannst g'winna gar viel  
Und no' mehra verlier'n,  
Ro'its dei' Lebta lang g'schpürn.

Die Lieb' is a' Ding,  
Achtn's viele gar g'ring  
Und an diem der und der  
Gaab's um All's nimmer her.

Die Lieb' is an' Uhr,  
Der s' nit kennt, muß d'rum frag'n,  
Und der s' kennt, woaß oft nit,  
Wieviel 's justement g'schlag'n.

Und is's, wie d'er will  
Und so woaß i' do' gwiß.  
Dafß die Lieb' just die schlechtest'  
Erfindung nit is.



'S iħö Lisei.



I.

Wie 's schö Lisei ihr'n Buabn mit an' G'schpiel gern  
zum Mo' kriegt hätt'.

Es is amal vor viele Jahr  
An' alter Förschter g'west,  
Der hat a' Tochter g'habt, so schö',  
Da kunnt nit leicht was d'rüber geh'.

Schö' Lisei aber is dabei  
Aa' g'west gar brav und guat,  
Und hat die Buabn woltern g'falln,  
Zwoa Jager aber gar vor all'n.

Die Jaga hamm als Gehilf'n g'wohnt  
Bei selln Förschter'smo',  
Und weil s' 'was 'kriegt hamm ihra Zeit,  
Hat jeder um dees Lisei g'freit,

Der oa', der hat 'n Batern taugt  
Weil er so schneidi' g'west,  
A' schwarzer G'sell, gar feck und wild,  
Hat 's Raaffa g'liebt und aa' gern g'schpielt.

Dersell, der hat si Döswald g'schriebe,  
 Und den hat sie nit wolln,  
 Den andern na', den sie gern g'segn,  
 Den hat der Vater nit viel mögn.

Dees is der bravi Stephi gwest,  
 A' gar a' saubrer Bua  
 Und frumm und frisch und lusti' gern  
 Und hat oan' gfreut, den singa hörn.

Und daß der Döswald mehr in' Brett  
 Bei'n Forstner gstandn is:  
 Er hat halt gschmeichelt vorn und hint',  
 Dees hat der Stephi gar nit kinnt. —

Der Forstner hätt's gern selber g'habt,  
 Daß 's Lisei naahm an' Mo',  
 Und hat 'n Döswald g'moant damit,  
 Sie hätt' gern um den andern 'bitt'.

„Schaugts, Vater, hat f' an diewein gsagt,  
 „Der Döswald, der is falsch,  
 „Am Stephi aber ko' ma' bau'n,  
 „Dem thaat i' Alles a'vertraun.

„Der Döswald spielt, und wißt es ja,  
 „Wie oft aa', daß er raafft,  
 „Von Stephi hat ma' nie was g'hört,  
 „Der is wohl brav und mehra werth.“



„„Mei', laß mi' mit dein' Stephi aus,““  
 „Hat na' der Alti brummt,  
 „„Von Jaagern red', wer mehrer is,  
 „„Da is's der oa', dees woaß i' gwiß.““

„Es lernt's der meini aa scho' no',  
 „Er geht ja fruh' und spat,  
 „Und auf der Scheibn, schau, denkt's no' dro',  
 „Da kann er leicht den andern o'.“

„„Ges Diendl'n habts scho' entri Kniff,  
 „„Und habts es, laßt's nit aus,  
 „„'n Oswald nimmt, und bsinn di' nit,  
 „„Mi'n Stephi, da werd's nix damit.““

So hamn s' oft g'redt; jekt is in Hauj'  
 Na' gwest an' alti Bas',  
 Die hat's d'erbarmt, wie hart der Mo',  
 Und sie nit woaß, wo aus, wo o'.

Da hat s' amal zun Lisei g'sagt,  
 Dees Ding muaß anders wern,  
 Mir fällt 'was ei'; dees müß' ma' wag'n,  
 Na' derfst dei Lebta nimmer klagn.

S' sag' dein' Vatern, weil's so is,  
 Und er und du vonand,  
 So soll er's bstimma mit an' Gschpiel  
 Die Heuret, wie's na' femma will.

In Sunnta, wer' i' zun ihm sagn,  
Da gehn ma fruh' in d' Kirch,  
Und der der erscht' kimmt nacha 'nei'  
Vo' die zwoa Buabn, der werd der dei'.

So soll er's b'stimma, und verstehst,  
Damit er gar nix mirkt,  
So sag' ma ehnder nix dazua  
Als vor der Kirch in Sunnta fruh'.

Boneh' mir's aber bringa für,  
Verstehst 'n Stephi fei',  
Daß der All's hört, sunst fällt ihm ei',  
Der zwoat', der kimmt, soll deiner seh'.

Und wann du thuast, als waa'r 's dir recht,  
Na' geht's halt vielleicht do',  
Es is a' kloani Mauflerei,  
Und g'wiß is da foa' Sünd' dabei. —

Sagt 's Lisei, no' in Gottes Nam',  
Denn schau, es geht ma für,  
Wann i' den wildn Oßwald nimm,  
Daß i' zu foana Freud mehr kimm.

---

## II.

**Wie der Vater auf dees Gschpiel ei'geht, aber sei' Willu  
an' bösn Hackn hat.**

In Sunnta fruh', nett vor der Kirch,  
Fangt halt d'Fraa Bas' so o'  
Und sagt, „heunt werd a Braut verkündt,  
„Die Wahn von Bauern an der Lind'.“

„N Hannes heuret f', den vo' Rieb',  
„An' gar an' bravn Bursch',  
„Ihr Vater hat a' groöi Freud', —  
„Die kriegt amal 'was ihrer Zeit.“

„„Is aa' a Freud, der Förschter sagt,  
„„Und kunnt's scho' lang d'erlebn,  
„„Wann 's Lisei nit so gar verdraacht  
„„Und allewei' so stritti thaat.““

Sagt 's Lisei, Vater, All's is recht,  
J' woaf, Ces moants es guat,  
Und dengerscht, laßt's mein' Buahn mir,  
Ehaugt's Vater, i' fo' nix dafür.

„„Ja, ja, dei' Bua, deefß woafß i' scho',  
 „„Is aber nit der mei',  
 „„Mi'n Züthernschlagn und mi'n Gsang,  
 „„Da macht ma' draußt in Holz foan' Fang.““

Jetz sagt die Bai' ha mei', wie waar's  
 Und macht's den Ding an' End,  
 Und red't, wie oan' halt ebbes b'stimmt,  
 Und wie's halt sey' will, daß's aa' fimmt.

Und red't gar viel und ruckt na' 'raus  
 Mit sell'n Kirchegang,  
 Und 's Lijei moant, waar's anders nit,  
 Waar f' ehnder da no' z'friedn damit.

Da luust der Förschter, wier a' Luchs,  
 Und sagt, Ges sehd's nit dumm,  
 „„'S is wahr, 'n Mensch'n is 'was bestimmt  
 „„Und fluag is 's, bal' er's glei' so nimmt;

„„I' bi' dabei, grad g'fällt mir nit  
 „„Dees Gschpiel auf selli Weis',  
 „„Ma' fo' ja anders aa' no' thoa',  
 „„I' wer Enk sagn, wier i' moa'.

„„Es is a Hirsch von achtzehn End'  
 „„Eho' lang da in Revier,  
 „„A' Zufall is's und braucht nit lüg'n,  
 „„Will oana just den Hirsch'n kriegn.

„„Zwoa Jahr' scho' hat er Alli g'stimmt,  
 „„Jez' jez' ma' 's Gschpiel da d'rauf,  
 „„Der vo' die zwoa den Hirsch d'erschießt,  
 „„Der hat di', wann's mi' aa' verdrießt!

„„So is's, und in a' Kloster gehst,  
 „„Bal' d' jez' nit z'fried'n bist,  
 „„I' will's die Buabn selber sag'n,  
 „„Na' soll si' halt dei' Stepfi plagn.“”

Da finft 's schö' Lisei auf a' Bank,  
 Der Alti geht davo',  
 O mei'! d' Fraa Bas' hat gwoant mit ihr,  
 Und gammert „da kon i' dafür!“

Und aa der Stepfi, der verstedt,  
 Rimmt füra, voller Schreck,  
 Und tröst't dees Diendl, selber bang,  
 Sei' Hoffa dauer' nimmer lang.

Und d'rauf die Bursch no' selbing' Tag  
 San außi auf den Hirsch,  
 I' bring' 'n 'hat der Oswald g'sagt,  
 Und hätt 'n alli Teufi 'pact'.

## III.

**Wie die Buabn 'n Hirsch nit kriegn und wie der  
Oswald zu der seltsame' Bix kemma is.**

Sellm in' Revier is gwest a' Wald,  
A' groöa, groöa Wald  
Und drinn der Hirsch bal' da, bal' dort,  
Hat nie lang g'halten in oan' Ort.

Die Bursch san auf die best'n Ploaz,  
Hamm g'äugt, g'spürt und birscht,  
Und hamm si' 'plagt wohl Tag und Nacht,  
Und schier a' Wocha so verbracht.

Der Stephi hat 'n gar nie g'segn,  
Der Oswald aber scho',  
Grad allwei' z'weit, und hät den Hirsch  
Nie kriegn kinna mit der Birsch.

Und endli' nacher is's grad gwen,  
Als waar er aus der Welt,  
Sie hamm foa' Schal'n mehr d'erspürt,  
Nix hat si' mehr von' Hirschn g'rührt.

Da is der Stephi trostlos hoam,  
 Voll Kummer und Verdruß,  
 Der Oswald aber denkt ihm bald,  
 Wie 's ebba gaang mit Teufisgwalt. —

Es hat dort g'lebt an' alter Mo',  
 Gar tief in dick'n Wald,  
 Mit dem is's nit recht richti' g'west,  
 Hat ghooßn, er waar kuglfeß.

'S hat niema'd nix gwißt, wo'r er z' Haus,  
 Und was er treibt und thuat,  
 A' Wildrer waar's, hamm d' Bauern g'sagt,  
 Der nix nach Gott und Heiligi fragt.

Und g'hoafn hat's, er hätt' a' Bir  
 Mit Teufiskünstn gmacht,  
 Die gaang no' g'nau auf taufe'd Schritt,  
 Und kunnt ma' da nit feihn damit.

Dees hat der Oswald öfter g'hört,  
 Und denkt, mit dera Bir,  
 Da waar der Hirsch vo' mir aus weit,  
 Da thaats es do', er waar nit g'feiht.

Zu den jeh' gehn i', denkt er ihm,  
 Und giebt er mir's nit gern,  
 So soll er sterbn auf 'n Fleck,  
 'Geh' ohni Bir nit von ihm weg.

Der Weg is wild gwest und scho' Nacht,  
 An diem grad hat er g'segn  
 Wo 's higeht, wann in's Dicket 'nei  
 Der Mond just gwerfa hat 'n Schei'.

Die schwarzn Tanne' und dees Gstripp,  
 Und raschled's Gras und Moos,  
 Es möcht' oan' grauf'n, da alloa',  
 Mit so an' sündhaft bö's'n Thoa'.

Jetzt geht a' schiecher Grabn her,  
 Mit Stoana, grob und tief,  
 Da steigt er abi bis am Grund,  
 Den Mo' sei' Hütt'n is da drunt'.

Er luust a' wen'g und nacha drauf  
 So klopf't er an der Thür',  
 Bis's drinna dumper außa schreit,  
 Wer Teufi klopf't um selli Zeit?

„I' bi' 's, der Jager Ostwald is's,  
 „I' moa', du kennst mi' scho',  
 „Thua auf, sunst schlag' i's ei' die Thür',  
 „Du kriegst no' Gschäft'n heunt mit mir.

„„Ho ho, moanst du, es is a so,““  
 Hat drinn der ander' g'redt,  
 „„Na' kimmst nit 'rei', und ertre nit,  
 „„Und gehst nit, schaff' i' schon an' Fried.““



„So thua no' auf, mir san ja Freund',“  
 Sagt d'rauf der Jagabua,  
 Und endl' knarret 's Thürl auf,  
 „„Was is 's jetz'?““ fragt der ander' d'rauf.

„A Feuer mach', 's is teuflisch kalt,  
 „Und setz' ma'r uns ei' d' Stubn,  
 „Warum i' kimm, i' sag' dir's glei',  
 „Und is der Handl bal' vorbei.“

Da gront der Alt' und schürt am Herd,  
 Und bloßt a' Feuer o',  
 Jetzt hat der Bua die Stubn bitracht',  
 Die hat ihm schier an' Schricka g'macht.

San an der Wand zwoa Todtnköpf'  
 Mit etli' Boana g'hängt,  
 Ganz schwarz vo' Rauch und nebn dra',  
 Da hat si' ebbes umatho';

A' grausli's Thier is frocha dort,  
 Und in an' andern Eck,  
 Da is 'was ghoßt mit stiri Augn,  
 Der Jaga thuat großmähti schaugn.

Und drüber fangt der Alte o',  
 „Was is 's jetzt, reb' amal,  
 „Denn gehst no' grad auf's Gaffa aus,  
 „Na' suach dir du an' anders Haus.“

D'rauf sagt der Döwäld, i' ho' ghört,  
 Gēs habts a' raari Bir,  
 Die schießt und trifft auf tause'd Schritt,  
 Da möcht' i' was probirn damit.

J' kaafs' Ent o', is 's wie d' er will,  
 Gēs müßts mir aber sagn,  
 Wann ebba Borthl san dabei,  
 Damit i's kenn' die Hegererei.

Da sagt der va', die Bir, verstehst,  
 Die waar mir just scho' foal.  
 Woaf's aber nit, ob du der Mo',  
 Der so a' Kunststuck zahl'n ko'.

„J' zahl's, und soderst tause'd Gul'n,  
 „„Laß segn allmol den Joig,“  
 „„Ja tause'd Guln waar nit z'viel,  
 „„Und dengerscht, wier i's haben will.““

So sagt der Alt' und langt a' Bir  
 Vom Nagl an der Wand,  
 Und a' kloa's Sackl aa dazua,  
 Und sagt, da waar's jetz', Jagabua.

A' schöner Damascener Lauf!  
 Und Joacha d'rauf vo' Gold,  
 A' Drach' mit Horn, a' Schlang von unt',  
 Und Schrift, die niemad lesn kunnt.

Und wie der Bua die Big bitracht't,  
 So sagt der oa', „verstehst,  
 Mit Teufi's Hilf hon i' die Big,  
 An' anders Machtwerk nußet nix.“

„Du ladst es, wie an' anderni,  
 „Dessell is' allwei' gleich,  
 „Und kannst es brauch'a frank und frei,  
 „Grad bei koan' Kreuz geh' nit vorbei!

„Dees bal' dir g'schicht, und führst die Big,  
 „Na' hast dei' Leb'n verspielt,“ —  
 Da lacht der Oswald: „„geht scho' zamm,  
 „„Mag mit die Kreuz nix g'schaffa hamn,

„„Die Big g'hört mei', und wegn 'n Geld,  
 „„Da richt' ma's schon amal,““ —  
 „Na, sagt der oa', so thää' ma nit,  
 „'S Geld her! sunst nimmst die Big nit mit.“

Da stößt der Oswald mit 'n Rohr  
 Den Alt'n über'n Herd,  
 Und reißt sein' G'nicker aus der Schoad,  
 Der Alt' a' Messer lang und broat.

Und wie zwoa Wölf san f' aufanand,  
 Und 's Bluat is' umag'iprißt,  
 Bal hi' bal' her hamn d' Messer 'blinkt,  
 Bis g'legt der Alt' am Bodn finkt.

Und wier er fällt, da hat's a' G'heul  
Von Bod'n aufa 'tho'  
Und g'sauft und g'stürmt zun Fenster 'rei',  
Und 'fracht, als brechet d' Hütt'n ei'.

Da is der Döswald voller Graus  
Mit seiner Big davo',  
Weit weg erscht hat er g'schnauft und g'sagt:  
Jez, Stephi, spar' dir du dei' Jagd!

---

## IV.

Wie 's schö' Eisei in d' Nußn ganga is und hat den  
groß'n Hirsch g'segn.

Der Stepfi hat kua' Müß' nit g'acht't,  
Bont wegn denselbn Hirsch,  
Und hat 'n aber gar nie g'segn,  
Hätt' wie d'er will, drum sucha mögn.

'S schö' Eisei hat viel Kummer g'habt  
Und hat oft bitter gwoant,  
Ihr Trost is gwest alloani der,  
Ma' g'schpüret nig von Hirschn mehr.

Sunst, wann's am Abend ganga is,  
Daß d' Ghilfn kemma san,  
Da hat se si' so sehnli' g'freut,  
'S is gwest ihr' allerliebstei Zeit.

Ihr Freund, der is ja kemma na',  
Ihr herzertrauter Bua,  
Da hat ihr auf der ganzn Welt  
Zu ihr'n Frieden nig mehr g'fehlt.

Da hat der Stephi d' Zithern g'holt  
 Und hat a' Tanzl g'spielt,  
 Hat Schnaderhüpf'ln gsunga drei',  
 Und sollts den oan' aa z'wider seh'.

Und jetz', wenn oana femma is  
 Auf d' Nacht, da werd ihr bang,  
 Hat allwei' z'erscht an 'n Oswald denkt,  
 Und das dem 's Glück 'n Hirschn g'schenkt.

Und is der Stephi 'ret in's Haus,  
 Der sunst so lusti' tho',  
 Und hat f' 'n nacha grüßt und g'fragt,  
 „Koa Glück,“ so hat er trauri' g'sagt. —

Jetz' hat der Alt' amal verlangt,  
 Sie soll in d' Rußn geh',  
 „D' Forstmoasterin hat dra' a' Freud',  
 „Geh 'naus und brock', bal's ebbes geit.“

Da geht 's schö' Lisei 'naus in Wald,  
 Hat dort an' Büchl g'wißt,  
 Wo Ruß wachsn, groß und viel,  
 A' Platz, gar hoamli' und gar still.

Mit ihr'n Körperl geht f' dahi',  
 'S is gwest in' Na'mittag,  
 A' schöner Abend, denkt f', werd heunt,  
 Weil d' Sunne gar so liebli' scheint.

Und wie s' den schön'n Abend denkt,  
 Da wern ihr d' Augn naß,  
 „Heunt zieht a' Hirsch wohl zeiti 'raus  
 „Wer woaß, was d' hörst, kimmst wieder z' Haus.“

Und enger wor'n is der Weg,  
 Da san die Staud'n gwest,  
 Da brockt s' halt Ruß a' Körbi voll,  
 Und thuat ihr d' Luft in Herz'n wohl.

Und wie s' so brockt, kimmt s' an an' Schlag,  
 Da singt a' kloana Fink,  
 Sitzt auf an' Stoc und singt gar schö'  
 Und luse'd bleibt dees Deendl steh'.

O mei' Gott, denkt s', waar i' wie du,  
 Runnt sey' so frisch und froh,  
 Und flieg'n, wie du, da sollt's mir taug'n,  
 Thaat g'wiß mein Buabn 'was d'erschagn.

Und wie s' es denkt, so fliegt der Fink,  
 Fliegt 'nüber über'n Schlag,  
 Und wie s' ihm nachschaugt, steht da drent, —  
 Der Hirsch! der Hirsch von achtzehn End'!

Sie hätt' koan' Tropfa Bluat mehr gebn,  
 Sie hot koan' Schnaufer tho',  
 Grad gschaugt und 'zittert hat s' alloa',  
 Und na', was macha jek' und thoa'?

Der Hirsch hat g'äst in hochs Gras,  
 Und seini großn Grweih'  
 Hamm über d' Stöck weit führa g'shaut,  
 Er hat sie umtho' ganz vertraut.

Da sinkt 's schö' Lisei staad auf d' Knie'  
 Und duckt si' bis an Bodn,  
 Und schließt, wies kaam a' Jaga to',  
 Und birscht si' von den Platz davo'.

„Jez hoam und glei' 'n Stephi g'sagt,  
 „Der muaß a so heunt z' Haus,  
 „Der Hirsch bleibt scho', ja ja er bleibt,  
 „Bis morgn grad no' wann er bleibt!“

Und staad und g'schwind is f' durch 'n Wald,  
 Und wie f' na' kimmt am Steig,  
 Da denkt f', wie mach' i's, daß ihm sag',  
 Wie er soll birschn in den Schlag.

Ma' sicht nit überall schö' 'nei', —  
 Da schneid' f' a' Hassstaubn,  
 Und macht a' Kreuz, da muaß er 'rei',  
 Da birscht er si' am bestn 'nei'. —

O wer dees Alles b'schreibn kunnt,  
 Wie's jez 'n Lisei gwest,  
 Was's auf 'n Hoamweg 'denkt und 'dicht,  
 Und 'bet't hat, daß foa' Unglück g'schicht.



Bal' hat ihr 's Herz vor Freudn g'lacht,  
Bal' werd ihr wieder bang,  
Und daß f' no' nig verrathn thaat,  
All's richti' gaang und fluag und staad.

„O mei' Gott, wann er 'n no' nit feit,  
„Hat f' denkt, no' deesmal nit,  
„Sie sag'n, wann oana hizi' thuat,  
„So schießt er leh, und trifft nit guat.

„Er werd ja deesmal glüclli' sey,  
„'S is ja nit um 'n Hirsch,  
„Es is um mi' und um mei' Lebn,  
„Der Himmi werd sein' Segn gebn!“

## V.

Wie 's schö' Eisei 'n Stepfi All's sagt und wie der'  
traamt hat.

Jetz kimmt 's schö' Eisei endli' hoam,  
Und wie der Stepfi kimmt,  
So sagt s' zu ihm, und winkt verstohln,  
Er soll ihr helfa Wasser holn.

Und draust am Brunna sagt s' ihm All's,  
Und b'schreibt ihm g'nau den Platz,  
In Sunnaschlag is's, hat s' ihm g'sagt,  
Ges habts in Winter dort scho' g'jagt.

Und daß er halt nit z'hizi is  
Und nit vergißt auf's Kreuz,  
Und bitt', o Stepfi, laß dir Zeit  
Und schaug's recht 'zamm und schieß nit z' weit.

Der Stepfi hört's und in sein' Kopf  
Is Alles durchanand,  
Der groöi Hirsch, die Freud' und Ehr,  
Und kaam sei' Hochzeittag daher,

Er hat schier g'juchzt um so viel Glück,  
 Und 's Diendl 'fußt und 'druckt,  
 Sie sagt ihm no', „verrath' fei' nix  
 Und richt' fei' fleißi' zamm dei' Bir“ —

Jetzt kimmt der Oswald nacher aa'  
 Und fluacht als wier a' Heid,  
 Und daß er halt bis auf die Stund'  
 Roa' Schal'n mehr d'erspür'n kunnt.

Da raunt der Förschter ihm in's Ohr,  
 „Wie is's in Klosterholz? ..  
 „Bei'n Kreuzweg steht a' floaners Mark,  
 „Da geht an diem der Wechsl stark.“

Da hat's 'n Oswald gebn 'n Riß,  
 Wier er von Kreuzweg hört,  
 'Sagt aber, 'bi' dort aa' scho' gwest,  
 Is nix in 'selln Psaffe'nest.

Der Stephi aber, statt 'n Red'n;  
 Hat auf der Zithern gschpielt,  
 Und hat dazua gar lusti' no'  
 A' Liedl g'sunga, ebba so:

„A' Jagabua bin i',  
 „Dahoam nit viel stolz,  
 „Aber draustn a' Kini  
 „In frisch-grün'n Holz.

„Da hon i' mei' Reich  
 „Und schaug's o', wann i' birsch',  
 „Und die Burger san d' Reech,  
 „Und die Grafn san d' Hirsch.

„Und die Bauern san d' Hasn',  
 „A' wolterni Gmoa',  
 „Und für's Gfindl san d' Füchs  
 „Der Soldat i' alloa'.

„Und Amsln und Finka  
 „Und Droßln dazua  
 „San d' Hofmusikantn,  
 „Die hon i' grad gnua.

„Und dent' i' an's Diendl,  
 „So bild' i' mir's ei',  
 „Und die is a' Prinzessin,  
 „Gar liebli' und fei'.

„Und bal' 's na' mei' Wei  
 „Und mei' Königin is,  
 „Nacha werd erscht mei' Reich  
 „No' a' ganz's Paradies.“

'Hat guati Weg' mi'n Paradies,  
 Hat d'rauf der Oßwald g'sagt,  
 Und fluacht im Still'n voller Born,  
 Daß's no' mit ihm nit richti' worn.

Und 's Lisei, dees hat 's Radl draacht,  
 Und g'spunna für ihm hi,  
 Und allwei' denkt an morgn fruha  
 Und wie's halt geh' werd ihr'n Bua,

Und wie s' na' schlafa ganga san  
 (Die Bursch san g'legn beinand),  
 So fragt der Döwald no' mit Spott,  
 Wo fñhrt di' morgn hi' dei' Gott?

„„Er werd mi', denk' i', fñhrrn scho',  
 Hat d'rauf der Stepfi g'sagt,  
 „„I' gieb mi' gern, so wier er's will,  
 „„Guat' Nacht““ — und jek is Alles still.

Bald schlafst der Stepfi fest und guat,  
 Der ander' aber nit,  
 Sei' Mordthat und sei' Teufisgwñhr,  
 Die ganz' G'schicht' kimmt ihm allbot für.

Und 's Unglück nacha no' dazua,  
 Und d' Eifersucht dabei,  
 Ost hat er g'schnauft in oana Wuth,  
 Und daß so guat der ander' ruht.

So is's halt worn um an' Dan's,  
 Da red't der Stepfi auf,  
 Und in sein' Traama hat er g'sagt,  
 „Da hätt' den Hirsch koa' Mensch d'erfragt.

„In Sunnaschlag, in Sunnaschlag,  
 „Jetz schau, da hast 'n g'segn,  
 „No' morgn fruh', ja gwiß, ja fruh" —  
 Und wieder schlaft der jungi Bua.

Da reißt der Oswald d' Augn auf,  
 „„A so, in Sunnaschlag?  
 „„Dees Wacha, dees der Teufi g'macht,  
 „„Is nit umsunt in dera Nacht.““

„„Dir kimm i' für, jetz', wie i's woaß,““  
 So hat er höhnisch denkt,  
 Und glei' studirt, wie gehst es o',  
 Und d' Big, ja deesmal taugt s' dir scho'.

Und no' vor Tag, da schleicht er furt,  
 „„I' brauch' so viel nit z'segn,  
 „„'N Hirsch grad bal' i' kenn' alloa',  
 „„Die Big werd scho' dees ander' thoa'.““

## VI.

**Wie die Birsch bei die zwoa Buabn ausganga, und  
was weiter g'shegu is.**

'S is gwest a' stilli schöni Nacht,  
Und hell hat gscheint der Mo',  
Da geht der wildi Jagabua  
Dem wohlbekannt'n Büchl zua.

Und wier er ani kimmt am Steig,  
Und zu die erstn Staudn,  
Da schallt a' Ruch, und er fahrt 'zamm,  
Dees hat er sunst nit mögn hamn.

Sunst hat er nie koan' Schricka kennt,  
Was is's denn deesmal gwest,  
Da hat er grää so für ihm g'lacht:  
Der Teufi hat die Ruch da g'macht.

Und wier er weiter geht 'n Weg,  
Da glantz im Mondschei' 'was,  
„U' Kreuz?! wie kimmt a' Kreuz da 'rei',  
„Dees fallet oan' in' Traam nit ei',

„Mei Lebta woaf i' da foa' Kreuz,  
 „Des is a' Teufisgspiel,  
 „'Soll mit der Bir da nit vorbei  
 „Soll z'ruck vontwegn der Karretei,

„Dees thua i' nit, und dengerscht, halt!  
 „Waar' ebba do' was dro'? —  
 „Brauch' nit den Weg da 'nauf in Schlag,  
 „Es werd so g'schwindi' no' nit Tag.“

Da kehrt er um in oan' Berdruß,  
 Muaf wieder woltern z'ruck,  
 Denn übrall, wo er auffi will,  
 Is's z' dick und Laab und Reiser z'viel.

So muaß er aba, auf a' Straß',  
 Die um den Büchl geht,  
 Wo' da geht no' a' Steig in Schlag,  
 Den nit a' jeder find'n mag.

Er laaft und schleunt si', was er fo',  
 Und wie si' d' Straß'n biegt,  
 Wo's aufi gaang, da hört er G'iang,  
 Da macha Leut an' Kirchgang.

A' Kreuz voro' begegnt ihm,  
 Da steht er, wie vo' Stoa',  
 „Is All's verschworn gegn mi',“  
 So knirscht er wild und fürchterli'.



„Und waar's mei' End, da muaß i' hi'  
 „Es bricht der Tag schon o',“  
 Da is er, d' Big fest in die Händ,  
 Am Kreuz vorbei verzweifit g'rennt,

Und 'nauf 'n Steig, und da is's gwen,  
 Als kaam ihm ebbes nach,  
 Als tur's auf oamal wieder Nacht,  
 Und in die Baam hat's g'rauscht und 'fracht,

Und bloochi Gesicht er g'segn,  
 Die ihm in d' Augn gschaugt,  
 Allbot an' anders, fürchterli',  
 Da rennt er blind, woaß nit wohi'.

Und wier er rennt und wier er leucht,  
 Da packt's 'n, wier a Sturm,  
 Und vor ihm thuat si' auf a' Klamm,  
 Da stürzt er voller Graus'n z'amm. — — —

Und drob'n über'n Sunnaschlag,  
 Da glantz a' glocknheller Tag,  
 Da funkt All's in Morgenschei',  
 Und d' Bögl singa lusti' drei'.

Und in den Schlag, so zeiti fruh',  
 Da kniet und bet't a' Jagabua,  
 Der Stephi is's und dankt 'n Herrn,

Der hoch regiert dort bei die Stern,  
 Froh dankt er für die Morgnbirsch,  
 Denn vor ihm liegt verend't der Hirsch.

Und wer 'was fennt von Jagerei,  
 Wer glüclli' gfreit hat um sei' Wei,  
 Und wer no' denkt sei' jungi Zeit,  
 Der dent' ihm jeh' den Buabn sei' Freud.

Und wier er na' zun Lisei kimmt,  
 'N Hirsch mit auf 'n Wagn nimmt,  
 Wie 's Lisei gjuchezt hat und tho',  
 Da roacht koo' B'schreiberei nit dro'!

O Lieb', du wunderkarli's Gschick,  
 O Lieb', wie feierst du dei' Glück,  
 Da geit's koo' Fesht, dees so oan' gleich,  
 Koo' Kaijer is dageg'n reich,

Es is, als kaam die Frühlingszeit  
 In's Herz mit ihra Herrli'keit,  
 Als kaam der Himmi selber 'nei'  
 Und wollt dahoam da drinna seh'!

Und weil der Alt' sei' Wort hat g'acht't,  
 Hat 's Lisei aa bald Hochzet gmacht,  
 Und hat na' friegt der Stephi gwiß,  
 Als wier er's g'junga, sei' Paradies. —

Wie's aber 'n Döwäld ganga no',  
Da sagt die Gschicht' nix mehr davo',  
I' dent' mir halt und bild' mir ei',  
Gar guat werd's ihm nit ganga sey'.

## Der Fuchs.

„Grüß' di' Gott Miede, wo gehst hi'?"

„„Haslnußbrocka hon i' in' Ei'""

„Miede, in' Wald so ganz alloa?

„Kunnt' dir ja leicht der Fuchs 'was thoa!"

„„Beißt mi' foa Fuchs, dees woas i' scho',

„„Jaget 'n glei' mit'n Schurz davo'.""

„Na Miede na, i' geh' mit dir,

„Gar schöni Nuß woas i' dahier."

Genga s' halt so in's Hölzl 'nei',

D'Sunna scheint grad verstohln 'rei',

D'Bögerln dir singa in' Gebüsch, —

'S Diendl is jung, der Bua is frisch! —

Brock gar fleißi' Nuß mitanand',

D'awischt der Bua 's Diendl oft bei der Hand,

Scherzt a so 'rum, „du Sakra-Bua,

„Geh laß' mi' aus und gieb an' Rua."

Brocka so furt die Nuß mitanand,

'S Diendl dees hat an' hart'n Stand,

Scherzt a so 'rum der Sakra-Bua,

Laßt halt nit aus und geit foan' Rua. —

Und wie s' vonander san auf d' Nacht,

'S Miedel a' traurig's Gesicht hat g'macht,  
'S Miedel is woane'd gar davo', —  
Hat ihm leicht do' der Fuchs 'was tho'!  
Ja so a' Fuchs, der is gar schlau,  
D' Diendl'n die wissn's nit so g'nau,  
Schleicht si' an dieweil'n oaner o',  
Jagn s' nit all' mē'n Schurz davo'.

---

### Der Sturm auf Belgrad. 1688.

Was's is um die Boarn, wann s' fechten in' Feld,  
 Dees hat aa' der Türk scho' d' ersegn,  
 'E san ebber a' hundert a' fünfaschß'g Jahr,  
 Da hat er's wohl innatwer'n mögn,  
 Bei Belgrad dort hat mar'n gar guat unterricht'  
 Und 'n Türkn hats gar nit g'falln die G'schicht'.

Selm is Max Emanuel gwest vorn dra'  
 Und der hat koan' G'schpäß nit verstandn,  
 Hat aa' nit viel umgschaugt, ob ebber der Feind  
 A' Braßl aufhebt od'r a' Brantn,  
 Und all' feini Boarn san gwest als wier er  
 Und wann a'ruckt der Löb, so muaß weiter der Bär.

Der Türk hat ihn freili' erschredli' verschantz  
 Und wier er 'n Churfürstn g'jegn,  
 Da hat er scho' z'weitest mit Eisn und Stoa'  
 Gar boshaft hi'g'schoßn dagegn,  
 Der Churfürst hat aber dergleichen nit 'tho',  
 Als gaang ihm dees gewaltigi Schießn 'was a'.

Und er hat sei' Armee glei' auf's Beste postirt  
 Und Schanzn und Festung umrunge  
 Und nacha mit sei' Karthauna schon aa'  
 'N Türkn a' Liedl fürgunga,  
 Da hat's dir wohl duntert und p'fissa gar böß  
 Und g'faust vo' die Rugln, a' graufi's Getöß.

Am fünftn September na', spat in der Nacht,  
 Nimmt der General Scharfe' berg g'ritt'n,  
 „Jez' Boarn, sehd's lusti', auf morgn werd g'stürmt,  
 „Deß Pulvern da hamn ma' gnua g'litt'n,  
 „Der Türk hätt' mit uns grad sein Zeitvertreib,  
 „Jez' gehts aber anders, jez' geh' mer ihm z'Leib.

„Der Churfürst, er laßt Ent schö' grüßn allsamm',  
 „Ges sollts no' an Mohacz sei' denka  
 „Und wies dort den Heidn habts g'fuchlt und g'jagt,  
 „So sollt's ihm's aa' morgn nit schenka, '  
 „A so hat Er gsagt“ und a' Zubi is gwest,  
 Wart' Türkl, mir klopf a di' morgn von' Rest.

Kreuz-Saabi! wie hamn alli Trummin' g'rebellt  
 Und g'pielt alli Stuck vo' die Schanzn  
 Und d'Trompeter drei' blasn und gjuhez't die Boarn  
 Als gaangs auf an' Rirta' zun Tanzn,  
 Grad gwimm't hat Alls und 'n Wall pack'n's a',  
 Da schaugts! Hurra hoch! dort der Churfürst voro'!

Der Churfürst voro! und sie brecha All's durch  
 Und renna in's wüthigsti Feuer,  
 Jetz' stürme's mit Loatern die Schanzn, jetz' gilt's,  
 Wart Türk und du zahlst es uns theuer,  
 Da stoct's aufamal und a' Grabn geht her,  
 Drei Klafter tief glei', und furt ko' koana mehr,

Denn hoch vo' der Mauer drent schießn i' grad drei',  
 Wer sollt' da an' Ei'gang d'erzwinga?  
 Da ruast jetz' der Churfürst: Mir nach, meinei Freund!  
 Und sie segn 'n in' Grabn' 'nei springa,  
 Der Churfürst voro! jetz' geht's wie d'er will  
 Und auf Leb'n und Tod, Alli wagn se 's Gschpiel.

A' Stadl is g'standn in' Grabn da d'runt  
 Und anibaut d'rent an der Mauer,  
 Von' Dach hat ma' mühsam a' Schartn d'erroacht,  
 Wo der Türk wier a' Luchs auf der Lauer,  
 Der Churfürst steigt a' und schneidi' Alls nach,  
 Da stürzn wohl Bieli d'erschossn von' Dach.

Aber d' Schütz'n in' Grabn hamm aa' auf'brennt,  
 Daß i' die drobn nit 's Schnaufa vergunna  
 Und d' Mauer werd g'stürmt und sie laßn nit aus  
 Und Victoria! Alles is g'wunna,  
 Ueberall geht's d'rauf 'nei und koa' Rettung is mehr  
 Und vo' Belgrad is g'weßt jetz' der Churfürst der Herr.



Fünftause'd Mann Türkn san g'fangt worn dabei,  
Wer woafß wieviel tause'd d'erschlag'n  
Und heuntigs Tags druntn no' in der Türkei  
Bon 'selbinga Sturm hört ma' sagn,  
Und ehrnhafft werd vo' die Boarn verzählt,  
Wie's bessri Soldatn foa' geit auf der Welt.

---

### Aus 'n Bauernkrieg vo' 1525.

In' Schwabn draußt in Württemberg  
 Da is amal vor Zeitu  
 Der Teufi in die Bauern g'fahn,  
 Dees waar'n so feini Freudn,  
 Und wie's halt geht na' bei die Leut'  
 Schau wann s' der schwarzi Gankerl reit',  
 Sie san vor Gift und Zorn  
 Schier wini worn.

Da hat si' a'ghebt wohl a' Strit,  
 N' Mordn nit zun fagn,  
 All' Guatsherrn und all' Obrigkeit,  
 Was's gwest is, hamm s' d'erschlag'n,  
 Sie hamm verschont nit Weib und Kind  
 Und 'tobt und gwüth' als waarn s' blind  
 Und übrall ohni End  
 Grad g'fengt und 'brennt.

Na' san s' aa' bis in's Boarn 'rei',  
 Auf Rothnbuach her kemma  
 Und habn gmoant, die Bauern da  
 Die wur'n 's nit übi nehma

Und hamm an' scharpfen Aufruf tho',  
 Sie solln si' sei' schließn a'  
 Und sollt' die ganzi Gmoa'  
 Halt aa' mit thoa.

Na hamm dieselbn Bauern gsagt,  
 Da wer'n ma' nit weit langa,  
 Es müßn unser mehra seh',  
 Sunst kinn' ma' nix a'fanga,  
 D'rum laßt's uns zu die Nachbern geh',  
 Na werd's was Gscheits und richt' si' schö'  
 Und kemm' ma' wieder zamm  
 A' Freud' werd's hamm.

Und d' Schwabn hamm g'sagt „Ja ja, ischt recht,  
 „So gaanget und lauset und sauset  
 „Und bringt nu' viel Ramrabi mit,  
 „Die wie der Satan rauset  
 „Und denni gfallt a' Feuerwerk  
 „Wann Schlösser brennet auf die Berg  
 „Und wann mer in der Gluath  
 „Din' braate' thuat.“

D'rauf san die Rothnbucher furt,  
 San etli' Tag verganga,  
 So kemma s' vieli hundert z'ruck  
 Mit Bign, Spieß und Stanga,

Und reitn frisch G'selln voro',  
 Da hamn die Schwabn J'chzer 'tho'  
 „D luaget, was für Leut'  
 „D Herrli'keit!“

Die Reiter sprenga 'nei in's Dorf  
 Mit hellauf blixe'di Saabi  
 Und hat ma's kennt, die pugn wohl  
 An' Kopf' wier an' Rohlrabi,  
 Jekh' haltn s' und der erschi vorn  
 Der schreit „Luusts auf, was ausg'macht worn  
 „Und wie der Handl steht  
 „Und wier er geht.

„Mir haufn guat mit unsri Herrn,  
 „Sie san scho' recht und richti'  
 „Und unser Herzog \* der is brav  
 „Und gern san mir ihm pflichti',  
 „D'rum hebt's Enk weg und roast's no' z' Haus,  
 „Sunst hau' mar Enk an' Teufi aus,  
 „Daß gwiß a' Friedn werd,  
 „Jekh' habt's es g'hört.“

Hui Sikra! hamn die Rauber gschaugt,  
 Die Red' hat ihna gar mit 'taugt,  
 San gschwind dahi' mit Schimpf und Schand,  
 San nimmer femma in's Boarnland.

\* Wilhelm IV.

### Die Zither.

Die Zither is a' Zauberinn,  
I' g'schpür's gar tief in' Herzen drinn,  
Denn wann aa' übrall Schnee und Eis,  
So macht s' mir do' 'n Frühling weiß.

Koa' Geign und koa' Braatschn nit  
Ko' si' vergleichen da damit  
Und is ma' nie bei Flaut' und Horn  
So wohl wie bei der Zither 'worn.

'Sagn freili' oa', dessell waar g'feit  
Und daß ma's höret nit so weit,  
Mir aber g'fällt dees just so guat,  
Daß s' so viel fei' und hoamli' thuat.

Mir kimmt s' wier a' liebs Diendl für,  
Wann die was sagt und red't zu mir,  
Dees Recht is's nit, was s' sagt so laut,  
Dees Lieber' is, was s' staad vertraut.

### Der Teufi in' Glaasl.

Die laar'n Glaasln rühr' nit o',  
 Die, lieber Freund, laß' steh',  
 Da woaß ma' nit', was drinna is,  
 Da kunnt's oan' nit guat geh'.

Denn schau, der Teufi hat amal  
 A' Summahäusl wolln,  
 Zu sein' Vergnügen nach die G'schäft,  
 So hätt's ihm diena soll'n;

Und hat ihm denkt, a' Glaasl waar  
 Schö' licht und g'recht dazua,  
 Und hat a' schöni Ei'gab g'macht  
 Und 'bitt' und g'jammert gnua.

Und daß er si' so plagn müßt'  
 Auf Erdn Tag und Nacht,  
 Und daß mar ihm so viel Verdruß  
 Und Gäng' so unnutz macht.

Und war sei' Bitt', saand er a' Glas,  
 Daß's ihm biwilligt werd,  
 Daß er drinn rast'n derfet, schau,  
 A' so hat er's bigehrt.

Nattürli' hat mar ihm scho' glei  
 Mit viel Vertraua g'ghenkt,  
 Und daß a' Schlanflerei dabei,  
 Dees hat ma' si' wohl denkt.

Do' hat er endli' außa 'bracht,  
 Daß, wann a' Glaasl laar,  
 So soll er's hab'n zum Quatier,  
 Bal' 's gar nit anders waar.

Er hat scho' g'lagt, ihm waar's oa' Ding,  
 Waar ebber ebbas drinn,  
 Denn er wollt' nit in Weg umgeh',  
 Dees waar nit nach sein' Sinn,

Und ließ si' d' Näßn aa' scho' g'falln,  
 Und hat's gar pfiffi' triebn,  
 Wein laar'n Glaasl aber is  
 Der Handl dengericht bliebn.

So hon i's g'hört, und hat mar 'n aa'  
 Drinn arretirt amal,  
 Bal's nit d'erlogn is die G'schicht,  
 Denn g'logn werd überall.

I' aber sag' halt, guat is guat,  
Und besser — besser, gel',  
Und er is scho' so gar verpicht  
Schau, auf an' armi Seel';

D'rum halt's mit volli Glaasln du  
Und laß die laarn steh,  
Ma' woaf ja nit, was drinna is,  
Und funnt oan' nit guat geh'.

---



### Der Voglfanger.

A' Voglfanger bin i',  
 Fang' Bögl groß und floa',  
 Und fang s' von alli Farbn,  
 San s' fürnehm oder gmoa',

Und wann i' aa viel hundert fang',  
 A' Taubn, schau, die i' verlang',  
 Die krieg' i' nit, und fang' i' nit,  
 Und mach' i's, wie d'er will, damit.

I' bi' sunst nit verspunna,  
 Und kenn' aa' d' Taub'n guat,  
 Und woaß s' aa' woltern z'stimma,  
 Und wie ma' s' locka thuat,

Grad mit der Taubn hon i' g'irrt,  
 I' ho' schon allerhand probirt,  
 Und gar nix thuat sei' Schuldigkeit,  
 Grad da is's allwei' g'feit.

Is aber aar a' Taub'n,  
'Was Raar's und ebbas Neu's,  
Sie hat a' feini Haubn  
Und is schneeriefertweiß,

Und hoamli' is f', geht auf an' Ram',  
Muaf aber b'hundri Raupn hamm,  
Denn ruaf i' aa' den Ram' zun ihr,  
Gar gern kimmt f' do' nit her zu mir.

Mir g'fällt mei' Häusl nimmer  
Und nimmer mei' Taubnschlag,  
Weil i' den liebn Vogl  
Halt gar nit kriegn mag, —

O Refei, hörst es, was i' will,  
Wie plag' i' mi' um di' so viel,  
Geh' und versteh' mi' und schlag' ei',  
Dei so'lln die schönstn Bögl sey'!

---

### Der Gang in's Hochreis.

Der Kini hat z' Bertlsgadn g'jagt,  
 Na' hat er d' Saagerei dort g'fragt,  
 Was jeder scho' b'junders g'schoßn hat,  
 Da kimmt mi'n Redn koana z' spat:  
 Der oa' — an' Gamsbock von achtz'g Pfund,  
 Der oa' — an' Luchs wie der größti' Hund,  
 Der oa' — an' Hirsch vo' achtzeh' End,  
 Wie kaam mehr oana umarennt,  
 Und halt so furt; na' steht dabei  
 A' junger Bursch aa' in der Reih,  
 Der is ganz roth wor'n, wiewer er 'n fragt,  
 „I' woasß nix b'junders“ hat er gs'agt,  
 Und hat ihm weh im Herzen 'tho',  
 Daß er gar nix kunt' gebn o'.  
 Drauf hat der Kini no' weiter g'redt,  
 Ob koana koan Adler d'erschößn hätt',  
 Da hats g'hoasßn: „Na! san nit guat kriegn  
 Und thuat oan gern der Schuß betrügn.“  
 So is dees gtwest und der jung' Bua  
 Hat seitdem nimmer g'habt an' Rua  
 Und denkt an gar nix anders mehr

Als an an' Adler, der muaf her,  
 Daß, thaat der Rini wieder fragn,  
 Er aa' was bsunders hätt' zun fagn. —  
 Drinn z' Bartlmä a' Wocha d'rauf  
 In's Hocheis dortn steigt er 'nauf,  
 Da in die Wänd' hint' voller Graus  
 Streicht gern an' Adler ei' und aus.  
 In' Hirbst is's gwest, scho' woltern spat,  
 Da is der Gang nit lusti' grad,  
 Und is schon aa' an diawein g'schegn,  
 Daß oana nimma femma mögn,  
 Der just ihm z' keck da eini gtwagt,  
 Wo Mancher scho' vo' weit'n jagt.  
 Was aber frägt der Bua da d'rum  
 Und gaang' selm gar der Teufi um  
 So waar' er 'nei, und waar's alloa'  
 Bontwegn denselln Verzähln z' thoa'. —  
 In's Hocheis geht a' schiecher Grabn  
 Z'nachst an der wilbn Hachlwand,  
 Mit G'röll und Löcher allerhand,  
 Vo' Schnee a' langer Stroaf-geht 'nauf,  
 Mit 'brocheni Stoablöck oben d'rauf,  
 Und in der Mitt' a' Schroffn steht,  
 Wo's übrall pfeilgrad abi geht,  
 Der Schroffn mit sein' naßn Gwänd',  
 Der hoast „die Kirch“, wer's ebba kennt,  
 Und wie der Bua fimmt hi' dagegn,  
 Da hat er an' Strick d'robn hänga segn.  
 A' Wildpret, dees si' 'nauf verstiegn,

Hamm d' Jaaga g'schoßn d' Woch' vorher,  
 Dees macht wohl Arbet und a' Gscheer,  
 Und vo' der Kirch' dort aus an' Loch  
 Muaf's o'gfoalt wer'n woltern hoch.  
 Runnt' ebba no' was sellas g'shegn,  
 Na' hamm i' den Strich dort lassn mögn. —  
 Selm steigt der Grabn schirfer o'  
 Und links, und rechts in Wazmo' dro'  
 Geh's auffi gaach, als waar' koan' End  
 Grab Mauern aufanand und Gwänd',  
 Und graufi' schaugn die Boivn 'rei,  
 Als thaats eahr wahrhaft z'wider seh',  
 Wanns' hörn tief drunt' an' Menschntritt,  
 Als wolltn i' wihr'n an jdn Schritt. —  
 Wo na' um d' Kirch muaf' 'rum der Bua,  
 Dort spirrt der Schnee 'n Grabn' zua,  
 A' Wildbach wühlt si' d'runter für,  
 A' hänge'ds Eisthor sichst vor dir,  
 D'raus rauscht a' Luft, möcht' friern an Stoa'  
 Und zittert oan' durch Mark und Boa'.  
 Da muapt d' jeh durch! Mach' Neu und Leid,  
 Denn bricht 's Thor, is's um's Leb'n g'feit. —  
 Da stukt der Bua und bleibt wohl steh',  
 „Es waar' scho' recht, da durcha geh',  
 „Dees Eis hängt aber g'fährli' schwaar  
 „Und sichst nit wo an' Ausgang waar',  
 „So tief und finster geht's da 'nei,  
 „Ob nit an' andra Weg kunnt seh'?  
 „— Na! 's thuats nit anders! — Geh' fehr' um,

„Leicht umesunzt steigt weiter 'rum  
 „Und kimmst aa' 'nauf, wer woaß wie's is,  
 „An' Adler is ja do' nit gtwiß —“  
 Da fällt ihm wieder der Kint ei',  
 Der kimmt dees nachst' Jahr wieder 'rei,  
 Wird wieder um an' Adler fragn,  
 Wie waar's na' schö', kunntst du was sagn.  
 Wer nig will wagn, aa' nig gwinnt,  
 Und nimmer lang der Bua ihm b'finnt,  
 A' Jaagabluat muaß schneidi' sey' —  
 Und unter 's Eisg'wölb steigt er 'nei'. —

Was thuaßt nit, bal' d' jung bist,  
 Was fangst nit All's o'  
 Und hänget oft selber  
 'S ganz' Leben aa' dro'.  
 Um an' Wink von an' Diendl,  
 Um a' Wort wegn der Ehr',  
 Den lehtn Bluatstropfa  
 Gleit gebet mar 'n her,  
 Und bsunders a' Jaaga, —  
 Und kemmat a' Zeit,  
 Wo's nimmer so waar',  
 Pfüt' di' Gott, na' war's g'feit,  
 Na' wur' wohl a' Trübsal,  
 Daß's gar nit zun b'schreibn  
 Und d' Welt scho' so loami',  
 Daß nimmer zun bleibn.

Für deesmal is 'n Buabn nir g'schegn,  
 Er hat 'n Tag bal' wieder g'segn  
 Und wier er 'rauskimmt untern Eis,  
 Da hat ihm 'taugt sei' Schneid und Fleiß,  
 Wann drob'n aa' d' Welt mit Stoa' verkeit,  
 Der liechti Himmi hat 'n gfreut,  
 Dees liebi Blau, der Sunnaschei',  
 Die machn aar a' Wildnuß sei'.  
 Er kent' ihm froh a' Pfeiferl o'  
 Und richt't si', daß er's segn ko',  
 Wann just von' hocha Wazmo' her  
 An' Adler 'reikaam nach der queer,  
 Denn dees g'schicht 's Tags oft etlimal;  
 Na' streiche's ringsum hi' am Gwänd,  
 Desselbi hat der Bua scho' kennt. —  
 A Junga hat bein Jagn Glück,  
 Raam hoßt er selm an' Augnblick,  
 So sicht er auf der entern Seit'  
 In aller Pracht und Herrli'keit  
 An' Adler! schau in' schönsten Zug,  
 Rührt d' Flügl kaam in' stolzn Flug  
 Und wiegt und biegt vo' Wand zu Wand,  
 Der Bua schier zittert auf sein' Stand,  
 Und duckt si' gleim hi' an an' Stoa, —  
 O treffet er 'n, o möchts es thoa!  
 Und wie der Adler näher kimmt  
 Und wier er d' Big zum Schießn nimmt,  
 Da klopf ihm 's Herz, — jek' nimm di' zamm',  
 Jek' waar's nit z'weit, jek' ko'st 'n hamm,

Da schnallt's! und laut der Wiederhall  
 Na' tost' dahi' in Berg und Thal.  
 Was is's? auweh, er streicht davo',  
 Grad so an' Taucha hat er 'tho',  
 Dort streicht er abi über's Eck  
 Drunt' bei der Kirch', jeh' is er weg.  
 O arma Bua! 'schaugt allwei' no',  
 Der Adler is scho' lang davo'. —  
 Da werd er aufg'weckt aufamal,  
 An' Schlag thuats in der Hachlwand,  
 Als sprengets drobn an' Berg vonand,  
 Und zhöchst kimmt aus an' Spaltn 'raus  
 A' Felsintrumm als wier a' Haus  
 Und aba dunnerets, kracht und bricht  
 Und reißt All's mit in grauf'n Gwicht  
 Und wirft die größtn Stoablöck 'rei'  
 Und Wolkn Staab na' hintndrei',  
 Daß weit koa' Wand gar nimmer z' segn,  
 Als waar der Nebi d'rüber g'legn.  
 Der Bua springt auf, denn grad is's gwest,  
 Als waar' koa' Stoa' in' Berg mehr fest  
 Und drobn die Gams fahr'n kreuz und queer  
 In größtn Schricka hin und her,  
 Und Schlag auf Schlag dort raffits 'ra'  
 Und faust und fliegt in Grabn 'na',  
 Da hat's d'rinn g'arbet, g'wüth't und 'tho',  
 Als schlug' ma' groözi Blockn o',  
 Ja was is dees? was ko' dees seh',  
 Wahrhafti'! 's Eisgwölb d'runt' bricht ei'.



Der Bua hat nit gwißt, wier ihm gschicht,  
 Schier is er wor'n bloach in' Gsicht,  
 Und lang hats 'braucht, bis's g'habt an' End'  
 Des G'saß und G'rumpi in die Wänd'. —  
 Gel' 's Ei:gwölb, dees hats zammagschlag'n,  
 Jekh' ko'it di' leicht no' irger plagn  
 Mi'n Abageh und kunnt aa' seyh',  
 Daß d' nimmer ko'it in Grabn 'nei'.  
 Da steigt er 'ra', hats glei' d'ersegn,  
 A' Wand vo' Eis is druntn g'leg'n,  
 A' Spalt dazwisch'n, tief und weit,  
 Da durchsteign is koa' Mögli'keit,  
 Wie's aufaschaugt so grea und kalt,  
 Was thoa' jekh'? D' Nacht kimmt aa' scho' bald,  
 Na' gehts dir schlecht, — da fallt ihm ei'  
 Der Strich dort an der Kirch', kunnt seyh'  
 Es thaats, daß d' di' dra' abalass't, —  
 Da hat 'n do' a' Schauder gfaßt  
 Und allerhand kimmt ihm in' Ei',  
 Nukt nix, am Strich 'ra', sunst bist hi',  
 Denn bis a' Hilf kimmt, bist d'erfrorn,  
 No' frisch, no' is nit All's verlorn.  
 Da steigt er bei der Kirch jekh' o'  
 Und 'nauf, wo 's Soal in' Felsn dro',  
 Und schau't na' abi über d' Wand,  
 Da sieht er drunt 'was auf'n Sand, —  
 Is's mögli', ja wahrhafti' ja,  
 Es leit stoatodt der Adler da!  
 In Gottsnam' jekh' is Alles guat,

Und 's kimmt ihm wieder Schneid und Muath,  
Und flink am Strick laßt er si' 'ra',  
Und glückli' geht's in' Grabn 'na',  
A' Sprung, a' Fuchzer hochauf,  
A' „Gott sey's danlt“ wohl aa' scho' drauf  
Und packt sein' Adler bei die Flüg' —  
„Jez' kimm der Rini wann er mag,  
„Es werd für mi' a' Freudntag,  
„Jez' soll er um an' Adler frag'n,  
„Jez' kon' ihm aa' was bsunders sagn!“

---

### Laß' ma's, wie's is.

„Vo' Sto a' möcht' i' seyh', hat der Hiesel g'sagt,  
 „Die ganz Welt lachet i' aus,  
 „Da waar' i' wohl fest, gaang mar Uls aus 'n Weg  
 „Und waar' ma' scho' selber mei' Haus.“ —

„„Da hättst es d'errath'n! thaats't stolpern amal,  
 „„Na' brechest in Trümmer vonand,  
 „„Na' müßt ma' di' kitt'n, vielleicht ebba gar  
 „„'N Kopf und dei' bißl' Verstand.““

„So möcht' i' vo' Eij'n seyh', hat er g'sagt,  
 „Da kunnt' ma' nit leicht ebbes o',  
 „Da wur' i' Soldat und jaget alloa'  
 „'A' ganz' Regiment glei' davo'!“

„„Geh' weiter, schau, wann d' jeh' vo' Eijn waarst,  
 „„Da waarst ja gar 'ichwindi verrost't  
 „„Und kunntst ja koan' Fuuß und koan' Arm nimmer rühr'n,  
 „„Und wer zahlt, was der Dokter na' kost't.““

„So will i' vo' Gold seyh', dessell rost't nit,  
 „Da waar' i' aa' wohl ebbes werth,  
 „Runnt Schuld'n macha na' auf mein' Leib  
 „Und thoa', was mei' Herz bigehrt.“

„„Natürli'! da hätt' ma' di' lang d'erschlag'n,  
„„Und hätt' Dufatn d'raus g'macht,  
„„Na' suach' die sei' zamma am jüngstn Tag,  
„„Da wur' weiter nit d'rüber g'lacht!““

Jetz' is er wohl staad gwest der Hiesl da,  
Und dunkt ihm selber guat,  
Schau daß er worn is wie's der Brauch,  
A' Mensch vo' Fleisch und Bluat.

---

## Der Schatz.

In Jagstübi z' Bartlmä  
 Sitzt a' jungs Diendl und bind't an' Strauß,  
 Nimmt a' Fremder 'rei' von' See,  
 Schaugt gar fei' und herrisch aus.  
 Hat s' schö' 'grüßt und gafft na' 'rum  
 Und a' Büchl in der Hand  
 Schreibt er auf, was in der Stubn,  
 Was am Tisch und an der Wand.  
 'S Diendl schaut und hat schier g'lacht,  
 Nacha sagt er: „Schönes Kind,  
 „Wem wird wohl der Strauß gebracht,  
 „Dieses blumige Gewind'?“  
 'S Diendl sagt „„ha' g'fällt er Ent?  
 „„G'hört mein' Schatz, wem sollt' er g'hörn?““  
 „Ah dem Schatz, ein lieb' Geschenk,  
 „Hast wohl einen Jäger gern?“  
 „„Is' koa' Jaaga justement,  
 „„Aber dengerst, d' Jaagerei  
 „„Woß's wohl daß er die gut kennt  
 „„Und ho' da mei' Freud' dabei.““  
 — „Wohl ein Wildschütz?“ bischpert er,  
 „„Waar' nit aus, da kaamt's ma' recht,  
 „„Braacht's ma' da was schö's daher,

„„Lieber daß i' gar koan' möcht',  
 „„Na! i' will' was Nichtigs hamn,  
 „„Er mag aa' die Wildrer nit,  
 „„Kemmat er mit ihna z'amm,  
 „„Hätt' er Haandl gwiß damit.““  
 Und der oa' der schreibt grad d'rei',  
 Fragt na' wier er hoapt der Bua,  
 „„Hansl! ja so hoapt der mei,““  
 Schreibt er 'n Hansl aa' dazua.  
 Jekh' lacht 's Diendl „„Ges sehd's wohl  
 „„Gwiß a' Schreiber, daß's so schreibt's,  
 „„Werd ja 's ganzi Büchl voll,  
 „„Bal's no' da a' Zeitl bleibts,  
 „„Oder thääts a' Dichter sey'  
 „„Ebba gar a' Comediant,  
 „„Schreibts mi' in a' Stückl 'nei',  
 „„Sehd's so guat, Ges waart's in Stand,  
 „„Gel' mein' Schatz, den kennts halt nit,  
 „„Thaats do' d'rauf begieri' sey',  
 „„Schaugts, i' thua nit g'hoam damit,  
 „„Dort bein Fenster schaugt er 'rei.““  
 Und der Ander' wend't si' glei'  
 Und hat grossi Augn g'macht,  
 Draußt a' Hirsch! mit 'fränztn Gweih  
 Hat 'n ganz verdraacht bitracht't.  
 „„Schreibts es jekh, dees is mei' Schatz,  
 „„Hansl hoapt er auf den' Platz,  
 „„'Kenn 'n scho' an etli Jahr,  
 „„Gel' mei' Hansl, es is wahr!““



## 'S Troad.

Es is mi'n Troad vor alti Zeitn  
 Amal wohl gwest an' anders Ding,  
 Da san die Halm gar gwich'ti' gwejn  
 Und nit wie heuntigs Tags so g'ring.

Selm hat ma' dra' die Aech'an gsegn  
 Vo' unt' auf glei' bis obn auf,  
 Jez' is dees Mehra Stroh und hoßt halt  
 An' oazigs Aehrl endli' d'rauf.

Und schau, es waar aa' gwiß so blicbn,  
 Waar'n d' Leut' nit z' böj' und sündhaft worn,  
 'San 's aber worn und unser Herrgott  
 Hat drüber 'friegt den größtn Zorn.

Und weil f' 'n gar a so vergrämt hamn,  
 So hat er denkt, es is foa' Schad'  
 Und wann f' aa' Alli z' Grund geh' müßn,  
 A' selles Volk verdient foa' Gnab'.

Und in an' schwarzn Dunnewetter  
 Is er von' Himmi abagstiegn  
 Und sicht heruntn auf die Felder  
 Die Pracht vo' Troad und Aech'an liegn.

Da fangt er o', a' Halmi z' stroafa  
 Und reißt vo' unt' auf d' Mehrl'n ra'  
 Und wier er's thuat, auf alli Felder  
 Vo' sellm falln s' auf eamal a',

Und Alles waar' gar gwiß verhungert,  
 Hätt' unser liebi Frau nit bitt',  
 Er sollt' dees lekti Mehrl' lassn,  
 Sunst waarn aa' d' Bögerln g'straft damit.

Sie hat wohl d' Bögerln nerna müßn,  
 Obwohl s' es hat um d' Mensch'n 'tho',  
 Sunst waar's nix gwest, und so is 'bliékn  
 Für's Brod halt do' a' bißl dro'.

Drum sollt' ma' scho' a' guat thoa' wolln,  
 Denn no' amal, funnt's gar leicht g'shegn,  
 Es thaat der Herr vontwegn die Bögl  
 Roa' Körnl mehr verschona mögn,

Die kann er ihm scho' anders füttern,  
 Wann extra d' Mensch'n z' Grund geh' solln,  
 Drum durst' ma' zeiti' da dro' denka  
 Und durst' halt scho' a' guat thoa' wolln.



## Volkswilln.

Es geit scho' Leut', die moana glei',  
 San' ihnr' a' fuß'g beinand',  
 Na' waar's a' Volk, da redn f' rum  
 Und bschließn allerhand  
 Und sagn: Dees is 'n Volk sei' Willn  
 Und so und so muaf's seh',  
 Dees hoapt auf deutsch, sie möchtn's gern  
 Und 's Volk dees gebn f' halt drei. —  
 Bal' jeh' dees ebbes geltn sollt',  
 Na' waar's a' saubers G'schpiel,  
 Da waarn ja Völker in an Land,  
 Es wußt' kca' Mensch wie viel,  
 In jedn Stadtl drei und vier,  
 In jedn Markt' a' Paar,  
 Und dees in' ganzn deutschn Land  
 Dees waar' weiter kca' Schaar!  
 Es lange' die scho', die ma' hamm,  
 Die dreißgi san scho' gnua,  
 I' bitt' enk, machts mit enkri G'schpaf  
 Mit Völker no' bazua,  
 Denn Deutschland soll ja oani' wer'n,

Wie aber kunnt' dees sey',  
Bal' so viel tauſe'd Völker waar'n  
Und ſchreietn all' drei',  
Da wur' ja d' Wirthſchaft gwiß verpatſcht.  
Und ninderscht mehr a' Fried,  
„Viel' Röch' verderbn d' Suppn“ hoacht's,  
Drum kocht's nit Alli mit!

---

# Warum d' Leut nit all' gleich reich sei' kinna.

An diem wohl oana fragt,  
 Ha? kunnts nit g'schegn  
 Daß d' Leut waar'n all' gleich reich,  
 Raam' dees nie z'weg'n?  
 Da sag' i', na mei Freund,  
 'S is oa's dagegn,  
 Denn unser Herrgott schau,  
 Der thuats nit mögn.  
 Und dees versteht si' leicht,  
 Denn hätt' ei's woll'n,  
 So hätt's von Adam a'  
 Scho' g'richt wer'n solln.  
 Hätt' Er an jdn sellm  
 Decs Nähnli' gebn,  
 Verstand und Fleiß, all's gleich  
 Und 's gleichi Leb'n,  
 Daß 's Troad auf jdn Feld  
 Hätt' gleich d'ergebn,  
 Auf alli Wiesn 's Gras  
 Und 's Obst danebn,  
 Nit daß dem oan' sei' Baam

G'stedt voller Nepfi,  
Dem andern aber grad  
Der sei' a' Tröpfli,  
Daß d' Rüh' all' fälbert gleich,  
Halt All's dees Nähmli',  
Und daß's a so furtganga waar,  
Na' waar' Niem'd grämli',  
Na müßt's no' heunt so sei',  
Dees ko'st nit laugna,  
Und weil Er's halt anders g'macht,  
Werd's aa' so taugna.  
Warum Er aber dees 'tho',  
Wer ko's oan' sagn,  
Warum kimmt Freud und Leid  
Wer ko's d'erfragn?  
Warum der Bliß da schlägt,  
Warum's dort schauert,  
Warum der hat sein' Schatz  
Und der d'rum trauert,  
Wer woaß's, wer is so g'scheit,  
Werst kaam oan' findn,  
Da is a' Niegli für,  
Magst's nit d' ergründn.  
D'rum kon i' rathn grad,  
Thua Ihm vertraua,  
Er woaß scho' was dees Recht',  
Da ko'st d'rauf bauer'.

## Jagaliied.

Steh'n i' auf 'n A'stand  
 In stiller Abendrua,  
 Und hör' i's brecha staad in Holz,  
 Wie gern lauf' i' da zua,  
 Wie bin i' gern dabei,  
 Wie lob' i' mir die drei,  
 Wald, Wild und Jaagerei!

Ziegt von Feld am Morgn  
 Der Hirsch mi'n Wildprat ei',  
 Wanns funkt in die Tanna drobn  
 Vom erschn Sunnaschei',  
 Wie bin i' gern dabei,  
 Wie lob' i' mir die drei,  
 Wald, Wild und Jaagerei!

Und jagn d' Hund' wie Glöckln,  
 Daß' hallt in Berg und Thal,  
 Da freut mi' 's Lebn, waar's wie d'er will,  
 Es freut mi' allemal,  
 Wie bin i' gern dabei,  
 Wie lob' i' mir die drei,  
 Wald, Wild und Jaagerei!

Und kimm i hoam von Jagn,  
Und hon i' g'habt an' Stern,  
Und werd verzählt, wie's ganga hat,  
No! wie verzähl' i's gern,  
Wie bin i' gern dabei,  
Wie lob' i' mir die drei,  
Wald, Wild und Jaagerei!

O guati Frau Diana,  
Di' möcht' i' amal segn,  
Und sollst es hör'n na' vo' mir,  
Wie daß mir viel dra' g'legn,  
Und wier i' gern dabei  
Und wier i's lieb' die drei,  
Wald, Wild und Jaagerei!

---

### Von' Jaaga-Hannes.

„Spiel' auf Musikant spiel auf!  
 Mit die feinern Soatn für d' Wilgefort spiel'  
 Weil i' aa' so viel sei' is und g'freut mi' so viel  
 Und die grobn, die reiß' für 'n Hannes sei' Gall,  
 Grad weisß 'n so zürnt daß dem Diendl i' g'fall'  
 Und daß er der leht' allemal.

„Spiel' auf Musikant spiel auf!  
 An' schneidinga Laandler an' frischn heb a',  
 Daß i' schuckn und draah'n mei' Wilgefort ko'  
 Und an' Tanz für an' Bärn den rupf' hintndrei'  
 Der muuß für 'n Hannes an' Abschiedslied seh',  
 I' trichter's dem Jaaga schon ei'.

„Spiel' auf Musikant spiel' auf!  
 Und spiel' für mi', wie der Auerho' falzt,  
 Wann er allewei' gschwinder sein' Hochschlag schnalzt,  
 Und nacher an' Marsch, es is leicht oana guat,  
 Wie wann mar an' armi Seel' ei'grabn thuat,  
 Den arbet' 'n Hannes in's Bluat!“

Der liederli' Gori hats g'junga dees Lied  
 Und g'spielt hat der flink' Musikan  
 Und der Hannes hinter der Thür hat's g'hört  
 Und is wor'n so weiß wier a' Wand.

Und 's falschi Diendl dees hat grad 'klatscht  
 Und hat ganz hellauf g'lacht:  
 „O Gori, deesmal hast meinoad  
 „Dees rehti G'jangl g'macht.“

Da geht der Hannes und lad't sei' Gwihr,  
 Zwoa Läufin nebn anand  
 Und lad't's mit feini und grobi Schrött'  
 Und 'zittert hat ihm sei' Hand.

„Setz' sing' aar a' Liedl du Blei du sei's  
 Für die treulos' Wilgefort,  
 Grad wie d'es die wilbn Taubn singst  
 Und sing' ihr in's Herz beini Wort',

„Und du, mit 'n schwaar'n grobn Zeug  
 Du summ's 'n Gori oa's für,  
 Nett wie's der Fuchs hat z'hörn 'kriegt,  
 Der naachst is g'falln vo' dir.“

Der Mond hat g'scheint spat in der Nacht,  
 Da kemma s' a'm Steigl daher,  
 Der liederli' Gori und d' Wilgefort,  
 Kreuzlusti' sie und er.



Da fällt a' Schuß und wied'r a' Schuß  
 Und d'rauf an' etli' Schroa  
 Und bluati' stürzn mitanand  
 In's nassi Gras die zwoa.

„Was sehd's so staad jeh' auf amal,  
 „So sing' do', Gori, sing',  
 „So lach' do' schöni Wilgefort  
 „Und spott' und tanz' und spring'!

„Spiel' auf Musikant, spiel' lusti' auf,  
 „Sunst schlaft ja 's Paarl ei',  
 „Weds auf bal' d' fo'st, sie zahl'n di' guat,  
 „Gel' Fidler, laßt es seh'."

Sie hamm si' mehr koo' bißl g'rührt,  
 San todt a'm Bodn g'legn, —  
 An' Jaaga-Hannes hat vo' Stund'  
 Koo' Menschnaug' mehr g'segn.

### A' Glöbnuß.

I' bi' an' arm's Diendl,  
 Mei' Bua is davo',  
 Mei' Liebste's is dahi',  
 Was i' auf der Welt ho'.

In' Krieg hamn s' 'n furt,  
 O wie hart is ma' g'schegn,  
 Es san scho' zwoa Summa,  
 'Hon 'n nimmermehr g'segn.

'Hon 'n nimmermehr g'segn  
 Und ho' nimmer an' Rua,  
 'Woas nit, is er todt,  
 Oder lebt er mei' Bua.

Und i' find' aa' koan' Trost  
 Und wieviel i' mi' b'sinn',  
 Gwiß hamn s' 'n d'erschosn  
 In Dänemark d'rinn.

O heiligi Muatta,  
I' bitt', hör' mi' o',  
Mach' daß's nit so is, —  
Daß i' 'n wiedersegn fo'.

O richt's, daß die Boar'n  
Dort gwinna, i' bitt',  
Daß 's aus werd, daß's femma  
Und bringa mir 'n mit.

Na' will i' dir treuli'  
A' Taaserl verehrn  
Und a Herzl vo' Silber,  
D' thua mi' d'erhörn.

---

## A' Buschn Schnadahüpfi'n.

1. 2.

Mei' Herz thua di' auf  
 Und daß d' Sunna scheint d'rei',  
 Denn es is ma' heunt d'rum,  
 Daß i' lusti' will sey',  
 Daß i' lusti' will sey  
 Wier a' Lerchei bal's fingt,  
 Wie der Spielho' in' Falz,  
 Der in' G'ringl 'rumspringt.

3. 4.

O du taufe'dschöns Kind,  
 Wann i' di' habn kunnt'  
 Nacha hätt' i' 'n Himmi  
 Auf Erdn herunt',  
 Und da waar' ma' nie bang  
 Vor foan' Wetter, foan' Meng,  
 Denn die müßtn all' furt,  
 Bal' d' grad lachest a' wen'g.

5. 6.

'Ho' Liedln wohl g'funga  
 Mei' Lekta grad gnua  
 Und i' ho' wegn dei' scho'  
 A Freud g'habt dazua,  
 Und i' ho's nit all' 'dicht',  
 Nit alloa zwegnbracht,  
 Deini vielliebn Augn  
 Hamm des Mehreri g'macht.

7. 8.

Musikantn machts auf,  
 Meiner Lene zun G'falln,  
 Und thääts d' Notn nit spar'n,  
 I' will Alles gern zahl'n,  
 Denn mei' Lene is lieb  
 Wier' a' Bläami in Mai,  
 Und i' wur' dafür arm,  
 Gätt' s' a' Gaudi dabei!

9. 10.

Und morgn und heunt  
 San nit allewei' guat Freund,  
 Willst a' Bußl hergebn,  
 Laß mi's heunt no' d'erlebn,  
 Denn a' Sorg hon i' d'rum  
 Und bring's nit ausn' Ei',  
 Schau wenn d' Welt morgn z' Grund gaang',  
 Waar 's Bußl aa' hi'.

## 11.

Und i' will grad a' Bläami,  
 I' will ja koan' Strauß,  
 Grad a' bißl a' Bußl  
 Dees bitt' i' mir aus.

## 12.

Und ob i' di' lieb'  
 Schau jetz' kon i's nit sogn (und)  
 Frag wieder, wann d' Rech'  
 Amal Gamsstrickl'n tragn.

## 13.

Amal kriegst mi' scho'  
 Und dees is halt wann's is,  
 Nacha schau, wann d' mi' kriegst,  
 Nacha hast mi' ja g'wiß.

## 14. 15.

Und 's Diendl hat g'sagt  
 Und sie hätt' mi' so gern  
 Als wie vo' die Kerschn  
 Und Zweschbn die Kern,  
 Die Sakera: Diendl'n  
 So sans' allisamm  
 Und erst recht foppe's' oan'  
 Bal' f' oan' o'bandlt hamm.

## 16.

Und a' Taubn in' Fliegn  
 Der Teufi der brat's'  
 Und an' Diendl sei' denka  
 Der Guguck d' errath's'.

## 17.

Und 's Diendl is a' Zither,  
 Wo d'rüber nig geht  
 Und dem machts' die schönst' Musi'  
 Der 's Spielen versteht.

## 18.

Und 's Diendl hat Zahnerln  
 Da lacht's wohl damit  
 Und sie kunnt' oan' aa' beißn,  
 Dees thuats aber nit.

## 19.

Und es kimmt nit d'rauf o'  
 Wie'r a' Diendl ausschaut,  
 Bal's' no' jung, schö' und brav is  
 Und sunst ebbas taugt.

## 20.

Du flachshaarets Diendl,  
 Di' hon i' so gern  
 Und i' kunnt' wegn den Flachs  
 Glei' a' Spinnradl wer'n.

## 21. 22.

Und 's Liebn' is a' Schießet  
 Auf a' schneeweißi Scheibn  
 Und da kennst di' nit aus  
 Derfst es wohl a' Weil' treibn,  
 Und 's Diendl is der Punkt  
 Und um den geht halt 's G'riß  
 Und oft trifft 'n a' Schütz  
 Der der best' lang nit is.

## 23.

A' Gambs auf der Wand  
 Und da' Punkt in der Scheibn  
 Und mei' Schatz auf der Alm  
 Is mei' Thoa' und mei' Treibn.

## 24.

Denkt kua' Jaager an d' Jagd  
 Hat 'n d' Lieb amal 'pact  
 Und kua' Senndrinn an d' Kal'm  
 A so gehts auf der Alm.

## 25.

Und a' Jaaga sicht guat  
 Aber d' Lieb macht 'n blind  
 Und da fangt dir den größtn  
 A' kua's Diendl g'schwind.



26.

A' Bir ohni Ho'  
 Und a' Diendl ohni Mo'  
 Und a' Jaager ohni Schneid  
 Da is's allemal gfeit.

27.

Bist derntwegn foa' Jaga,  
 Weil d' Federn a'm Huat  
 Und an' Zwilling aa' hast  
 Der pum pum macha thuat.

28.

A' Goasbock is g'stiegn  
 Gar hoch in oan' Born,  
 Hat a' Gamba's wer'n wolln,  
 Is denger'scht foa's worn.

29.

Und a' Fuchs is foa' Lur  
 Und a' Raß is foa' Raß  
 Und foan' Hirsch bild' dir ei,  
 Thuast a' Rechböcke seyh'.

30. 31.

Daß's geit alti Heryn  
 Ro' glaabn wer will,  
 Aber jungi, die geit's,  
 O da kenn' i' gar viel;

Und haßt damit z'schaffa  
 So thään s' dir 'was o'  
 Und da' ko'ßt nimmer schlafa,  
 Denkst allewei' dro'.

## 32. 33.

Dei' Lieb wann a' Buach waar'  
 Dees leset' i' glei'  
 Und wieviel wur' denn d'rinn steh',  
 Was moa'ßt von der Treu?  
 Und dei' Lieb wann a' Farb' hätt'  
 So bild' i' mir ei' (schau)  
 Weil d' gar so viel' gern haßt,  
 Ganz gscheet müßt s' seh'.

## 34. 35.

Mei' Nesl, was hon i'  
 So Unrechts denn tho'  
 Daß i' d' Nosl statt dei'  
 Bei der Hand gnumma ho',  
 Schau Nesl und Nosl.  
 Dees gleicht halt anand'  
 Und da kimmt ma' ja leicht  
 An a' unredti Hand.

## 36.

Und der Türk und der Ruß  
 Die zwoa gehn mi' nix o'  
 Wann i' no' mit der Bretl  
 Roan' Kriegshandl ho'.

37.

Und 's Dienerl wann d' heuretst,  
 So mirk dir dabei,  
 Es werd nit grad bei' Weiberl,  
 Es werd scho' bei' Wei'.

38.

Und Grasn und Herzn  
 Is d' Farb' bei mein' Gschpiel (und)  
 In anderni Kartn  
 Da g'winn i' nit viel.

39.

Die schönst Farb' is Grea  
 Und grea' sollt' alles seh',  
 Grad mei' rofigi Rosl  
 Die roat' i' nit d'rei'.

40. 41.

Und es is nix so trauri'  
 Und nix so betrübt  
 Als wie wann si' a' Krautkopf  
 In a' Rosn verliebt.  
 Und es is nix so trauri'  
 Und nix so weit gfeit  
 Als wie wann si' a' Pudl  
 In a' Raßl verkei't.

42.

Die Mauser wer'n g'schoßn  
 Da spart ma' foa' Blei,  
 D' waar'n do' die Duckmauser  
 Aa' vogelfrei.

43.

A' Licht bläst mer aus  
 Und a' Feu'r bläst mar o',  
 Und es blas'n gar viel'  
 Die nie denka da dro'.

44. 45.

Und d' Lercherln die steign  
 In d' Höchn gar gern  
 Und wie höher daß s' steign  
 Wie kleaner daß s' wer'n.  
 Und so steigt an diem oana  
 Der hoch außi will,  
 Is herunt'n gar weni'  
 Und drobn nit viel.

46. 47.

Der Mensch hat an' Geist,  
 Hat der Schullehra g'agt,  
 Und der Wei', der hat aar oan',  
 Dees hon i' d'erfragt,

Und bal' die zwoa streitn,  
 So hat's schon an' Schei' (und)  
 Es thaat der von' Wei'  
 Oft der stirkeri seh'.

48. 49.

Bal' Fried is, a' Gsängl,  
 Dees is unser' Freud  
 Und bal' Krieg is, a' Zuchezer  
 Hat aa' nit gseit,  
 Denn mir san all' Soldatn,  
 Dees leit schon in' Bluat  
 Und die boarischn Rugln  
 Die arbetn guat.

50. 51.

Und der boarisch Löß (Löw')  
 Hat a' sakrisch's Gebiß  
 Und hat wolterni Zäh'n',  
 Schau wie alt er aa' is,  
 Und der 'n wollt' traahn,  
 Der kaam schlecht davo'  
 Und es wissen's wohl oa'  
 Bier er 's Reiffn guat fo'.



## Der Heuretsftoa'.





I.

Wie die Diendl'n z' Unterlaana in Heuretsstoa' gworfa  
hamm.

In Sanct Lorenzitag is gwen,  
Da hat's grad gwimmit z' Unterlaana,  
Biel Diendl'n san da gwest beinand',  
Und is wohl plauscht worn allerhand.

San oa' vo' Bertlsgadn 'nauf,  
Um' Almrausch und Jagabliemin,  
Zu Sträußln, wie ma's auf'n Huat  
Gern bei an' Schießet tragn thuat.

Denn 's is a' fürnehm's Schießet g'west  
Den andern Tag in Bertlsgadn,  
Da hats 'was 'braucht von Bliemwerf,  
Dees habn s' g'holt in Simmetzberg.

Die Diendl'n in den Hoagascht da,  
Die habn g'lebt in oana Gaudi,  
Hamm Rudl 'focht, und gscherzt und g'lacht,  
Wie's halt a so a Rudl macht.

Und na' an diem hamn s' außi gjuht,  
 Daß's bis in d' Thalwand 'nüber g'hallert,  
 Da hat wohl manches Gambsei g'schaugt,  
 Und g'luuft, wie's die da drent' so taugt.

Und 's schwarzi Kefei und die Wabn  
 Von See, die habn nacha g'sunga,  
 Die habn's kinnt auf's rarigist,  
 Und Schnaderhüpfln z'hundert g'wißt.

Da fällt der oan' auf oamal ei',  
 He Diendl'n, wißt's jetz', was ma macha,  
 Jetz' geh' ma hi' zun Heuretsstoa',  
 Da muaß drei Wurf a jedi thoa'.

Ges kennts dees Loch dort in der Wand,  
 Und die auf dreimal wirft da eini,  
 Die werd in Jahr und Tag a' Braut,  
 Da hat mei' Muatta scho' d'rauf 'baut.

Ja dees is recht, zum Heuretsstoa!  
 Zum Heuretsstoa! hamn s' alli g'schrie'n,  
 Und alli durchananda g'schwagt  
 Und mit 'n Schatz ananda 'tragt. —

Von dera Alm gon Simmetzberg,  
 Da geht a' langi schiechi Gassn,  
 Und nett herunt' is an der Wand  
 Der Heuretsstoa' glei' linker Hand.

Da to' ma' manchn Pleker segn,  
 Da hamm viel hundert aufi g'worfa,  
 Und ebba 'was bideut's halt do',  
 Denn 's is no' heuntigs Tags a so.

Da san jek' d' Diendln alli hi',  
 Und fanga o', mit Stoana z' werfa,  
 Und oani um die ander' feit,  
 Da hats erscht gebn a Lustbarkeit.

Jek' is dabei a' Diendl gwest,  
 A' schöni G'sellinn, gar a' jungi,  
 Sie hamm se's Buacha=Miedeï g'nennt,  
 Die hot no' gar koan' Liebste 'kennt.

Wirft aber aa', und 's drittemal,  
 Meinoad da wirft dees Diendl eini,  
 Is selber schier d'erschrocka dro',  
 Da hebn die oan' a' Mettn o'!

Da hamm s' es 'fränzt und 's Refei hat  
 'N Bräutigam na' macha müßn,  
 Der hamm s' a' Raatschnbartl g'malt,  
 Und selli Sachan 'triebn halt. —

'S is gschpafi um a' sellas Spieln,  
 'S hat dengerscht dra' denkt 's Buacha=Miedeï,  
 Wie's waar, wann s' ebba nach der Sag'  
 A' Braut thaat wer'n in Jahr und Tag.

Wer kunnt s' wohl nehma, hat s' ihm 'denkt,  
 Wie's auf 'n Hoamweg abagfliegn,  
 „Der Knecht bei uns? naa pfüt' di' Gott,  
 „Da wollt' i' lieber, i' waar todt.

„Der alti Hief', der so gern scherzt,  
 „A' Freund von Batern, 'will's nit hoffa,  
 „Der Mankeisfranz? der schaukt so trüb,  
 „O naa, zu den hätt' i' foa' Lieb.

„Schau gar foan' wußt' i',“ hat s' na' g'sagt,  
 Zu die, die mit ihr abaganga,  
 „S werd nix bideutn, wier i' moa',  
 „Die Gschicht' da von den Heuretsstoa'.“

„„Ei ja, sagt oani nacha d'rauf,  
 „„Da geit's a' Hochzet, 's is scho' richti,  
 „„I' hoff', du ladst mi' dazua ei',  
 „„Und wer' a' Kranzjungfer seh'.““

Und mit den Red'n san s' halt ra',  
 Und hamn no' plauscht von'n großn Schießet  
 Und 's Midei dees hat viel finniert,  
 Und wegn an' Heuretsstoa' studirt.

## II.

Wie des groſſi Schieſſet in Bertlsgadu gweſt is.

Den andern Tag, wie d' Sunn' aufzanga,  
In aller Fruh' da hat's ſcho' 'tracht,  
Als waar der Wazmann voll' Kanona,  
So hamm die Böller Lärma g'macht.

Und in die Berg hat's g'hallt und dunnett,  
Bis in d' Fiſchunſl z' weiteſt hint',  
Und ſchnurgrad is der Rauch aufgſtiegn,  
Dees hat an' ſchön'n Tag verkünd't.

Friſch is der Morgn gweſt bis d' Sunna  
Amal in's Thal hat eini g'scheint,  
Da hat ſi' g'rührt Als froh und luſti',  
„Es is ja 's groſſi Schieſſet heunt!“

Na' hamm die Glock'n g'läut't in d' Kircha,  
Und is der Schütz'nzug na' g'weſt,  
Da hat ma' g'ſegn Leut beinanda,  
San weit her kemma zu den Feſt.

Fürst Conrad hat dees Schießeß gebn,  
 Der Probst, a' gar a' braver Mo',  
 Hat d' Leut' a' Freud' gern g'macht derjelbi,  
 'Steht aar' a so an' Herrn guat o'.

Der Zug is schö' gwest, sechs Trompeter  
 Boro', und Musi', woltern fei',  
 Drei Wurstl na' mit g'malti Scheib'n,  
 Die hab'n 'tanzt und gjuchezt drei'.

Jetz san die Fahna nacha kemma,  
 Von Madln und vo' Buabn tragn,  
 Und schöni Beste, Thalerfranzln,  
 Und aar a' Goasbock auf an' Wag'n.

Und nacha d' Schützen, all' mit Sträußln,  
 Da san viel' kemma 'rei von' Land,  
 Gar bösi, scharfi Punktneißer,  
 Und etli' weit und broat bikannt.

Da hat ma' g'hört: „Dees is der Dicki,  
 „Der Forstwart, schau, vo' Bischofswies,  
 „Bua, dees is oana, der ko's zwicki,  
 „J' wett', daß dees der schirfer' is.

„Und der mit'n schwarzn Bart, da kimmt er,  
 „Der Büchsnmacha vo' Traunsto a,  
 „Da werst es segn, der draacht's eini,  
 „Der nimmt scho' etli' Gwinnt alloa'.

„Huat a'! Huat a'! der Jagamoasta  
 „Von Stift, und no' zwoa Chorherrn gar,  
 „Da will i' schaugn, was die macha,  
 „I denf' mit die hat's nit viel G'sahr.

„Da schau, da kemma no' a Baarl,  
 „Der Ruap und 's Hanserl von Hallei',  
 „Mei'! Büchs, wo gehst denn hi' mi'n Hanserl,  
 „Schau, schau, jekh' kimmt der aa' da 'rei! —

Und z'lezt in größt'n Staat is kemma  
 Die mehra fürstli' Jaagerei,  
 All's grea' mit Gold, und schöni Stutzn,  
 Der Gambjn-Urberl aa' dabei.

Und mit sein' Suh' der alti Leitner,  
 Der Förster drinn in Barthlmä,  
 Der führt wohl aar an' etli Fahna  
 In's Gschlößl 'nüber über'n See.

So is halt All's auf d' Schießstatt außi,  
 Da hat's grad gwimmit aufanand,  
 Und Diendl'n gnua, — schau 's Buacha-Miede,ei,  
 Gar sauber 'pußt, aa' bei der Hand!

Und g'schoßn hamn s' die tiefstn Dreier,  
 Der vo' Traunsto'a gar aus der Weis',  
 Da hamn die junga Jaga g'arbet,  
 Und hi' g'hebt halt mi'n größt'n Fleiß.

Jetz' legt der Seppi o' bein Standln,  
 Von Förster z' Barthlmä der Bua,  
 Und bis er dra' kimmt, macht er Farn  
 Und laßt die Diendl'n 'rum foa' Ruh.

Und sagt zum Miede, die da gschaugt hat,  
 Du Schatz, an' Daama heb' ma' jek',  
 Ho' justement oan' weiß verzog'n,  
 Gel', daß i' d' Schartn außa weß.

Sagt 's Miede, dem der Jaga g'falln,  
 „„Da soll nix fei'n, 'heb' dir 'n scho',““  
 „No' na' is's recht und thuats ma' g'rathn,  
 „So fang' mar aa' glei' 's Tanzn o'!“

Jetz' geht er eini, und den Seppi,  
 Wie's gschnellt hat, reißt's in G'ringl 'rum,  
 „Der Punkt'n is's!“ so hat er g'schrie'n,  
 Und richti' fällt der Zieler um!

Und hat der Böller duscht, und prächt'  
 Is glei' d' Maschin' draust aufagstiegn,  
 A' golde's Wappn hat ma' g'segn,  
 An' groß'n Löwn drunter liegn.

Jetz' springt der Seppi hi' auf's Miede  
 Und hat ihr a Paar Bussein gebn,  
 Da hat si' lache'd g'wihrt dees Diendl  
 Und Alls hat gjurt und g'lacht danebn.



Der Bua schier ausanand vor Freudn,  
 Hat nacher aa' dees Miedei g'führt  
 Zun Tanz und hat s' mit Bier und Braatl  
 Wie sie's halt g'hört, gar schö' traktirt.

Und hat ihm 's Miedei so guat g'falln,  
 Und hat ihm denkt, die werd dei' Wei',  
 Und wie s' na' hoam is mit die andern,  
 Da g'schpürt s' wohl 's Herz aa' nimma frei.

Es gleicht halt die Lieb  
 Und a' Feuer inand',  
 Denn da macht aar' a Funke  
 Oft g'schwindi an' Brand.

Und bal' 's amal brinnt,  
 Da is 's Löschn a' Kunst,  
 Denn zun Herz ko'jt nit eini,  
 Is All's umasunjt.

Und do' schaug'n die mehrern  
 Dees Feuer gern o',  
 Und sie thään si' nit ferchtn  
 Und wirma si' dro'.

## III.

**Wie der Mankeifranz g'eifert hat und wie s' Miede  
auf Rühroint müßn hat.**

In Barthlmä is gwest a' Ghilf',  
Der Mankeifranz dort g'nennt,  
Der hat den Buachabauern guat  
Und aa sei' Miede kennt.

Der Buachabaur hat g'habt a' Haus  
Und Hof in der Schöna u,  
Da is der Mankeifranz oft hi',  
Als waar's a' Mankeibau.

Und wegn an' Miede is er hi',  
Hat viel dees Diendl 'plagt,  
Und daß er's aa' wollt heuretn,  
Dees hat er gar oft g'sagt.

Jetz' nach den Schießet hat halt aa'  
Der Seppi femma mögn,  
Und dunkt 'n Bauern z' wider nit,  
Raam ebba da 'was z'wegn.

Er hat ihm denkt, der Bursch is brav,  
 Und hat aar a' Vermög'n,  
 Und 's Diendl mag 'n, waar nit aus,  
 Die Heuret kaam ma g'legn. —

Und no'! wie froh is gwest der Sepp  
 Und 's Diendl bei anand,  
 Wie hamm s' oft gschwagt von ihra Lieb'  
 Und 'druckt anander d' Hand.

„Es geht ma' für, hat sie oft g'sagt,  
 „Der Heuretssto' hat recht,  
 „Und krieg i' di', mei' guata Sepp,  
 „So hon i's, wier i's möcht'.

„Denn g'wiß, i' hätt' mir's gar nie denkt,  
 „Daß i' an' Mo' so gern,  
 „So viel gern habn kunnt', wie di',  
 „Und so verliebt kunnt' wern.“

Na' er: „„Mei' Miede, derfst mir's glaabn,  
 „„I' laß' mi' nie vo' dir,  
 „„Hon aa' scho' mit mein' Batern g'redt,  
 „„Der freili' nit dafür,

„„Thuat aber nix, verstehst, er sagt,  
 „„Es waar no' Alles z' fruh',  
 „„Und kenna thuat er di' halt nit,  
 „„Schau dees kimmt aa' dazua.

„'S werd aber do' no' richti' wer'n  
 „'Gaang ehnder aus 'n Haus,  
 „So lieb, wie du, is foani mehr,  
 „Meinoad, i' laß' nit aus.“

So ist der Handl ganga halt,  
 Und daß s' sei' an ihn denkt,  
 So hat ihr aa der Sepp an Ring,  
 Mit schöni Graanln g'schenkt,

Und sie ihm na' a' Sträußl g'macht  
 Von Silberdrath am Huat,  
 Dees hat s' ihm aufgesteckt mit an' Band,  
 Und wie halt oa's so thuat. —

Den Mankeifranz, der böß' und falsch,  
 Den' hat dees gar nit 'taugt,  
 Und voller Eifersucht und Gall  
 Hat er dees Ding a'g'schaugt.

Und hat nix macha kinna just,  
 Er hat viel boshafts 'dicht't,  
 Und ninderscht hat was außa g'schaugt,  
 Aus dera Teufisg'schicht'. —

Jetzt hat amal a' Hüterbua  
 A' schlimmi Botschaft bracht,  
 Es hätt' z' Rühroint der bößi Stier  
 A' groß's Spetafl g'macht,

Hätt' d' Senndrinn g'stocha schier am Tod,  
 „Sie bringe' s' aba scho',“  
 So hat er g'sagt, „und 's steht dahi',  
 „Daß s' ebba kimmt davo'.“

Die Alm, die hat den Bauern g'hört,  
 A' so a' bravi Dirn!  
 Hat der halt g'jammert, lieba Gott,  
 Die thaat i' hart verlier'n.

Und Alß hat g'jammert, wer s' no' kennt,  
 Is g'west an' Unglück d'rauf,  
 Ja no', es geht an' diem a so, —  
 Jetz muß an' andri 'nauf.

„Jetz mußst du auffi,“ hat der Alt'  
 Zun Meidi nacha g'sagt,  
 Und hat halt die, wohl 's Herz gar schwaar,  
 Ihr Saachl zammafact.

Und is halt na den andern Tag,  
 Auf d' Alm in aller Fruh',  
 „O mei' Sepp, sich di' nimmer viel  
 „Da drobn, du lieber Bua!“

## IV.

Wie zwoa Wildschühn auf Rühroint kemma san, und  
was 's Miedel von die g'hört hat.

Nett, wier a' Sträußl Bliemin oft  
In wildi Schraakn blüht,  
Und freut oan' in die todt'n Stoa',  
Und macht oan' leichter 's G'müth,

Schau nett a so liegt oft an' Alm,  
Wo ringsum furchtbar's Gwänd,  
Und liegt, als wier a' Gartn dort,  
Wo Alles sunst an' End'.

Da werd oan' wieder wohl um's Herz,  
Da frischt si' neu der Muth,  
Wann d' von an' wildn Stoa'berg kimmst,  
Wo gar nix wachsn thuat.

Und so an' Alm is Rühroint  
In Bertlsgadner Land,  
Hoch g'legn drobn bein Dachakopf  
Und drunter Wand an Wand.

Der Watzmann schauget, als wier a' Rief',  
 Mit seini Felsn 'nei',  
 Und von der Scharn funkt her,  
 Der Schnee wie Silberschei'. —

Da hat jetz' 's Buacha-Miede g'haust,  
 Und waar der Sepp nit gwest,  
 Sie hätt' si', weil's so schön' da drobn,  
 Um alles andri tröst't.

'Den Buabn hat s' aber allwei' denkt  
 Und is halt gwest sei' Traam,  
 Und daß er scho' die Gambsein z' lieb,  
 Recht bald da auffi kaam.

Amal, 's is gegen Abend gwest,  
 Thuats bei der Hütt'n steh',  
 Da sich't s' von Schapbach-Bodn her  
 A' Paar mit Birn geh'.

Sie hat s' nit kennt, und hat ihr 'dunkt,  
 Als waarn's Rauber schier,  
 Auf d' Hütt'n kemma s' auf 'n Steig,  
 Da geht s' weg vo' der Thür.

Und wie s' durch's Fenster außi schauget,  
 Und hat s' scho' nachet g'segn,  
 Da hat si' 's Diendl gfordtn, schau,  
 Hat s' nit d'erwartn mögn.

Da steigt s' auf d' Heubüh' und da drobn,  
 Da hat se sie versleckt,  
 Es san zwoa schiechi Schütz'n gwest,  
 Und hamm's meinoad d'erschreckt.

Jeh' schaut der oa' bein Hüttl 'rei',  
 'N Stuz'n in der Hand,  
 Der ander' aa', na' genga s' 'nei',  
 Und schaugn in Stall umanand.

„Alls laar, sagt oana, is wohl draußt  
 „Bein Biech die Sennderinn,  
 „Thuat nir, is ja der Keller off',  
 „Da Koch' mer uns herinn.“

Da habn s' Milli aufa gholt  
 Und Schmalz und Mehl dazua,  
 Und habn 'kocht und 'geßa na',  
 In allergrößter Ruh.

Na' kent' der oa' sei' Pfeifei o',  
 Und sagt, dem gschehets recht,  
 „Du werst es segn, er geht ei',  
 „Mei' Botschaft is nit schlecht.“

„„'N Seppn moanst, den Jagabuabn?““  
 „Wohl, wohl, den krieg' ma morgn,  
 „Um dem sei' Rugl derf mer uns  
 „I moa', wohl nimmer sorg'n.“



„Der hat's scho' 'padt auf unser oa's,  
 „Is aa' glei' bei der Hand,  
 „Und schießt dernachst mein' Bruadern scho'  
 „N Büchsn'schaft vonand'."

„„Gel' bei Ringkennl kimmt er rauf?"  
 „Da kimmt er morgn fruha,"  
 „„No ja, da kon er gar nit aus,  
 „„Da hamm ma Borthl gnua.

„„Die Raftbank kennst, dort waar der Platz,  
 „„Da is der Grabn eng,  
 „„Dort legn mir uns halt zeiti' für  
 „„Und paßn in den G'häng.

„„Und gar nit schieß'n, moanet i',  
 „„D'erschlagn thäa' mer 'n glei',  
 „„So macht's koan' Lärme', und i denk',  
 „„Der G'schpaß is bald vorbei."

„„Umal, nit schießn, aber flink  
 „„Muaf's g'schegn, pad' mer o',  
 „„Damit er gar nit zun ihm kimmt  
 „„Und 's Messer ziegn fo'."

So redn die zwoa und 's Miede' denkt  
 'N Sepp scho' in der G'jahr  
 Und 'zittert hat s' an Händ und Füß'  
 Vor Schreck, wur's ebba wahr.

Jeh' sagt der oa', „da bleib' ma nit,  
 „Der Teufi woaß, wer kimmt,  
 „Und kaam der starke Muap daher,  
 „Na' waar' ma böshast g'stimmt.

„A' Staadei woaß i', da is Fried,  
 „Da leg' mer uns geh' 'nei,  
 „Bis um a' fünfi brauch' 'mer erst  
 „Morgn auf der Fürtleg seh'.“

So san s' dahi', und wie s' na' furt,  
 Is 's Miedei abag'stiegn,  
 Und fällt auf d' Knie, ganz ausanand,  
 Und bleibt a Wei' so lieg'n.

Und na' springt s' auf: „Muaf heunt no' na'  
 „Und kostets mir aa' 's Lebn,  
 „O heilige Muatta, muaf 'n Sepp  
 „No segn und Botschaft gebn.“

Wie s' außi kimmt, hat s' nix mehr g'segn  
 Vo' die, und schleunt si' g'schwind,  
 Daß s' no' vor Nacht den rechtn Steig  
 Hi' auf Ringfennl find't.

Denn da muaf s' aba, o wer's kennt,  
 Dees is a' g'wagter Gang,  
 Roan' schiechern Grabn ebba geit's,  
 Und dauert woltern lang.

Was aber ko' a' Diendl schau  
Nit für sein Liebste thoa',  
Die scharpfn Wänd' steigt s' bei der Nacht  
Da aba muattersloa'.

Und wie s' na' zu der Rastbank kimmt,  
Is s' schier ohnmächti' worn,  
Da sollt' er sterbn morgn fruh,  
Und Alles waar verlorn!

Sie setzt si' hi', der Mond hat g'scheint,  
Da pfeifts von obn ra',  
A' Rudl Gambs hat s' ebba g'wahrt,  
Und laßn Stoaner a'.

Sunst Alles ringsum grausi' still,  
Und wie s' grad g'schnauft a weng,  
Steigt s' wieder weiter, wo der Grabn  
Am gaachestn und eng. —

'S hat drüber wohl an' Engel g'wacht,  
Und daß ihr halt nix g'schegn,  
Und endli' hat s' Sanct Barthlmä  
In Mondschei liegn segn.

---

## V.

Wie die Jaga von Bartlmä auf d' Wildschühn ganga  
 san und was der Mankeifranz a'gkist' hat.

Unt' z' Bartlmä, da san in Gschlößl  
 Gar friedli' bei ananda g'hoßt  
 Der Leitner und sei' Suh' und 's Wei',  
 Der Mankeifranz und d' Dirn dabei.

Die Weiber habn fleißi gspunna,  
 Die oan'n vo' der Jagd verzählt,  
 Und d' Red' is gwest, es waar a Bär  
 Gsegn wor'n auf'n fionanern Meer.

Dem müß' ma z' Gfalln geh', sagt der Förster,  
 I' woaß an' Platz, recht für a' Gruab,  
 Js, wie s' es liebn, a' stiller Ort,  
 Und gar a' guata Wechsel dort.

Und na' verzählt er, wie sei' Vater  
 An etli' Bärn g'fangt und kriegt,  
 Und wie er femma oft dazua  
 Mi'n Batern, no' als Jagabua.

Na' is auf morgen austhoalt wor'n,  
 Der Sepp, der geht in Dachakopf,  
 Er woaß's, und in der Raunerwand  
 Da schau't der Franz drent umanand.

Und i', i' wer' in Burgstall birschn,  
 Dees Teufisviech, die Adler dort  
 Und Geyer hamn von n' floan'n Schlag  
 Zwoa Gamsstiz furt bei'n hell'n Tag.

Und wie f' so redn, is d' Hausthür ganga,  
 Und bellt der Dazl, no'? wer kimmt?  
 Schau 's Buacha-Miede, — „Gott seh's Dank,“  
 Sagt die, und sinkt na' auf a' Bank.

Der Sepp springt auf: „Was is denn g'schegn?  
 Thäats Essi' her, sie rührt si' nit,  
 Was is's denn, schau'ts der armi Narr,  
 Wie f' bloach is, — „meinoad es is wahr.““

Und d' Muatta bringt daher an' Essi',  
 Derwei' is 's Diendl wieder worn,  
 Und wie f' All' 'rumstehn, hat f' verzählt,  
 Was für a' Fall'n 'n Seppn g'stellt.

Und hat 'n bitt't, gel' gehst nit aufi,  
 Du bist verlorn meiner Seel, —  
 Da stampft der Alti mit 'n Fuasß,  
 „Schau, was ma' no' d'erlehn muaß.“

„„Wißt's was, sagt hißi' d'rauf der Seppi,  
 „„Geunt Nacht no' kemm' mehr ihna für!  
 „„Die fang' ma, Vater, will Enk sogn,  
 „„Es is a' Leichts, braucht gar nit fragn,

„„Steigt oana 'nauf dort rechts in Grabn,  
 „„Und daß er über d' Schüßn kimmt,  
 „„Und zwoa herunt', die stengen o',  
 „„So kemma f' nimmermehr davo'.““

„Versteh', sagt d'rauf der alti Leitner,  
 „Du Franz, — du steigst zum passn 'nauf,  
 „Und kemma' f', laß f' in Grabn 'nei  
 „Und muaßt wohl staad und ruhi' sey'.

„Wann f' nacha drinn' san, na' laß' Stoana  
 „Drauf ra' und schrei' und thua an' Schuß,  
 „Na' müßn f' aba, uns in d' Händ',  
 „Ro' koaner außi aus'n Gwänd.“

Da sagt d'erschrocka die alt' Muatta:  
 Geh' wagt's enk nit, der Franz bal' schießt,  
 Na is's scho' gmua, die denka dro',  
 Und stell'n si' so wohl nimmer o',

Und 's Miede! aa': Wagt's do' nit 's Leb'n,  
 Es san zwoa Loda, woltern stark,  
 Und gwiß is's, schau, sie bleib'n weg,  
 Z' moa', es langet scho' der Schred'.

„Nix da! hamm nacha d' Jaga g'scholtn,  
 „Die müß' ma hamm, geht's wie d'er will,“  
 Und is no All's g'nau ausg'macht worn,  
 Der Alt' hat ghabt 'n größtn Zorn.

Und 's Miede! thuat der Seppi tröstin,  
 O mei! den Diendl is 'worn so bang,  
 Von oana G'fahr iez' waar' er frei,  
 Und in' an' andri geht's auf's neu.

Was willst da macha? d'rum san f' Jaga  
 Und foani Zweschbnhandler worn,  
 A' Jaga, der nit bei der Schneid,  
 Der hat's vo' Haus aus scho' verfeit.

Nach Mitternacht, so san f' halt auffi,  
 Und auffi in Ringfennlgrabn,  
 Fruh genua steht jeder auf sein' Stand,  
 Der Mankeifranz hoch auf der Wand.

Sie hamm scho' gmoant, es will nix kemma,  
 Jez' aber wie der Tag hat graut,  
 Da hat mer f' geh' g'hört in die Stoa,  
 Jez' kemma d' Jaga sicher z' thoa'.

Wein erstn Laut, da biegt si' füri  
 Der Mankeifranz, da sieht er f' scho',  
 Jez' bleibn f' steh' und murmin 'was,  
 Und schaugn si' um dort in den Paß.

Der oa' na' legt si' hinter d' Raftbank,  
 Der ander' loant si' hint'r an' Eck,  
 All's staad, der Franz aa mäußlstaad,  
 Bis 's amal lichter wern thaat.

Jeg' moant er, thuats es, und da schiebt er  
 'N groß'n Stoa' und laßt 'n o',  
 Und schreit und schießt ra' von der Wand,  
 Daß Alles dunnert in anand.

Und d' Schütz'n auf, als wann der Teufel  
 Dahinter waar, 'n Grabn 'ra',  
 Da schreit der Sepp den erscht'n o'  
 Und hängt ihm in der Gurgl dro'.

Und mit'n Bergstock hat den andern  
 Der Förster graußi niedergschlagen,  
 Der erscht'i aber, wier a' Bär,  
 Der wirft 'n Sepp und werd ihm Herr,

Und reißt d' Big 'raus, die er ihm 'pact hat,  
 Da springt der Vater zeiti z' Hilf,  
 Und wie s' da Arbet habn gnua,  
 Nimmt glückli' no' der Franz dazua.

Jeg' hamn se s' g'worfa, und na' 'bundn,  
 Is just nit g'schpäßi' gwest die Gschicht,  
 Na' hamn se s' aba aufn See  
 Und überg'fahn auf Barthlmä.



Da hamm von Fischerhaus die Weiber,  
 Gott danke'd hoamli auße g'schaugt,  
 Gar froh, daß d' Wildrer 's Gschpiel verlorn, —  
 Die san gar guat na' ei'gsprirt worn.

Und hat 'n Miede' dankt der Seppi  
 Und freundli' wohl der Vater aa',  
 Die is na' furt — und schau 'n Franz,  
 Den hat d'erzürnt der ganz' Tanz.

„Hätt' ihm nix g'schad't den Försterbuabn',  
 „Und 's Miede' steht jetz hoch in Brett,“  
 So hat er denkt, und fällt ihm ei',  
 „Brod' do' dem Diendl ebbes ei'!

„J' woaß, wie's geht, 'werd nit lang dauern,  
 „So laßt ma' d' Lumpn wieder aus,  
 „Da will i' do' a' Wörtl sagn,  
 „Damit s' der Dirn 'was nachatrag'n.“

Da geht er zu die Wildrer eini,  
 Und lacht, ees sehds wohl guati Narrn,  
 Und sagt 'n Miede' sein' Verrath  
 Und wie se's so schö' a'gricht't hat. —

Ja d' Eifersucht, dees is a' Teufi,  
 Wie koana sunst auf dera Welt,  
 Dees werd's in dera Gschicht' no' segn,  
 Daß's vielei wohl kaam glaabn mögn.

## VI.

Was d' Wildschühn ausg'sagt hamm und wie der Sepp  
'n großen Jammer d'erlebt hat.

Dees Unkraut, dees der Franz hat g'saat,  
Is nit danebn g'falln,  
Die Wildrer hamm in Nachsucht denkt,  
Dafür soll 's Diendl zahl'n.

Und hamm was z' lügn ausstudirt,  
Mehr, als der Franz hat g'wißt, .  
Denn ei'geh' auf a' selli Weis',  
Koa' Wildrer nie vergißt.

Denn andern Tag, früh kimmt der Sepp,  
Und führt s' zun Förster 'nei',  
Der sagt: „Es nußt Enk 's Laugna nix,  
„Drum red's und b'stehts es ei'.

„Ges habt's 'n Sepp d'erschlag'n woll'n,  
„A' Holzknecht hat's uns g'sagt,  
„Er hat Enk redn g'hört auf Rühroint  
„Bon enfra faubern Jagd.

„Jez b'stehts es ei', wie's g'wesn is,  
 „Denn draußtn is der See,  
 „Der mit an' Etoa' da drinna liegt,  
 „Dees wißt's, geht nit auf d' Höh'.

„Verstandn?“ — Und da sagt der oa',  
 „„Herr Forstner müßt's verzeign,  
 „„Die Gschicht is nit, als wier Es sagt's,  
 „„Und wolln ma' nix verschweign,

„„Die Dirn z' Rühroint hat uns verrathn  
 „„Und boshaft no' dazua,  
 „„Denn koana hat von uns dra' denkt,  
 „„Wo hi' geht enkä Bua.

„„Es is a so, und 'sags Enf glei',  
 „„Die Dirn mag d' Maaner gern,  
 „„I' bi' schon öfter gwest bein ihr,  
 „„Da kunnt' i's inne wern.

„„Jez' 's leztmal hamn mer uns d'erfriegt,  
 „„Und i' ho' drüber g'lacht,  
 „„Und sag', 'bist grad bein Tag so bö',  
 „„Wohl anders bei der Nacht.

„„Und is no' oani gwest dabei,  
 „„Und d'rum, schaugets, der Verdruß,  
 „„Selm is ihr d' Bosheit kemma scho',  
 „„Und nachher aa' der B'schluß.

„„Denn auf amal hat s' wieder g'scherzt,  
 „„Und sagt', bal' d' öfter kimmst,  
 „„Na' wußt' i' wohl a' Freud' für di',  
 „„Und bal' d' mi' nimmer stimmst.

„„I frag', was denn? und schau, da sagt s'  
 „„An' Gamsbock hon i' g'segn,  
 „„Denn woaf' i' sicher und a' Leicht's,  
 „„So bringts den Loda z'wegn.

„„Unt' bei Ringkennl, obern Holz,  
 „„Da hat der Bock sein' Stand,  
 „„Da hon i'n zwoamal g'segn scho',  
 „„Glei' auf der erstn Wand.

„„Und grad damit i'n springa sich,  
 „„So hon i' 'n na' d' erschreckt,  
 „„Da is er furt und hat si' drobn  
 „„Drinn in Ringkennl g'steckt.

„„Na' sagt s', jeh' schaugts', heunt muß i na'  
 „„Mit Schmalz auf Bartlmä,  
 „„Und morgn treib' i' enk 'n Bock,  
 „„Na' wann i' aufa geh',

„„Denn daß er da is, woaf' i' g'wiß,  
 „„Und waar er just davo',  
 „„So machts Enk ja foa' grossi Müh',  
 „„Sitzt in dem Grab'n o'."

Ja, sagt der andri, so is's gwen,  
 Jekh' wißts es, was 's bideut',  
 Mir armi Teufi vo' Faleck,  
 Mir genga nit auf d' Leut. —

„Gees lügt's, Gees Gottverdammti Seeln!“  
 Springt jekh' der Sepp dazu,  
 Da hat 'n z'ruck no' ghebt der Alt,  
 Und gfiibbert hat der Bua.

Da plauscht der Franz 'n Förster aa'  
 In's Ohr an' etli' Wort,  
 „Dees oa', dees hon' aa' scho' ghört,  
 Und Glegnheit is dort.“

Und werd den Alt'n woltern weh,  
 Und droht, er laßet s' schlagn,  
 Wann s' nit die Redn naahma z'ruck  
 Und thaatn d' Wahrheit sagn.

„Was nußet denn dees Lügen uns,“  
 Hamm na' die andern glagt,  
 „Und wer's nit zutraut dera Dirn,  
 „Der hat nie viel d'rum g'fragt.“

Da laßt s' der Förstner weiter führ'n,  
 Und jammert: 's is a Gwalt,  
 „Wann s' aa' scho' lüg'n, is do' was dra',  
 „Schau, was ma' just nit g'fällt.

„Bekannntschaft mit an' sellan Volk  
 „Taugt nix, is f' wie d' er will,  
 „Und so verstellu nacher, Bua,  
 „Dees is a bisl z'viel.“

Jetz' schwört der Sepp um all' sei' Lebn:  
 „„Dentts no', was hätt' f' denn bitt',  
 „„Schau 's Miedei, und was hätt' f' denn g'sagt  
 „„Selm, wagts es nit damit!

„„Hätt' sie f' aus Bosheit g'führt in d' Fälln,  
 „„So hätt' f' wohl dees nit 'tho',  
 „„Nit o'gred't uns von Auffigeh',  
 „„Sie hätt' si' g'freut da dro'.““

„Ja Bua, dees Ding is oft a so,  
 „Sie hätt's leicht anders wolln,  
 „Mir hättn f' grad für ihran Gschpäß  
 „A' wen'g d'erschrecka solln,

„Nit fanga glei' auf Lebn und Tod,  
 „Schau Sepp, i' ho' di' gern,  
 „Und hoff' mir selm, mir wern no'  
 „Des Rechti inne wern,

„Derwei' gehst aber nit zun ihr,  
 „Sunst kemmts ma' nit in's Haus,  
 „J' woas scho', wier i's außa bring',  
 „Da kimm i' scho' no' d'raus““

O arma Sepp! den hat's wohl g'schmerzt,  
Soll nit zun Miede geh',  
Zu ihr, die ihm sei' Leb'n g'rett't,  
Die soviel lieb und schee',

„Was muaf s' ihm denka denn vo' mir,  
„Und wann i' gar nit kimm,  
„Und wann i' was s' um mi' hat tho',  
„Mir gar nit z' Herzen nimm!

„Und nit thoa', was der Vater will,  
„Dees thuat's nit ohni G'fahr,  
„Er is so guat, hat s' selber gern,  
„Und mirket er's, waar's gar.“

So is er schier a' Wocha lang,  
Als wie verzweifit gwest, —  
Der Mankeifranz hat aber g'habt  
A' Freud', die allergrößt'.

## VII.

Wie 'n Miedei auf der Alm gwest is und wier a'  
 Baß von Forstner die Wildschütz'n gstimmt hat.

Vo' Herzen hat si' 's Miedei gfreut  
 Nach dera bösn G'schicht,  
 Und gmoant, es hätt' si' Als dabei  
 Recht glückli' zammag'richt't.

Und hat wohl unsern Herrgott 'dankt,  
 Daß 's a so ganga is,  
 Und denkt, jeh is der Seppi mei',  
 Jekh is's ja dengerscht gwiß.

„Es hat's der Vater deutli' g'segn,  
 „Wie mir anander b'stimmt,  
 „Der Sepp kimmt wohl in Hoagascht bald,  
 „Wie freut's mi' wann er kimmt.“

Der Sepp is aber femma nit,  
 Den oan', den andern Tag  
 Hat 's Diendl g'hofft und gwart' und g'schaugt,  
 Ob f' nig d'erschagn mag.



Sie sichts halt nix und 's kimmt halt nix,  
 Da is ihr anders worn,  
 Was muas dees seh'? bal' friegt s' an' Angst,  
 Bal' kimmt ihr gar der Zorn.

„Jez' muas er kemma, hat s' oft denkt,  
 „Na' zoag' ihm 's aber gwiß,  
 „Wie das i's nit d'erleidn mag,  
 „Bal' oana gar so is,

„Meinoad, i' schaug' 'n gar nit o',  
 „Von Bussen gar foa' Sprach,  
 „Jez' schier a' Wocha kimmt er nit,  
 „Na', dees is nit mei' Sach.

„Es is scho' boshaft, wier er is,  
 „I' woas nit was er moant,  
 „Hat ebba gar an' anderni,“ —  
 Und na' hat s' wieder gwoant.

Und wieder gjuchezt, wann ihr aa'  
 In Herzen gar nit wohl,  
 Hat dengerscht gmoant, jez' antwort't er,  
 Und das er's hörn soll.

Ja Diendl'n, die Lieb'!  
 Dera sichts mar's nit o',  
 Wie s' oft zun d' Erbarm  
 Da's 'rumtreibn fo',

So schö's an diem is,  
 Und so weh thuats an diem,  
 Und 's irgst auf der Welt  
 Is scho', unglückli' liebn.

Dertwei' 'n Sepp, wier i's verzählt,  
 Hat's aa' scho' floa' vergrämt,  
 Und hat sei' Sehnsucht um sein' Schatz  
 Halt schier gar nimmer zähmt.

„Die ander' Wocha gehn i' 'nauf,  
 „Und waar's gar wie d'er will,  
 „Denn so a' Zweisfin bringt mi' um,  
 „Es thuat's nit', dees is z' viel.“

So is ihm gwest. Jek' End der Woch  
 Muaf er in Burgstall 'nauf,  
 Solt' um Gamsgeher schaugn dort,  
 Und fleißi' birschn d'rauf.

So hat's der Forstner habn wolln,  
 Und g'horsam geht er halt,  
 Wie's in ihm tho' und g'arbet' hat,  
 Es hat's wohl g'wahrt der Alt'.

Und dem is selber gwest gar load,  
 Und hat's nit glaabn mögn  
 Von Miede, aber dengerscht halt,  
 Wie's is, muaf mar erscht seg'n.

Mit die Gedanka siht er so  
 Dahoam und brummit drei',  
 Er muaß den andern Tag auf's Stift  
 Und d' Schüßn bringa 'nei'.

Da siht er draußt a' Schiffi fahr'n,  
 „Dees is ja d' Gredl gar,  
 „Mei' Baasl, schau, vo' Reiche'hall,  
 „Ja is es jeh', is's wahr?

„Meinoad sie is's,“ da geht er 'naus,  
 „Ja Gredei, grüß' di' Gott,  
 „Wie lang scho' hon i' di' nit g'segn,  
 „Go' denkt, bist gar scho' todt!“

„„Na Bettermo', dees waar nit aus,  
 „„Gottlob bi' kreuzwohlauf  
 „„Und All's dahoam, auf's Sterb'n, schau,  
 „„Da denk' ma gar nit d'rauf.

„„Mei' Vater, der is z' Bertlsga'n,  
 „„Na' sagt er, jeh' fahr' 'nei',  
 „„Und b'juach' 'n Leitner, wie's ihm geht,  
 „„'Rehr' aa schon amal ei'.““

„No', dees waar recht, ja Gredei schau,  
 „Du kimmst ma' größer für,  
 „Und stark, du gehst ja ausenand',  
 „S' kenn' di' nimmer schier.“

„„Gel', ja so is's, is aa' guat seh'  
 „„Bei uns, sag's allemal,  
 „„A' frische Luft und frische Leut',  
 „„Die find't ma z' Reiche'hall.““

So is halt gschwagt worn, nacha fragt f'  
 Was denn der Seppi macht,  
 Und ob er aa' no' Zithern schlagt,  
 No' so gern tanzt und lacht.

Da hat der Förster halt verzählt,  
 Was gschegn is, und sei' Noth,  
 Und wie's 'n Buabn so verdrießt,  
 Und grämet si' schier z' todt.

„Muß morgn mit die Wildrer 'nei',  
 „Ei's Stift, so hat er g'sagt,  
 „Und ho's um 's Diendl hi' und her  
 „Auf alli Art'n g'fragt.

„Sie sagn halt, sie kenne' f' erscht,  
 „Derweil f' am Raaser dort,  
 „Was willst da thoa', es ko' so seh',  
 „Vielleicht aa' kua' wahr's Wort.“

„„Ja no', und was sagt 's Diendl denn?““  
 „„Ho's freili' no' mit g'fragt,  
 „Was aber is's, wie kennst di' aus,  
 „Bal' f' aa' was anders sagt.“

„„Geh', 'glaabs nit, — aber ebbes, schaugts,  
 „„Dees kinn ma' do' probirn,  
 „„Wie waar's i mach' die Sennnderinn,  
 „„Na' wer' ma scho' was g'schpürn.

„„J' nimm von enkra Dirn a' G'wand,  
 „„Und is's, wie 's Miedeit sagt,  
 „„So habn sie 's ja gar nit g'segn,  
 „„Leicht grad 'n Nam' d'erfragt.““

„Wahrhafti', Diendl, dees kunn't geh',  
 „Und kaam' ma vielleicht d'raus,  
 Da richt't si' aa' glei' d' Gredl 'zamm,  
 Wie sie's halt find't in Haus.

Und stellt a' Kragn 'nei' in d' Stubn',  
 Und setzt si' hi' dabei,  
 Und holt der oa' die Schüßn na':  
 „Jetz' Sennnderinn, red' frei,

„Und sag's, was dees für Lumpn san,  
 „Die so schlecht red'n vo' dir?“  
 „„Meinoad, dees Gfindel kenn' i' nit,  
 „„Die san nie gtwest bei mir.““

Da lacht der oa', „was? nie bei dir,  
 „Du falschi Gfellinn, wart,  
 „Hast ma' die Uhr nit g'schenkt danachst?  
 „Wo d' gar a so vernarrt?!

„Schaugs' o' die Uhr, ob s' nit die dei',  
 „Und b'stehst di' nit dazua,  
 „Na' werd s' dei' Vater kenna scho' —  
 „Is dees nit Zoagschaft gnua?“

„„Kreuz Sakra, schreit der Förster jek',  
 „„Des halt' i' nimmer aus,  
 „„I' will Enk enkri Lugn zahl'n,““  
 Und reißt sei' Messer 'raus.

Da springt no' 's Baßl zwisch'n 'nei',  
 Ganz bloach san d' Wildrer 'worn,  
 Und bringt s' a' Ghilf gar gschwindi' 'naus  
 Er kennt den van' sein' Zorn.

A' Marret, dees is wohl a' Race,  
 Jek' hamun s' ihr d' Uhr no' g'stoln,  
 Und hätt'n 's Miede'i gern damit  
 Verdächti' macha wolln.

Und wie hat si' dees Baassl g'freut,  
 Waar no' der Sepp scho' da,  
 Gaang selber mit ihm auf Rühroint,  
 Und holet 's Diendl 'ra.

'N Forstner aa' werd wieder wohl,  
 „Führ' heunt no' d' Schüß'n 'nei',  
 „So sich i' morg'n 'n Sepp sei' Freud',  
 „Dees werd a' Gaudi sey'!“

## VIII.

Wie der Mankeifranz 'n Sepp grausam um's Lebn  
bringa will.

Der Mankeifranz is um die Zeit  
Hoch auf' an Boibn g'hocht,  
Und hat auf d' Gambs mit groÿn Fleiÿ  
Weit eini g'schaugt in's Hochi-Eis.

Es hat 'n Neu just g'schniebn g'habt,  
Da sicht ma' d' Gambsein schö',  
Und er hat d' Rudl zähl'n soll'n,  
So hat's der Forstner habn woll'n.

Hat auf dem Schnee wohl hübsch 'was g'segn,  
Es geit's dort aa' grad gnua,  
Und wier er's g'habt hat, is er ro',  
Und gegn d' Eiskapell'n no'.

So haapt ma' dort a' Höhl'n von Eis,  
Die steht Jahr aus, Jahr ei',  
Und zwisch'n himmihochi Wänd  
Liegt s' drinn, wo 's Thal scho' schier an' End.

Da fällt a' Schuß von Burgstall her,  
 „Dees is der Seppi gwest,“  
 Und 's Echo hi' und wieder prallt's,  
 Gar lang dort in die Schraafn hallt's.

Da er sieht, daß an' Adler kimmt,  
 Der allwei' niedrer streicht,  
 Jez' fällt er, bei der Giskapelln, —  
 „Schau, den kost jez' n' Seppi stehl'n.“

Dees kimmt 'n Franzn glei' in Sinn,  
 Und schleunt si' auf den Platz,  
 Da liegt er drobn an der Wand,  
 Liegt an 're Klamm nett auf'n Rand.

„Schau, waar schier gar 'da eini g'falln,  
 „Dees Loch is woltern tief,“  
 Da schaut er abi in die Klamm,  
 Geht kirzngrad und ninderscht z'amm.

Und schau, wie oan' der Teufi' reit't,  
 Was fällt ihm dabei ei'?  
 Er denkt, dees is a' feini Gruabn,  
 Da fang' i' 'n geh, 'n Sepp, den Buabn.

G'schwind holt er Nest und Stangln her,  
 Und deckt mit Schnee schö' ei',  
 Grad, daß's 'n Adler tragn no',  
 Und 's Loch koa' Mensch nit mirka ko'.





Und wie dees Alles sauber g'richt't,  
 So friecht er ruckwärts ro',  
 Und hat sei' Fihrt gar guat verfihrt,  
 Damit 'n nit der ander' spürt.

Na' geht er, daß er 'n no' bigignt  
 'N Sepp, dees laßt nit aus,  
 „Heunt, Bruada, schlaf' i' nit bei dir,  
 „Heunt kriegst an' eisi's Nachtquatier.“

- Und wo der Steig a' Reibn macht  
 Hi' gegn die Kapelln,  
 Da hat er gwart't und nit gar lang,  
 So kimmt der Sepp denselln Gang.

„Hast ebba g'schoßn, sagt der Franz,  
 „I' ho' an' Tuschler g'hört,  
 „„Ja wohl und dees verstehn i' nit,  
 „„Wie's jek da ganga hat damit.

„„'Ho' untern Burgstall eina 'birscht  
 „„Und ho' an' Adler g'segn,  
 „„Und schleich mi' da gar sauber o',  
 „„Und hon' ihm do' dees Recht nit tho'.

„„Denn daß i'n 'troffa, woas i' g'wiß,  
 „„Er is na' selm nei',  
 „„Um d' Eiskapelln selm 'rum,  
 „„'Ho' schaugn finna grad a' Trumm.

„„Bal' du da herkommst, muaßt d' ja wohl  
 „„Was g'segn hamn davo'?"“  
 „Schau, hat mi' dunkt, i' hätt' was g'segn,  
 „Is dort am Schnee a' Brocka g'legn.“

„„Na' is er's scho', na' bin i' froh,  
 „„Den muaß i' heunt no' hol'n,"“  
 „Ja ja, er is's, es seit' si nit,  
 „Pfiit' Gott, und bring' 'n fei' bal' mit.“

So san s' vonand, da denkt der Franz, •  
 „Heunt gehn i nimmer hoam,  
 „Sunst müßt' i' sogn 'was davo',  
 „Wo i' 'n Seppn troffa ho',

„Und morgn gehn i' auf Rühroint,  
 „Und fehr' bein Miede ei'. —  
 „Mit Taubn fangt ma' d' Habicht, gel',  
 „Mit Adler di', verdraachter G'jell.“ —

Der Sepp steigt jeh' auf d' Eiskapelln,  
 Und kimmt zun Adler hi',  
 Da legt er Bir und Stedn weg,  
 Und will 'n hoi'n von den Fleck.

A' Schritt dabei, und no' a' Schritt,  
 O Gott, da bricht er durch,  
 Und abi geht's, wie Pfeil, in d' Klamm,  
 Und fracht, als brechet Alles zamm'.



Da leit er d'runt in der Schlucht  
D'erschlag'n an Eis und Stoa',  
Und in an' eisign Wasser drinn,  
Und ihm vergenga alli Sinn'.

---

## IX.

Wie 's Miedel auf Barthlmä hat geh' woll'n und wie  
s' in's Kirchei z' St. Johann und Paul kemma is.

Dertwei dees g'shegn, wie i's g'sagt,  
Is 's Meidel auf der Alm  
Schier krank 'worn schau vor Kummernuß,  
Vor lauter Warten und Verdruß.

Und wie der Samstag kemma is,  
So sagt s' zun. Hüterbuabn,  
Gieb fleißi' Acht herobn, i' geh'  
In Hoagascht heunt auf Barthlmä.

Und geht dahi' und hat ihm denkt,  
Runnt seh', der Sepp is krank,  
Er waar' ja sunstn kemma gtwiß,  
'Muas schaugn, was ebba g'shegn is.

Und wie s' vom Grabn abasteigt,  
Hört s' unten Stoana geh',  
Und kimmt der Mankeifranz dagegn,  
Den hätt' s' wohl lieber gar nit g'segn.

„Hoho, mei' Miede, ruft er s' o',  
 „Wie kemma mir da zamm,  
 „Woast ebba wieder a' Paar Dieb  
 „Und gehst dein arma' Buabn z' lieb.

„„Na na, sagt 's Miede, nix vo' den,  
 „„Muas aba um a' Salz,““  
 „Und moa'st, i' woas's, der Seppi d'runt,  
 „Gel', daß dir der oa's gebn funnt.

„Du, da is's nix, der is vergrämt,  
 „Was Sakra, fangst denn o',  
 „Die Schütz'n ham an' Lärma g'macht,  
 „Du waarst so freundli' bei der Nacht.

„Und thuast funst gar so fluag und frumm,  
 „Hast gmoant, es kimmt nit auf,  
 „Der Seppi hat vor lauter Born,  
 „Schier d'rum sei' bisl Hirn verlorn.“

„„Was schwazst denn wieder, laß' mi' geh',““  
 „Sagt 's Diendl und will furt,  
 „Da halt' s' der Franz und sagt, so hör',  
 „Warum der oa' nie kemma mehr.

Und hat ihr gschwindi' All's verzählt,  
 Und wie der Sepp so wild,  
 Und sagt, er bringt di' selm in's G'red'  
 „An' sellan Loda möcht' i' net.

„Und werst scho' segn, wie's dir geht,  
 „Bal' d' 'nei' zun Forstner kimmst,  
 „'S bideut' di' nig, fehr' um mit mir  
 „Und glaab's, i' kenn' dees Volk dahier.“

Meinoad, es is ihr schwindli' worn,  
 Do' hat se's nit recht glaabt,  
 Und schaut 'n scharf, den Franzn o',  
 Und reißt na' aus und laaft davo'.

Da lacht der für ihm: laaf no' zua,  
 Du werst 'was schö's d'erfragn, —  
 Jetz liegt er ebba sechzeh' Stund',  
 Und wußt' nit, wer 'n find'n kunnt. —

Und 's Miede in Gedanken geht,  
 Ob wohl 'was wahr's dra' waar,  
 Was s' g'hört hat, und da drüber, schau,  
 Bergeht se si' drunt' in der Au.

Und wie s' es mirkt, steht aufamal  
 A' Kirchei z'nachst vor ihr,  
 Dees is gar schö' und hoamli' g'legn,  
 Vom Weg in's Eis, da ko' mar's segn.

Ma' hoapt's dort z' Sankt Johann und Paul,  
 Und geht davo' die Sag',  
 Es kaama oft von Untersberg  
 In d' Meß' da 'nei' dieseln Zwerg.

Denkt 's Diendl, 'will nit weiter geh',  
 Boneh' i' bet' a' wen'g,  
 Und kniet si' in dees Kirchlei 'nei'.  
 Hoa' Trost fon über's Betn seh'.

O mei' Gott, hat s' so für ihm g'sagt,  
 O Gott verlaß mi' nit,  
 Und wo i' mir nit helfa ko',  
 Nimm di' in Gnadn meiner o'.

Und bet't so furt und werd gar troach,  
 Es is ihr dabei g'west,  
 Als sollt' ihr recht an' Unglück g'schegn,  
 Und daß s' halt beschützet Gott dagegn.

Und nacha fällt's ihr wieder ei',  
 Schau, wann der Franz nit g'logn,  
 Was wern s' sagn geh' zu dir,  
 Wie schaugn s' di' o', i' fürcht' ma' schier.

Du lieber Gott, kunnt's no' grad seh',  
 I' traaf 'n Sepp alloa',  
 Mit den waar's leicht in Ordnung 'bracht,  
 I' woaf's, der Sepp hat foan' Verdacht.

Und über dem schreit draußt a' Hirsch,  
 Sie is ganz zammagfahrn,  
 An' argn Grilla hat er tho',  
 „Der is leicht böj' und naahm oan' o'.“

Da schleicht si' 's Diendl hi' an d' Thür,  
 Und schaut, ob s' 'n nit sieht,  
 Da steht er nettet aufn Steig,  
 Und arbet' an an' Tannezweig.

A' großer, großer Zwölferhirsch,  
 Ganz schwarz mit wilden G'stäng,  
 Gar trutzig steht er draußt, und stolz,  
 Und schaut so umanand in Holz.

Na' denkt se si, da gehst nit hi',  
 Der packet di' geh' o',  
 Und zieht si' hintern Kirchei 'rum  
 Und geht in's Thal no' 'nei' a' Trumm.

Und wie s' so geht, wo links gar hoch  
 Die gwalti' Hachlwand,  
 Da hat s' am Schnee 'was glanzn segn,  
 A' silber's Sträußl is da g'legn.

„Da schau, dees Sträußl! 's is von Sepp,  
 „Dees hon ihm amal g'schenkt,“  
 Da spürt s' 'n aa', ganz frisch am Schnee,  
 „Heunt is der Sepp nit z' Bartlmä.“

„Er muaf nit lang da eini sey'  
 „In's Eis, o wann i' 'n faand,  
 „Er is alloa', dees waar a' Freud',  
 „Und weg waar all' mei' Traurigkeit.“





## X.

Wie 's Miede in d' Eiskapelln kemma is, und was  
die G'schicht für an' End gnumma hat.

Sch' geht halt 's Miede nach der Führt,  
Bis s' außi kimmt am Weg,  
Da is scho' wegga gwest der Neu,  
Und dort is d' Aussicht weit und frei.

„Er müßt' scho' wieder außa seh',  
Hat s' gmoant, sunst muuß i' 'n segn,“  
Und schaut 'rum auf die Saand und Wänd',  
Und wo ma's in Hocheis hint' nennt.

Und schaut aar auf die Eiskapelln,  
Da funkt scho' der Schnee,  
Auf oamal sicht s', dort leit a' Huat,  
Ja ja am Schnee, da sicht s' es guat.

Sunst aber nix, da geht s' d'rauf zua,  
Schaut außi, sicht halt nix,  
Als was den Huat, „dees is der sei',  
„Sich' ja mei' Band in Sunnaschei'.“

Wo is der Seppi? und sie geht  
 Jetz nacheter an's Eis,  
 Da is a' Gwölb, wo mer eini fo',  
 Und eifi' waacht oan' d' Luft dort o'.

„Hat leicht verg'haltn da a' Gams  
 „Und holt's jecz,“ — da luust f' 'nei',  
 Und hört was dumper drinna hall'n  
 (Thäan d' Tropfa so, bal's abafalln).

„Was hör' i', und sie ruast: Mei' Sepp,  
 „Mei' Sepp, dei' Miede ruast,“ —  
 O Graus! da wimmerts in der Wand,  
 Vor Schreck kimmt d' Dirn schier ausanand.

„Dees Wimmern is nit in den Gwölb,  
 „O heiligi Muatta hilf,  
 „Der is wo einigstürzt, o Gott,  
 „Mei' Sepp! vielleicht scho' halber todt!“

Verzweifit steigt f' 'nauf gegn d' Wand,  
 Hat's kaam d'ermacha kinnt,  
 Und müht si' halt, ob f' gwahret nix.  
 Da sicht f' 'n Stedä aa und d' Bix.

Und sicht die Klamm, in Todesangst  
 Geht f' hi', und richti' drunt',  
 Da leit der Sepp, da schreit f' ihm zua,  
 Um Gotteswilln, Sepp, mei' Bua!

Und thuat an' Schroa, daß's weit 'rum hallt,  
 Und sinkt am Bodn zamm, —  
 Da schaut a' Jaga von der Höh',  
 Der's g'hört hat, eini auf 'n Schnee.

Es is der alti Forstner g'west,  
 Der g'sucht scho' um sein' Suh',  
 Jek sicht er liegn 's Diendl dort,  
 Nimmt aa' der Schroa von selln Ort.

Na' is er mit an' Holzknecht hi',  
 Dees is a' Jammer g'west,  
 Und bis f' 'n Seppi auße 'bracht,  
 Dees hat ihna wohl Mengst'n g'macht.

Und dengerscht is mit Gottes Hilf  
 Der Sepp d'erhalten worn,  
 Er hat nix 'brocha, und si' g'wihrt  
 Mit Mührn, daß er nit d'ersfriert.

Hätt's aber dauert no' a' Stund',  
 So waar er gwiß d'erleg'n,  
 'Hat 'bet't scho' um a' gnädig's End,  
 Da hat se si' no' anders g'wend't.

Jek hamm f' 'n bracht in's Försterhaus,  
 Und hat si' bal' d'erholt,  
 Es hat 'n ja sei' Miede'i 'pflegt,  
 Da hat si' Sorg' und Kummer g'legt.

Und wie der Vater na' verzählt,  
 Und d' Muatta, 's Baasl aa',  
 Und wie se 's Miedebei g'lobt und g'herzt,  
 Da hat er sei' Unglück bald verschmerzt. —

Und in drei Wocha hat ma' gsegn,  
 Da fährt a' Schiff am See,  
 Mit greani Tarn lusti' ziert,  
 Dees hat s' als Brautleut' überg'führt.

Und hamm beim Echo d' Birn 'tracht  
 Und Böller drei', 's is gwest a' Pracht,  
 Und manches Diendl, mancher Bua  
 In Berg hat gjuchezet frisch dazua.

Und femma san auf d' Hochzet na'  
 Die Diendln alli z'amm',  
 Die selm mit ihr in' Heuretsstoa  
 So lusti' gtworfa hamm,

Und weil der Heuratsstoa nit g'logn  
 Und nit derselbi Wurf bitrogn,  
 So san natürli' jeh' da d'rauf  
 Ost ganzi Rudl Diendln 'nauf,  
 Und kunnt' mar ihm mi'n Werfa o',  
 Sie hättn 'n lang d'ertworfa scho'. —

Mi'n Mankeifranz hat aber wild  
Bal' d'rauf a' böser Zufall g'schpielt,  
Denn bei der Eiskapelln dort,  
Wo er ihm ausstudirt den Mord,  
Da geht bei'n Schnee' a' Laana o'  
Und schlägt 'n in an' Grabn no',  
Und hat's gar grausam müß'n zahl'n,  
Denn maustodt hat er si' d'erfalln.  
Dees ko'st, wie's gwes'n is und g'schegn,  
No' heunt dort auf' an' Laaserl segn.

---

## Erläuterungen.

a', ein, eine, vor einem Vocal — an', a' Kua, eine Kuh, an' Alm, eine Alpe.

aa' = auch, vor einem Vocal wird ein r angehängt aar.

aaba wern bezeichnet das Weggehen des Schnees von den Bergen, z. B. 's is zeiti' aaba wern, der Schnee ist bald (frühzeitig) weggegangen. An' aabena Fleck, ein Platz wo der Schnee weggegangen ist.

abi = hinunter, hinab.

ablaaffa = ablaufen.

Ahnl, Aahl = Ahnherr.

allbot, jeden Augenblick.

Almrausch heißen in Berchtesgaden die Almrosen.

āmāl = einmal; auf āmāl = auf einmal d. i. plötzlich, bei besonderer Betonung sagt man auch auf oamal und als Zahlwort oamal.

Antn, Antn = Enten.

aufi = hinaus.

Baam = Baum.

Bichl = Hügel.

bischnern = flüstern.

Bliemi = Blume, Blümchen, eigentlich Bleami, wird ähnlich ausgesprochen wie im Französischen Blin mit angehängtem mi.

Blimbachthor, Bleabachthor, ein hochgelegenes Felsenthor am Ende des Blimbachthales gegen das Berchtesgadnische. Das Steinerner Meer und der Ewige Schnee sind ebenfalls an der Berchtesgadner Gränze im Salzburgerischen.

bloach, bleich.

Bloama = Blumen.

Blöcha, Blache, großes Stück Leinwand, womit z. B. die Lastwagen bedeckt werden.

Boar, Boarn, Bayer, Bayern.

Bock, ein Doppelbier, welches in München im Mai getrunken wird.

Boibn, eine Felsenkuppe.

Boschn, Gebüsch.

brinnroth, brennendroth.

brocka, pflücken, Brocka, Brocken.

broat, breit.

Bruaba, Bruder.

brummin, brummit, brummeln, brummelt.

buačas, buchenes, von einer Buche.

Buacha-Miede. Miede, Miade, ist das Diminutiv von Maria.

Ein Zusatz wie Buacha (von Buche) kommt bei Namen oft vor und bezieht sich theils auf den Namen des einer Familie angehörenden Hauses oder Hofes, theils auf Eigenthümlichkeiten einer Person und ihrer Neigungen. So Mankeifranz, Murmelthierfranz, Gams-Urberl, Gamsen-Urban zc., von der Vorliebe der Genannten für die Murmelthier- oder Gamsenjagd.

Buschn = Strauß.

Bußei, Bußei'n, Fuß, Rüsse.

Gammedi = Komödie.

Daama, Daamen. 'n Daama halt'n, den Daumen halten. Eine

Persön hält sich den Daumen, um einer andern, besonders beim

Spiel, Kegelschieben, Scheibenschießen zc., Glück zu bringen.

daafi, still aus Mangel an Offenherzigkeit oder Muth.

Daarn, Tanneugebüsch, auch Tannenzweige.

dahoam, daheim.

Dampes, Daampes, Rausch.

dalket, ungeschickt.

däthō' von däthoa', zuwegebringen.

däwischt, erwischt.

dengerscht, dengert, däächt, = dennoch, doch.

bernachst, banaart, neulich.

Dicket, Dickicht.

Dickel, Benedict.

diem, diawein, an diem, an diawein'n, zuweisen.

Diendl, Deandl, Mädchen.

doppit, doppelt.

draahn, draacht, drehen, dreht.

drent, drentn, drüben.

dumper, dumpf, trüb.

ebba, etwa.

ebbas, etwas.

Ed. Ein vorspringender Felsen, überhaupt ein Vorsprung an einem Berge, Kuppe.

Ees, Ent, Ihr, Euch.

ehna, ähna, ihnen.

Ei', Eile.

eifern, eifersüchtig seyn.

ei'g'schpirrt, eingesperrt.

enkri, engeni, eure von Ent, Euch.

erscht, erst, z'ersch, zuerst.

Ettaler-Mannl, eine Felsenkuppe bei Ettal in Oberbayern.

Fagn, Späße.

feichte's, fichtenes.

feit, fehlt.

Felverbaam, Weidenbaum.

ferchtn, fürchten.

Firt, Fihrt, Fährt.

firti, fertig.

Fleimuatta, Schmetterling.

foal, feil.

Forstmoasta, Forstmeister.

friegn s', fragten sie, würden sie fragen.

fuchti', erzürnt, schmolend.

Fürleg heißt in Berchtesgaden der Stand, wo sich ein Schütz beim Jagen anstellt.

fürnehm, vornehm.

Fürter, Fürta, Schürze.

furt, fort.

gaachest, am gaachesten, am jäh'sten.



- Gaartl, Gärtchen.  
 gaang, ginge.  
 Gams, Gamssei'n, Gams, Gamsen (Diminutiv).  
 gej, gelt.  
 geit, gibt, es geit gnuu, es gibt genug.  
 glaabt, glaubt.  
 g'fibbert, gezittert aus Zorn.  
 gleimer, Comparativ von gleim = nahe. Wie gleimer, wie  
 näher (auch dleim. Verchtesgaben).  
 Gmoa', Gemeinde.  
 gnä' Herr, gnädiger Herr.  
 Goasbock, Geisbock.  
 gon, gegen, gon Alma fahr'n, auf die Alpe ziehen.  
 graab, grau.  
 Graanln, so heißen die zwei Eckzähne in der obern Kinnlade des  
 Hirsches.  
 grea, grün.  
 Groamet, Grummet.  
 gront, zankt, brummt.  
 gschupft, drollig-närrisch, capriciös.  
 guat, gut.  
 Gul'n: Gulden, eigentlich Gnin.  
 gunnt, gönnt.  
 gwaand't, (von Gewand) bekleidet.  
 Gwih, Gewehr.  
 gwoant, gweint.  
 Hagmoar. So heißt der stärkste Käufer eines Orts.  
 hamm = haben.  
 Handsche = Handschuhe.  
 Harpfu, Haarpfu = Harfe.  
 hebt = hält.  
 Hecher = Heher.  
 heili', heilig, manchmal in der Bedeutung von gewiß, höchst  
 wahrscheinlich.  
 Hendl, Hendl = Hubu.

Heubüh', Heubühne in den Alpenhütten, meistens ober dem Stall.  
heunt = heute.

Hief' = Matthias.

Himmi = Himmel.

hint-lassn = zurücklassen.

Hirgscht = Herbst.

ho' = habe, das o' wie im französischen on.

Ho', Hahn, Ho'salz, Hahnsalz.

hoagartn, hoagascht, Hoagascht, auf Besuch zusammenkommen, in Hoagartn oder Hoagascht geh', auf Besuch gehen.

hoamli' = heimlich.

Hoch-Eis, ein felsiger Berghang unter dem Watzmann gegen die Eisekapelle.

Hochzet, Hohzet = Hochzeit.

hoffa = hoffen, auch Stutzen des Wildes.

Huaf = Huf.

Huat, Hüat, Hut, Hütchen.

Jagabliemi'n, Jägerblumen, für Edelweiß.

ihneri, eanahri = ihre, ihren.

Joppn, ein Kleidungsstück, dem sog. paletot sac gleichend. Die beliebtesten Farben sind grau und grüner Kragen.

Jrger, irgst, Aerger, ärgste.

kaaf, kaufe, wie das französische cave.

kamm = kaum.

Kalch, Kaich = Kalk.

Kaaser, synonym. von Alpe, Alm.

Kastl, Kaastl, Kästchen.

Kathrei' = Katharina. Nach dem Sprichwort Kathrei' sperrt 'n Tanz ei', weil vom Katharinentag an bis nach Weihnachten das Tanzen eingestellt wird.

Kei' = Keil.

?keit, in dem gebrauchten Sinn = gestoßen, abi kei'n, herunter stoßen, ei'kei'n, einkleiten.

kemma, kommen, is kemma, san kemma, ist gekommen, sind gekommen.

- kent o', zündet an.  
 kimm, kimmt, kimm b, komme, kommt.  
 Kini = König.  
 Kirter, Kirta = Kirchweibe.  
 kirznggrab, kertzengerade.  
 kleska = ausreichen.  
 kloaleizi = kleinwinzig.  
 kloarweis = allmählig, nach und nach.  
 ko' = kann.  
 koa', koani, koana, kein (koa wie das französische coin) keine, keiner. koa's = keines.  
 Kreister heißt das Bett einer Sennerinn.  
 Kridln' heißen die Hörner der Gemse.  
 Kruag = Krug.  
 kunnt' = könnte.  
 Laab, Laub, in' Laabern, im Laub, Laabrecha, Laubrechen.  
 Laabn heißt im Gebirge die offene Gallerie an den Bauernhäusern.  
 laafft = läuft.  
 Laane, Lawine, und auch ein steiler Grabsabhang (engl. lawn).  
 laar = leer.  
 läbët, läwët, im Spiel verloren seyn, aus dem französischen la bête.  
 Lanks = Lenz, Frühling.  
 Lampi, Laampi, Lamm, auch Lämmer.  
 laßt vo' mir, verläßt mich.  
 Lebta', Lebtag.  
 Lehra, Lehrer.  
 leit, liegt.  
 Lene = Magdalene.  
 Liecht'n heißt ein freier Platz auf einem Berg oder Berghang.  
 Lisei, Diminutiv von Elisabeth, Lischen.  
 loadi' = leidig.  
 loami', von Loam, Lehm, lehmig, langweilig, feig.  
 loant, lehnt.  
 loska, losen.

Poda, Bursche, Peda = Burschen.

Iuag, schau.

Iuust = horcht.

Iustn = gelüsten.

ma', man; ebenso wird auch est mir ausgesprochen.

maah'n = nähen.

Maaner, Maana, Männer.

Mäu = Maul.

Mankei, Murmeltier, in felsigen Bauen lebend, daher Mankei-  
röhr'n. Mankeifranz, Murmeltierfranz.

Mauser = Geier.

Mei'! mei'?! für „du mein Gott!“ oder einen ähnlichen Ausruf.

meinoab = bei meinem Eid.

Mieda, Miada = Nieder.

Miede, Miadei, das Diminutiv von Maria.

Milli = Milch.

Mo' = Mann, wie das französische mon.

moa', wie das französische moins, meine, glaube, moan'n, meinen,  
moant's, moat's, meint ihr zc.

Moaster = Meister.

Moda = Marder.

Muatta = Mutter.

muattasloa', ganz allein, mutterselig allein.

na = nein.

naacheter = näher.

Naagerl = Nelse.

nachatragn, nachtragn, gedenken, im schlimmen Sinn.

nachst, z'nachst, z'naart, zunächst, naart auch für nenlich.

Neu, in der Zägersprache ein frischgefallener Schnee.

nett, nettet als Abverbium = richtig, accurat. ho's nett so  
gmoa't = 'hab' es gerade so gemeint.

no, je nach der Betonung nur und noch.

Noagl, noagt, Neige, neigt.

o' = an, wie das französische on: schaug' 'n o', schau ihn an;  
mit anderer Betonung auch ab.

- oa', oana, oa's, ein, einer, eines.  
 Doch, Dachbaum, Eiche, Eichbaum.  
 oaschid, einzeln.  
 Obstler, Obsthändler.  
 Oka, ein griechisches Maas, 2½ Pfund.  
 Pasch = Würfel.  
 Pfeifei, Pfeifchen.  
 psilat, behülte.  
 plauschn, schwätzen.  
 raassa = raufen.  
 Raapi = Rapp, Diminutiv.  
 rarigist, rarste.  
 Rech, Räach = Reh.  
 Resei, Diminutiv von Therese.  
 Retzl, eine Mehlspeise, Schmarren.  
 ro', herab.  
 Ruabn = Rüben.  
 Ruap = Ruppert.  
 rumpit, rumpin, rumpelt, rumpeln.  
 Sachan, Sacken.  
 Saand, Plur. von Sand, Anhäufungen von Gestein und Geröllen  
 unter den Felswänden.  
 san = sind, das a wie in dem französischen sanité.  
 Sapprewalt für Sakrement.  
 Schaln für Fährte.  
 Schaar, Schar beim Tanze, eine Gesellschaft von Paaren, welche  
 zusammen tanzen.  
 Schauer = Hagel.  
 schied = häßlich, wild.  
 Schießet, Schießen, Scheibenschießen.  
 schirfer, schärfer, auch vorzüglicher.  
 Schlanggl, Schlingel.  
 schlauderisch, leichtsinnig, übereilt.  
 Schleisa, Schleifen, ein Theil im Falzruf des Auerhahns, während  
 dem man ihn anspringt.

schleunt si', eilt sich.  
 schnadlt, schnaaklt, schnakst.  
 schneibet, schneite.  
 Schneid, Muth, auch Bergrücken; schneibi', schneidig, muthig.  
 Schraakn, einzeln stehende oder vorspringende Felsen (Berchtesgaden).  
 Schroa, Schrei.  
 schugt, wirft, von einem nicht heftigen Werfen, beim Tanz auch:  
 in die Höhe schwingen.  
 schwarz, schwer.  
 Seidat, Soldat.  
 selles, sellas, solches, auch jenes.  
 selm, je nach der Verbindung damals und selbst.  
 Sepp, Seppi, Seppei, Joseph.  
 Si', Sinn.  
 staabt, staubt.  
 staad, still.  
 Staabei, kleiner Stadel.  
 steige'd, steigend.  
 stenga, stehen.  
 Stephi, Stephan.  
 Stoa, Stoana, stoanern, Stein, Steine, steinern.  
 stritti, streitig.  
 Stroafei, Streischen.  
 Suh', Sohn.  
 suach, suche.  
 Summa, Sommer.  
 Sunna, Sonne, Sunnaschlag, Sonnenschlag; die Holzschläge  
 werden meistens durch dergleichen Beinamen unterschieden.  
 Sunnta', Sonntag.  
 sunst, sunstn, sonst.  
 taugsam, tauglich.  
 Tenna, Tenne.  
 thaat, daad, thäte.  
 thäats; thut; thään, thun.  
 tho', wie das französische dont, gethan.

thuat, thut.  
 traamt, träumt, geträumt. Traam, Traum.  
 Trumm, Stück.  
 Tusch, tuscht, duscht, Knall, knallt.  
 übi, übel.  
 umanand, herum, ringsherum.  
 verdraacht, verdreht, auch für falsch.  
 verg'halten, aufgehoben.  
 Verschmach, Verdruß.  
 verspunna, nit verspunna, pffiffig, schlau.  
 verwaacht, verweht.  
 verwind't, verwindet, verwinden, durch den Geruch wahrnehmen  
 in der Jagdsprache.  
 verzoacht, verzeichnet.  
 voneh, che.  
 waar, wäre.  
 wampet, dickleibig.  
 Wei', Weib, a' Wei' heißt auch eine Weile.  
 weitschichti', weatläufig, ausgedehnt, groß.  
 weni', wenig.  
 wiescht, wüßt, häßlich.  
 Wilderer, Wilddieb, wildern, Wilddieberei treiben.  
 wini, wüthend.  
 wirma, wärmen.  
 woana, weinen.  
 woass, weiß von wissen.  
 wohlfi, wojsi, wohlfeil.  
 woltern, wojtern, wohl; kommt auch als Adjectiv vor a wol-  
 terni Bix, eine gute Büchse.  
 zamm, zusammen.  
 ziegst, ziehst.  
 Zirbued, ein Berg im Wimbadthal in Berchtesgaden.  
 Zoacha, Zeichen.  
 zoagt, zeigt.  
 Zoig, Zeug.

zozet, zottig.

Zweschbnhändler, Zwetschgcnhändler.

zwoa, zwoati, zwoat', zwei, zweite.

In dem Gedichte „der Heuretsstoa“ ist in Betreff der Gegend und der örtlichen Verhältnisse, welche darin oft zur Sprache kommen, Nachstehendes zu bemerken. Zwischen Berchtesgaden, Berthsgaden, und dem Bartolomä- oder Königssee liegt die Schönaa. Wenn man auf dem See nach dem Jagdschlößchen von St. Bartolomä fährt, so sieht man rechts eine Reihe von steilen Felsenwänden, wovon die ausgezeichnetsten die Brenti-Wand und die Eichen-(Dacha-)Wand heißen. Ob man nach Bartolomä (Bartlmä) kommt, geht ebenfalls rechts ein enger steiler Graben vom Waghmann\* herunter; dieser heißt Ringkennl und führt von Bartolomä auf die Alpe Kühvoint, welche ober den genannten Wänden liegt. In der Nähe befindet sich der Dachakopf und nördlicher der Schapbachboden; die Scharn (Scharte) liegt zwischen dem kleinen und großen Waghmann. St. Bartolomä liegt auf einer Landspitze am See auf einer kleinen waldigen, wildreichen Ebene, welche die Au heißt und sich in ein wildes Thal fortsetzt, wo man es im Eis nennt. Links an dem engen Thal liegen die Wände Burgstall und Hachlwand und unten am Eingang desselben das Kirchlein St. Johann und Paul. Der Weg hinein geht längs des Eisebaches und ziemlich am Ende liegt rechts am Fuße wild zerrissener Felsen die Eiscapelle. Das Thal schließt ein hohes Felsenkahr, das sogenannte Hocheis. Auf der entgegengesetzten Seite des Sees und gegen den Obersee hin liegt die Kaunerwand und die Thalwand. Die Alpe Unterlana und der Heuretsstoa, Heirathsstein, liegen am Fuße des Simmetzbergs, hoch am Ende des Bartolomäsees. Die Fischunkl ist der Thalgrund hinter dem Obersee, welcher von einem Halbkreis von Bergen eingeschlossen wird.

\* Der Waghmann hat eine Höhe von 9164 Fuß, die meisten umliegenden Berge sind zwischen 5000 und 7000 Fuß.









24. Z. r. 205.

Nm. August.

Freitag

Stett.

16. II. 1879.

Drei Studenten, denen immer von vielem Gelde träumte, gingen mitfsammen eine Wette ein, welcher von ihnen das meiste Geld diese Nacht im Traume besäße. Am nächsten Morgen erzählten sie sich ihre Träume. Der Erste sagte: „Ich habe eine ganze Wiese voll Nähnadeln gesehen und da stand ein Mann dabel und sagte: Alle diese Nähnadeln wirst Du brauchen, um die Geldsäcke für Dein Geld zusammen zu nähen.“ Der Zweite erzählte: „Mir träumte, das ganze Meer sei voll Tinte und ich hätte es noch mit der Feder ausgetauscht, um die Zahl in einer Reihe zu schreiben, welche mein Geld beträgt.“ „Und mir träumte,“ sprach der Dritte, „Ihr seid Beide gestorben und habt mich zum Universalerben eingesetzt.“ Er hatte die Wette gewonnen.

